

**STENOGRAM**  
**39. RADNE SJEDNICE SKUPŠTINE KANTONA SARAJEVO,**  
**ODRŽANE U ČETVRTAK, 08.07.2021. GODINE**

Predsjedavajući Elvedin Okerić (u daljem tekstu predsjedavajući):  
Otvaram 39. Radnu sjednicu Skupštine Kantona Sarajevo. Himna BIH.

Na današnjoj 39. Radnoj sjednici prisustvuje 28 zastupnika, što je dovoljan broj za punovažan rad i odlučivanje.

Izostanak sa ove sjednice su prijavili zastupnik Pleho i zastupnik Čelik.

Prijedlog dnevnog reda 39. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 23.06.2021.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo na sjednici održanoj dana 02.07.2021. godine, prihvatio je da se Prijedlog dnevnog reda 39. Radne sjednice, dopuni sa sljedećim tačkama:

1. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta gradskog prijevoza u Sarajevu; (razmatraće se kao tačka 4.);
2. Prijedlog Odluke o osnivanju Javne ustanove Osnovna škola „ŠIP”;(razmatraće se kao tačka 5.);
3. Prijedlog odluke o davanju saglasnosti za osnivanje "SREDNJA POSLOVNA ŠKOLA“ Ilidža; (razmatraće se kao tačka 6.);
4. Prijedlog Odluke o davanju saglasnosti na nacrt ugovora o kupoprodaji nekretnine-etažno vlasništvo u stambeno-poslovnom objektu Niz B, Lamela B2, izgrađenog u naselju Dobrinja V, općina Novi Grad Sarajevo, kojeg će Kantonalni stambeni fond Sarajevo, kao Prodavac, zaključiti sa kupcem nekretnine (Mrzić Đemila); (razmatraće se kao tačka 7.);
5. Prijedlog Programa rada Skupštine Kantona Sarajevo za 2021. godinu; (razmatraće se kao tačka 8.);
6. Izvještaj o radu Univerziteta u Sarajevu za 2019. godinu sa finansijskim izvještajem; (razmatraće se kao tačka 9.);
7. Izvještaj o radu Univerziteta u Sarajevu za 2020. godinu sa finansijskim izvještajem; (razmatraće se kao tačka 10.)

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Na osnovu naprijed navedenog, Prijedlog dnevnog reda današnje, 39. Radne sjednice, glasi:

1. Informacija o epidemiološkoj situaciji u Kantonu Sarajevo;
2. Poslanička/zastupnička pitanja inicijative i odgovori;
3. Nacrt Zakona o visokom obrazovanju;
4. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta gradskog prijevoza u Sarajevu;
5. Prijedlog Odluke o osnivanju Javne ustanove Osnovna škola „ŠIP”;
6. Prijedlog odluke o davanju saglasnosti za osnivanje "SREDNJA POSLOVNA ŠKOLA“ Ilidža;
7. Prijedlog Odluke o davanju saglasnosti na nacrt ugovora o kupoprodaji nekretnine-etažno vlasništvo u stambeno-poslovnom objektu Niz B, Lamela B2, izgrađenog u naselju Dobrinja V, općina Novi Grad Sarajevo, kojeg će Kantonalni stambeni fond Sarajevo, kao Prodavac, zaključiti sa kupcem nekretnine (Mrzić Đemila);
8. Prijedlog Programa rada Skupštine Kantona Sarajevo za 2021. godinu;

9. Izvještaj o radu Univerziteta u Sarajevu za 2019. godinu sa finansijskim izvještajem;
10. Izvještaj o radu Univerziteta u Sarajevu za 2020. godinu sa finansijskim izvještajem;

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Zaključujem glasanje. Molim službu da objavi rezultate glasanja.

ZA JE GLASALO 29 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA ZA 39. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Kao informativni materijal dostavljeno vam je:

- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar-mart 2021. godine;
- Dokument okvirnog Budžeta Kantona Sarajevo za period 2022. - 2024. godina;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2021. godine.

Prije nego što pređemo na realizaciju prve tačke dnevnog reda obavezni smo da razmatramo zapisnik sa stenogramom sa 33. i 35 Radne sjednice Skupštine Kantona Sarajevo, koji vam je dostavljen uz poziv za sjednicu.

Ima li primjedbi na dostavljene zapisnike? Nema.

a)

Molim vas da se izjasnite o Zapisniku sa 33. Radne sjednice Skupštine Kantona Sarajevo. Zaključujem glasanje. Molim službu da objavi rezultate glasanja.

ZA je glasalo 28 zastupnika, PROTIV I SUZDRŽANIH nije bilo.

Konstatujem da je Skupština potvrdila Zapisnik sa 33. Radne sjednice Skupštine Kantona Sarajevo održane 03. i 24.03.2021. godine.

b)

Molim vas da se izjasnite o Zapisniku sa 35. Radne sjednice Skupštine Kantona Sarajevo. Zaključujem glasanje. Molim službu da objavi rezultate glasanja.

ZA je glasalo 28 zastupnika, PROTIV I SUZDRŽANIH nije bilo.

Konstatujem da je Skupština potvrdila Zapisnik sa 35. Radne sjednice Skupštine Kantona Sarajevo održane 27 i 28.04.2021. godine.

Prelazimo na prvu tačku Dnevnog reda.

**AD – 1.**

**INFORMACIJA O EPIDEMIOLOŠKOJ SITUACIJI U KANTONU SARAJEVO**

Molim predstavnika Predlagača da podnese uvodne napomene. Ministar Haris Vranić.

Ministar Haris Vranić: UVODNO IZLAGANJE

Predsjedavajući:

Vi ste završili možete sjesti. Da li predstavnici radnih tijela žele riječ? Samo malo da pojasnim. Ministre, ne morate davati odgovore na pitanja koja su postavljena na prošloj sjednici. Da malo razjasnim, mi smo sada tačka Informacija o epidmiološkoj situaciju u

Kantonu Sarajevo. Dogovorili smo se da na drugoj tački koja se odnosi na Poslanička, zastupnička inicijative nećemo je koristiti, nećemo postavljati pitanja zato što smo to već ispucali u prošloj sjednici. Ali možemo zahtjeve ukoliko neko ima da podnese pismenim putem.

Da li predstavnici radnih tijela žele riječ? Ima li pitanja? Zastupnik Elmedin Konaković.

Poslanik/zastupnik Elmedin Konaković.

Hvala predsjedavajući. Imam dva pitanja za ministra Vranića. Jedan je dobio sam informaciju da je sa KC stigao zahtjev da im dozvolite angažman velikog broja zdravstvenih radnika, između ostalog i anesteziologa. Recite nam da li je to tačno, pošto kada su anesteziolozi napuštali KC vidio sam izjave menadžmenta kako to zapravo nije nikakav problem i da se gore stvari mogu odvijati potpuno normalno. Da li anesteziolozi trebaju za redovan, normalan rad ili je to samo za slučaj eventualno 4 vala pandemije, koliko ih sada ima, i kako se eventualno odvijaju ti procesi sada.

Drugo pitanje, također ako bi smo angažovali za 4 val mogući koji može doći, ove mlade ljude koji trebaju da rade ovaj posao ili ako bi smo ih trajno zbrinuli, odakle bi se oni finansirali? Odakle se finansira novi zdravstveni kadar u ustanovama? Ima li dovoljno novca ZZO, da li to može eventualno ugroziti novi kolektivni ugovor za koji se evo spremamo i čini mi se da se te stvari ipak malo kreću, da bi moglo doći do povećanja plata zdravstvenih radnika. Kada bi vama sad naložili kao Skupština zaposlite ih 100 ili 200, možete li nam samo reći šta bi to značilo za Fond i za postojeći zdravstveni kadar koji već radi u sistemu? Ta dva pitanja imam. Hvala.

Predsjedavajući:

Zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

Hvala predsjedavajući. Evo imam dva pitanja za ministra zdravstva. Prije svega da mi kaže da li zna koliko je apliciralo studenata ove godine za upis na Medicinski fakultet i da mi eksplicitno kaže koliko je položilo i koliko će biti primljeno, zato što ove informacije koje je sada rekao nisu tačne. A drugo me pitanje zanima a veže se za upravo kadar. Da li je tačno da na KCUS niste dali saglasnost za prijem patologa i pedijataru i ako je tačna informacija, zanima me zašto niste. Zahvaljujem.

Predsjedavajući:

Zastupnik Damir Nikšić.

Poslanik/zastupnik Damir Nikšić:

Ja bih samo prenio pitanje jednu informaciju i pitanje, zamolili su me građani da pitam ministra u vezi ove COVID situacije. Kaže da u Zetri osoblje nema maske na licu. Kada im se na to skrene pažnja, jako su grupi, i onda uključuju policiju koja je strašna. I također ne nosi maske. To je sa terena dojava. Ista situacija je sa maskama kažu da i u Opštoj bolnici gdje dio osoblja neće da nosi maske i kada im se traži da ih stave, oni to odbijaju. Ja vjerujem da je vruće, i da je ljudima teško, ali evo kada im se, šta znam nekako moramo iznaći rješenje. U svakom slučaju na Zetri je strašno, kaže dolaze stari i bolesni ljudi a ovi ih dočekuju bez maske i tretiraju na način, sada se izvinjavam to javnost baza, kao da su stoka. Dovikuju se preko ljudi, guraju boksove a ako bilo ko šta kaže poziva se policija, što je zaista apsurd. Možemo li samo da pitam, možemo li srediti tu situaciju da to bude malo civilizovanije, barem da se nađu ti neki air condition možda je ljudima vruće pa ne nose maske. Otkud znam tako da, a ljudi se žale. Mislim osoblju je vruće a ljudi se žale na to. Tako ako se može malo poraditi na tome i da to ne bude uvijek sve (nerazumljivo) sa policijom nego da bude malo

civilno i civilizovano. Hvala.

Predsjedavajući:  
Zastupnica Bibija Kerla.

Poslanik/zastupnik Bibija Kerla.

Ne ministra Vranića, nego se odnosi na predsjednika Skupštine Kantona Sarajevo. Odakle vama pravo uopšte da vi skidate tačku dnevnog reda pitanja i inicijative sa ove sjednice Skupštine Kantona Sarajevo? Ja sam se pripremila za 38 sa pitanjima i inicijativama. Ja sam se spremila i za 39 sa pitanjima i inicijativama. Pa me interesuje s kojim pravom vi skidate tu tačku s dnevnog reda? Hvala lijepo.

Predsjedavajući:  
Zastupnice Bibija Kerla očigledno niste dobro čuli i li niste htjeli dobro da čujete. Tačka nije skinuta, možete podnijeti pismeno. Ako smatrate da imate potrebu da postavljate i usmeno pitanje, iskoristite svoje pravo i postavljajte iako ste to imali pravo da koristite prije 20 minuta ili pola sata. Znači tačka nije skinuta, samo smo tehnički omogućili da podnesete pismenim a ne usmenim putem. Hvala.  
Zastupnik Haris Zahiragić.

Poslanik/zastupnik Haris Zahiragić:

Hvala. Ja nisam namjeru da postavljam pitanja vezano za ovo htio sam kroz diskusiju kazati, ali s obzirom da je ministar to istakao, htio bih pitati koliko diplomanata diplomira na fakultetu na kojem on predaje privatno, na Medicinskom fakultetu. Koliko ih upise taj fakultet. Da li tu Vlada treba poraditi na broju upisa. Također, trebao bih ga pitati da li su doktori oni koji upišu Medicinski fakultet ili oni koji završe s obzirom da on i te brojke netačno iznosi. Koje su puno veći broj upisanih nego broja završenih da bi prikazao neistinit prikaz ogromnog broja doktora koji završavaju Medicinu, da ima hiperprodukcija. Uopšte je nemamo. Treća stvar, da li je on svjestan da ona inicijativa koju sam ja podnio, uopšte nije bila za trajno rješavanje, nego godinu dana radnog iskustva svim mladim doktorima. Pogledajte koliko ih ima na birou, nije to toliko veliki broj. Broj četiri, da li ti mladi doktori, šta misli on da li naši mladi doktori trebaju ići u države Zapadne Europe a da nama dođu studenti iz Goražda i fakulteta Medicinskog iz Goražda iz ne znam Širokog Brijega itd. Da liječe naše roditelje i u perspektivi nas? I peto pitanje, s obzorom da je to bilo aktuelno a u jeku priče o epidemiološkoj situaciji, da pitam ministra Vranića koliko koštaju kila džigerice, kila špinata, kila kupusa s obzirom da je on kazao da građani trebaju tim liječiti šećer, jer ne može ovaj lijek kako se god zove on, biti na listi lijekova. Koliko košta kila džigerice, kila špinata, kila kupusa i u kolikim količinama bi građani trebali unositi to? Ako treba da u Skupštini podnesemo neku inicijativu na tu temu, da eventualno subvencioniramo džigericu, špinat i kupus kako je ministar kazao. Hvala vam.

Predsjedavajući.  
Zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući. Dakle još jednom bih da uputim pohvale premijeru Forti i ministru Vraniću vezano za jučerašnji sastanak sa predstavnicima zdravstvenih ustanova. Mislim da je sastanak bio zaista konstruktivan. Čuli smo mnogo toga ali molio bih da ministar Vranić barem u najkraćem kaže, s obzirom da je dr. Drljević kazao da nema nikakvih dilema da će nas zaobići četvrti val korona virusa. I naprosto da samo se pripreme građani da to čujemo od ministra da zvanično kaže da tu nema nikakvih dilema da će nas zaobići. Samo je

pitanje kolike će posljedice ostaviti. A s obzirom da govorimo o nekom preventivnom djelovanju da se pripremimo za dolazak delta virusa, ja bih volio samo da se kaže da li ćemo pratiti, ono ako je dobar i pravi trenutak bio za onaj sastanak. Evo ako se desio pravodobno, da li se možemo pravodobno spremati za kapacitiranje svih resursa, koji su potrebni da se na efikasan način suprotstavimo dolazećem korona virusu? Mene zanima prije svega, evo kolega Konaković je čini mi se pomenuo anesteziologe, to je čini mi se bolna sada tačka. Na koji način trebate premostiti ministre Vraniću i kako je moguće premostiti? Znam da je izuzetno teška situacija ali definitivno taj centar je sada podkapacitiran i ne može odgovoriti ni sutra, možda ni narednih mjeseci ukoliko se desi dolazak novog vala. Kako i na koji način? Da li će se posuđivati oni koji su sada u Općoj bolnici ljudi ili slati na ispomoć, a to je nemoguće? Procedure su jasne kako zaposliti nove ako se bude moglo i koja finansijska sredstva treba izdvojiti u tom smislu? I da li osposobiti ono o čemu je direktor Gavrankapetanović jučer govorio da ima potencijalna mogućnost da se još jedan kat i onaj azbestni materijal ukloni i nad ovim odjeljenjem koje je već spremno i da se proširi kapacitet prijema novih zaraženih bolesnika koji će trebati da se hospitaliziraju? Dakle to su pitanja i hvala vam lijepo.

Predsjedavajući:

Zastupnica Amra Hasagić.

Poslanik/zastupnik Amra Hasagić:

Zahvaljujem predsjedavajući. Dozvolite mi da vas ponovno poselamim i pozdravim i zaželim nam svima uspješan rad. Imam jedno pitanje za ministra zdravstva. Šta će biti sa onim osobama koje zbog svojih zdravstvenih tegoba nisu vakcinisane vakcinom Astra Zeneca? Hvala.

Predsjedavajući:

Dopredsjedavajući Vibor Handžić.

Dopredsjedavajući Vibor Handžić:

Zahvaljujem predsjedavajući. Pa nekoliko pitanja za ministra Vranića. Evo po vašem mišljenju, mislim imali smo sada jedan period prilično značajan u kojem smo imali, skoro pa i nismo imali na dnevnoj bazi novi broj zaraženih ljudi. Jučerašnji broj čini mi se a i vi ste to u svom izlaganju rekli, bio je 11. Ne znam koja je to brojka danas. Da li je taj, kada se u tim brojevima gleda nije to veliki porast, a da li je ipak taj broj od 11 već predstavlja neki signal početni da se trebamo dodatno uozbiljiti u pripremama za ovaj val koji je i sam Krizni štab otprilike najavio za sredinu osmog mjeseca. Nije to ni tako daleko. Kada smo imali onu sjednicu u Federalnom parlamentu možda prije nekih mjesec dana, eto sada ne znam tačan datum, vi ste u izlaganju rekli da je otprilike oko 38.000 do sada po zvaničnim podacima vakcinisanih ljudi u Kantonu Sarajevo. Imamo li neki okvirni presjek, znam da je teško to pratiti na dnevnoj bazi, ali veliki broj građana svaki dan putuje, prvenstveno u Srbiju na vakcinaciju, imamo li neki okvirni broj koliki je broj vakcinisanih ljudi u Kantonu Sarajevo danas? Ovih dana? I imate li slučajno informaciju s obzirom da je u ponedjeljak stigla donacija 200.000 vakcina iz Mađarske, kada bi mogla ići ta raspodjela i koliko otprilike doza pripada Kantonu Sarajevo u toj raspodjeli? Zahvaljujem.

Predsjedavajući:

Zastupnik Sead Milavica.

Poslanik/zastupnik Sead Milavica:

Hvala predsjedavajući. Ja ću biti vrlo kratak. Pitanje za ministra Vranića da li imate tačan podatak koliko je uposlenih anesteziologa u Državnoj bolnici, dakle tačan broj i koji je

prosjek operacija dnevnih u Državnoj bolnici. Ako nemate tačan podatak ministre ako je teško odgovoriti na ovo može i pismenim putem, ali evo, volio bih da imam taj podatak. Hvala.

Predsjedavajući:

Zastupnik Vedran Jakupović.

Poslanik/zastupnik Vedran Jakupović:

Hvala predsjedavajući. Dva su pitanja. Prvo je planirate li i kada planirate proširenje Kriznog štaba obzirom da očekujemo četvrti val, primarno proširenje direktorima JU koje nisu uključeni. Odnosi se to na Zavod za javno zdravstvo, KC; Hitnu, čak i inspekciju. I drugo pitanje vaše mišljenje zašto sada idemo u realizaciju odluke o restrukturiranju zdravstvene djelatnosti i reorganizaciji zdravstvenih ustanova u Kantonu Sarajevo koja je jš iz 2017 godine? Obzirom na epidemiološku situaciju koju smo i preživjeli i koju očekujemo sada tokom jeseni i premorenost zdravstvenog kadra. A riječ je o jednom prilično zahtjevnom i administrativno i suštinski da tako kaže djelovanju . Ne znam evo gdje žurimo i samo tražim vaše mišljenje da li bi smo mogli sačekati ako ništa proljeće, obzirom evo da ponovim, a kolegica Amra Junuzović-Kaljić je već pitala to pitanje, na premorenost zdravstvenog kadra i zbog ovog trećeg vala koji smo prošli, a i zbog četvrtog vala koji očekujemo. Hvala.

Predsjedavajući:

Zastupnica Admela Hodžić.

Poslanik/zastupnik Admela Hodžić.

Evo samo da pitam ministra da li je vakcinacija na Zetri prilagođena vremenskim uslovima obzirom da znamo da su na snazi preporuke da se ne izlažemo svi generalno stanovništvo visokim temperaturama od 10 do 17 sati, a znamo da je u toku revakcinacija onkoloških pacijenata i rizičnih kategorija. Hvala.

Predsjedavajući:

Nemamo više pitanja. Ministre Vraniću možete ponuditi odgovore na postavljena pitanja.

Ministar Haris Vranić:

E hvala predsjedavajući. Prvo pitanje je postavio uvaženi zastupnik Konaković da li se KC obraćao za prijem ljekara. Da, nije se obraćao za prijem ljekara nego me je obavijestio da oni imaju deficit i da bi bilo potrebno primiti 67 ljekara specijalista raznih profila. Također su naglasili da imaju deficit u broju anesteziologa nakon odlaska ovih 13 anesteziologa. Čak su u tom dopisu mi napisali da od ranije imaju nedostatak anesteziologa. A sa ovim ovim nedostatkom anesteziologa je uveliko usložnjen njihov rad. Što je jučer na sastanku predstavnici KC su nam i rekli na tom sastanku da oni u toku 4 talasa ako bi se do njega došlo nisu u mogućnosti u punom kapacitetu preuzeti najteže bolesnike. Na šta sam ja rekao da nakon prelaska 13 anesteziologa iz KC, istovremeno jedan dio je odgovora na pitanje, mogu odgovoriti zastupniku Milavici da trenutno Vojna bolnica ja mislim da ima 31 anesteziologa i svaki dan dobijam izvještaj. Njihov broj operacija se dnevno kreće između 50 i 54 operacije dnevno. Dakle, predstavnici KC su na tom sastanku rekli da oni ne bi mogli to kao onda kada su podnijeli u 3 talasu, na šta sam ja rekao da će Opća bolnica preuzeti najveći dio ako bi došlo do tog 4 talasa najveći dio pacijenata, teških i kritičnih bolesnika. S tim što ćemo mi onda morati uraditi dislokaciju i materijalno tehničkih sredstava iz KC prema Općoj bolnici, s obzirom da Opća bolnica ima samo 21 respirator, KC koliko sam jučer a i znao sam od ranije da imaju ja mislim, ne mislim, nego tačno imaju 127 respiratora. Što znači da bi se možda trebalo prebaciti nekih 40 respiratora u Opću bolnicu tako da bi oni mogli sa kapacitetima odgovoriti ako bi došlo. Ja sada opet govorim hipotetički „ako” ja se nadam da neće doći do 4

talasa jer imunizacija je u toku. Mislim da nećemo doživjeti ovaj novi 3 talas koji nas je iznenadio i prenapregnuo čitav zdravstveni sistem. Dakle, kratko da odgovorim na pitanje, anesteziolozi nedostaju i KC zbog nedostatka anesteziologa ne može da radi u punom kapacitetu kako je ranije radio. Finansiranje mladog kadra, zapošljavanje, naravno sve se odvija preko ZZO. Ta sredstva se uvijek moraju ranije u Finansijskom planu Zavoda za narednu godinu u planirati ali ne samo to, nego i ZZO koji je osnov i temelj organizacije i sistematizacije zdravstvenog sistema unutar Kantona Sarajevo prema potrebama istražuje plan prijema svog kadra. I na osnovu broja ljekara može se tačno odrediti nedostatak ljekara. Dakle, naravno da se trebaju iznaći novčana sredstva za zapošljavanje svakoga, pa tako i svih ovih mladih ljekara. E sada da li će to biti planirano narednom finansijskom planu ZZO, to ćemo vidjeti sa dinamikom prijema ovih mladih ljekara. I samo bih ja jednu digresiju, a to je stalno ponavljam, a to voli zastupnik Zahiragić govoriti koji je upućujem u medicinu, kao u svoju profesiju. Mladi ljekari nisu iznijeli borbu protiv ovog COVID oni su samo ispomogli ljekarima koji su iznijeli, specijalistima i subspecijalistima i sestrama koji su iznijeli i krvavo se borili za svakog pacijenta. Mladi ljekari nisu u stanju niti su u kapacitetu znanja da mogu da liječe tako teške bolesnike, sa takvom bolešću, s kojom skoro cijeli svijet se našao u nedoumici kako je liječiti. Prema tome oni jesu pomogli ali da su iznijeli borbu protiv COVIDa to je velika uvreda za sve one specijaliste i naše subspecijaliste koji su radili a mnogi od njih su dali svoj život u borbi direktnoj sa COVID. Ja mislim da je zastupnica Tokić postavila dva pitanja. Jedno nisam baš dobro razumio, ali drugo sam razumio. Pitali ste me da li sam odbio prijem pedijataru i patologa u KC. Ne, nisam odbio. Još uvijek nisam dobio nikakav papir niti zahtjev za prijem pedijataru u KC, i patologa. Ali sam dobio zahtjev za prelazak jednog pedijatra iz KC u DZ. To vam mogu reći. Ovo treba provjeriti možda je tu negdje na putu do Ministarstva taj zahtjev za prijem pedijataru. Neko drugo pitanje ste postaili, ja ne mogu da se sjetim, ako možete da ponovite. A da, to ste pitali. Ove godine ja ne znam da li je završen upis. Ne znam koliko je upisanom znam prošle godine da je bilo 270 je bilo raspisan ih mjesta. Možda se i vi sjećate, eto kažete da radite na Medicinskom fakultetu. Od toga je 70 samo finansirao Kantona 200 je bilo samofinansirajućih studenata. A onda se sada dobro to da ne ulazimo u dublju temu se postavlja šta je ustvari privatno a šta nije privatno. Dakle uvaženi zastupnik Nikšić je postavio pitanje iz maila istog kojeg sam i ja dobio. Dakle jedna gospođa je bila u Zetri, i doživjela je prema njenim navodima neprijatnosti zato št se je svađala zbog maski i onda je došla policija bez maski, dobio sam isti taj mail, to hoću da kažem. Dakle morate da shvatite da nekada se neko ne pridržava tih mjera. Da li je to uobičajeno? Nije uobičajeno. Ja kada obidem Zetru, možda imam tu nekakvu ludu sreću pa ne zateknem nikoga, ili možda čuju da ja dolazim pa stavim maske. Ali ja ih nisam sreo što ne znači da ova gospođa nije u pravu. Ali iz onog maila kojeg je ona poslala ona je zorno pokazala da se ona krenula svađati i sa policijom, opirati se policiji, derati se na njih, onda su se oni derali na nju, i to je tako otišlo. Mislim da je to neprimjereno. Ne treba raditi ni sa jedne ni sa druge strane. Građani su malo uznemireni ali mislim da će vremenom to se sve sleći. Potpuno stoje opravdane primjedbe ako je to tačno da se ne nose maske. Maske nisu dužne se nositi na otvorenom kao što znate pa ne moraju ni policajci nositi. Ali unutra, da. Pitao me je zastupnik Zahiragić koliko je studenata upisano na Medicinskom fakultetu na kojem ja predajem. Kod nas je granica upisa 28 studenata. Ne upisuje se više od 28 studenata. Također ja ne bih pravo ove, za mene su to ružne distinkcije, da li će nam dolaziti ljekari iz Goražda, Širokog Brijega ili nekih drugih mjesta, kao da su to drugi fakulteti ne postoji u Širokom Brijegu. Niste dobro informisani. Dakle, diskriminacija, nije vam prvi put da to tako diskriminirate, druge dijelove naše domovine kao da su manje vrijedni ljekari koji dođu iz Kaknja, Vareša ili iz Širokog brijega ili da ovi iz Sarajeva imaju veće znanje, ili da imaju veće znanje i kapital. Ja bih molio samo da završim ja vama nisam ništa govorio. Prema tome, to sa indikacijom odbijam. Naravno da se mora voditi kao u svakoj normalnoj zemlji politika prijema ljekara. Kao i svake druge struke. Ako ćete vi



pretvarati prijem ljekara bez ikakvog plana onda naravno da ćete doći u poziciju da imate ljekare koje nećete moći zaposliti. I onda se postavlja pitanje meni i svima nama ovdje da li oni treba da idu u inostranstvo? E sada je dužna država da smisli da li ih je toliko trebala primiti pa da oni ne bi išli u inostranstvo. A pošto država ne razmišlja o tome, pa ih primi, ne radi se samo o ljekarima. Radi se i o srednjem medicinskom kadru, radi se Fakultetu zdravstvenih studija, na kojem mi imamo sestre koje izlaze fakultetski obrazovane koje nisu uopšte unesene u sistemu niti bilo kojem kolektivnom ugovoru. One rade kao diplomirane medicinske sestre sa završim fakultetom a primaju plate kao obične medicinske sestre. Dakle Zakon ih još uvijek nije prepoznao. To je sistem kojim moramo da mijenjamo i trudimo se da ga mijenjamo. Mora se planirati na nivou Ministarstva obrazovanja i drugih institucija tačno koliko se može primiti. To je tačno što kaže kolega Zahiragić ne izađe toliko studenata. Neki odustanu na prvoj godini, neki na drugoj. Neki jednostavno se ne pojave na fakultetu. Neki iskoriste taj indeks naš što se upišu pa odmah odu u Austriju i Njemačku. Ovdje uzmu nečije mjesto pa onda odu sa tim indeksom i prijave se u Gracu i tako se zaposle počnu studirati u Austriji ili Njemačkoj. A moram vas podsjetiti da Kanton Sarajevo plaća samo 70 studenata. A 200 se samofinansiraju. Medicinski fakultet je godišnje zarađivao 5 miliona KM od studenata. Sada postavlja se pitanje da li je to stvarno što bi rekli državni fakultet ili polu privatni fakultet. Uvaženi zastupnik Marić hvala na opservaciji za jučerašnji sastanak. Bio je stvarno kvalitetan i vi ste učestvovali u raspravi. Da, kolega iz Opće bolnice Ernad je rekao da očekuje 4 talas, kao i što i u svijetu vidite da taj 4 talas se pojavljuje. Ja ne očekujem tako, ja sam možda optimista, možda i griješim ali ja ne očekujem takav talas da bi nam on zagušio zdravstveni sistem. I naravno pitali ste za nedostatak anesteziologa u KC, da to sam vam već odgovorio kroz ova prethodna pitanja. Da, nedostaje anesteziologa. Međutim vi na tržištu, da tako kažem, rada vi nemate dovoljno gotovih anesteziologa. Vi ih morate i školovati. Tako da u neurednom periodu sumnjam da će KC moći popuniti sa gotovim kadrom anesteziološkim ovaj nedostatak koji im hronično nedostaje. Ali preraspodjelom i a ako se budemo ponašali odgovorno u zdravstvenom sistemu, između bolnice, ako ne bude da tako uslovno kažem bilo kakvog natezanja, onda ćemo sigurno izaći pobjednici iz bilo kakvog sljedećeg talasa koji bi nas mogao zadesiti. A ne samo iz tog talasa nego i na odobrit naših građana i pružanja zdravstvenih usluga. Ja ću se potruditi, ja sam se najavio gore u KC, ja ću se potruditi da pomognem i riješimo taj problem koji trenutno KC ima. I na prošlom sastanku prof. Suljić je tražila od mene da ih primim da bi razgovarali o tom njihovom gorućem problemu. Ja sam rekao da su moja vrata uvijek otvoreni i da možemo o svemu razgovarati. Pardon, kolegica Hasagić je pitala, zbog nekih bolesti neki pacijenti nisu vakcinisani a imali su ponudu sa Astrom Zenecom koliko sam ja shvatio, da li će biti vakcinisani nekom drugom vakcinom? Moramo vidjeti zbog čega nisu vakcinisani Astrom Zenecom. Evo sada se pokazuje da ona nije uopće problem. To je bio globalni problem farmaceutske industrije jedne između druge, zbog jednostavno cijene Astra Zenece, evo sada Astra Zeneku svi primaju, nekih primjedbi. Sada se pojavljuju primjene na Pfizer vakcine. U svakom slučaju, ako te osobe smatraju, ili ako imaju indikacije da ne mogu se cijepiti sa Astrom onda treba da se obrate svom porodičnom ljekaru ili da evo meni neka pošalju slobodan mail, primam ih stotine, dnevno, pa ću ja vidjeti da razumijem taj problem da se vakcinišu sa nekom drugom vakcinom koja bi njima bila adekvatna. Uvaženi zastupnik Viber Handžić je postavio da li znamo broj vakcinisanih izvan BIH. Do sada ima 8.600 koji su se prijavili preko aplikacije ZZO. Taj broj je daleko veći, to je nesumnjivo. Ja svaki put plediram za sve naše građane da bez ikakvog stida, eto ja to smatram kao nekakvim studom da se oni osjećaju nekako stidno da se prijave na tu aplikaciju. Međutim prijavom na tu aplikaciju umnogome nama omogućavaju da statistički vidimo koliko je broj vakcinisanih u Kantonu Sarajevo, da bi mogli procijeniti opasnost dolaska i kako ćemo reagovati na dolazak eventualno četvrtog talasa izazvanog delta sojem. Na drugi dio pitanja ja koliko znam do sada je vakcinisano nekih 70.000 naših građana od toga imamo 64.000 preboljeli naših građana, što se može

smatrati da su oni još uvijek imunizirani, jer evo sve noviji naučni radovi to pomjeraju. Pa sada se i svi naučnici nalaze u dilemi šta je ispravno. Imali smo u početku da je taj imunitet nakon preležane korone šest mjeseci pa se pomjerio na osam mjeseci, pa evo na 12 mjeseci pa će na kraju ispasti možda da je i trajan imunitet. Ali u svakom slučaju oni spadaju u kategoriju onih koji su uslovno rečeno prirodno cijepljeni. Zastupnik Vedran Jakupović je ostavio pitanje da li planiramo proširenje Kriznog štaba sa nekim direktorima ustanova. Ja za sada to nisam planirao. Da li će se ukazati potreba u narednom periodu, ne znam. Ako se ukaže potreba proširit ćemo. I zašto je započeta reorganizacija. Reorganizacija 2017 godine Skupština je donijela taj plan čitav akcioni za reorganizaciju zdravstva i mislim da je neophodna ta reorganizacija zdravstva. Ona je započeta da tako kažem papirnatim putem i ona ide svojim tokom. Ako neko misli da će se ona završiti u vrlo kratkom periodu, griješi. Taj akcioni plan je veoma obiman koji zahtjeva od popisa MTS, ZK izvadaka, arhitektonskih planova tih zgrada, do vlasništva, kadra, planiranja gdje će se taj kadar rasporediti. To će biti dugotrajan proces. Ali taj proces nikada nije bio započet. Mi smo ga po prvi put započeli i sigurno ćemo ga završiti. Da li će to biti u vrijeme epidemije ili nakon epidemije nakon godinu dana, ali ćemo ga završiti. Sigurno ono što se odgađa to se ni ne događa, prema tome mi smo započeli, taj proces se neće zaustaviti. Koliko će trajati ja vam ne mogu reći. Ali vjerovatno da ćemo kroz Vladu i skupštinski te rokove pomjeriti. I zastupnica Admela Hadžić je postavila da li se obraća ikakva pažnja zbog vremenskih uslova. To je tačno. Izraženi su ekstremni klimatski uslovi sada ovih zadnjih dana sa izrazito visokim temperaturama i povećanom vlagom, što apsolutno utiče na čitav kardiovaskularni sistem naših bolesnika koji mogu teško da podnese, a radi se o težim bolesnicima i starijim. Mi u Zetri činimo sve što možemo ali ne moguće je obezbijediti sve onu zaštitu koja bi bila adekvatna za ove vremenske uslove. Tada da prilikom svakog pozivanja našeg pacijenta, građanina na vakcinaciju može se tačno pročitati iz poruke koja dolazi na viber gdje se jasno kaže molim vas dođite u tačnom terminu koji vam je dostavljen. To je termin od nekih 45 minuta ili sat vremena. Međutim vi nekada imate pogotovo starije naše građane koji znate vole ranije doći da mu ne bi neko uzeo vakcinu. On dođe dva sata ranije i onda čeka pred Zetrom. Eto to vam mogu reći ali u svakom slučaju sve ćemo se potruditi da omogućimo što veću zaštitu naših građana, bar izloženosti visokim temperaturama i suncu. Eto hvala. Ako ima još nekih pitanja, izvolite.

Dopredsjedavajući Vior Handžić

Nema pitanja smo završili, to je to ministre. Ostaje nam rasprava. Otvaram raspravu. Pretpostavljam da su ovo prijavljeni ovdje za raspravu ovdje sve. Zastupnik Dević je prvi prijavljen uključite ga molim vas. Izvolite.

Poslanik/zastupnik Mahir Dević:

Zahvaljujem dopredsjedavajući. Probat ću da na neki način ukažem na dvije stvari koje su po meni važne. Prvo, mislim da današnjom informacijom oko stanja oko COVID u Kantonu Sarajevo nismo postigli prevashodni cilj koji je po meni trebao biti upozorenje građanima Kantona Sarajevo na opasnost koja eventualno predstoji na jesen o.g. od četvrtog vala. Mislim da ministar se tom temom jako bavio, jer se bavio puno više nekim drugim stvarima, politikanstvom koje mu nije daleka stvari. U svakom njegovom govoru, ja mislim da on na takav način ustvari odvlači suštinsku pažnju možda i od onih dobrih stvari koje je uradio. I ja ga u tom segmentu pozivam da ne upada u tu matricu, da nam prezentira pitanja pojedinih ljudi iz politika ovdje. Čak čini mi se ne ni stranaka, pa ne mi matične stranke, možda ih koje dolazi mi stvarno ministre trebamo doći i situaciju da prestanemo ka Skupština Kantona Sarajevo generalizirati loše odnose među zdravstvenim ustanovama u Kantonu Sarajevo. Vi ste najodgovorniji čovjek ovdje pored premijera Kantona Sarajevo koji treba da stavi tačku na takvu vrstu priče ja vas ispred Kluba SDA stvarno obzirom da krenete u tom pravcu. Da izađemo iz tog jednog političkog blata, i da prestanemo praviti neke komparacije, poređenja i

baviti se nekim jeftinim političkim famoznim koje pojedini u ovoj Skupštini koriste zadnjih deset godina, kada bi ostali bez tih političkih spinova i fazona ne bi imali šta kazati u ovoj Skupštini. Prema tome, ja vas u tom smislu zaista ministre molim i vas, čini mi se premijer nije toliko bitno u tim stvarima da kažem naglašen., mada je i on ponekad znao izaći u svojim diskusijama u tom pravcu vi ste najodgovorniji osoba i prestanite u tom smislu, stavite tačku na tu vrstu priče da uđemo potpuno spremni u četvrti val pandemije. Mislim da je to vaš primarni i osnovni zadatak kao ministra zdravstva Kantona Sarajevo. Ukoliko neka zdravstvena ustanova ima kadrovske potrebe, koje su bazirane na činjenicama nemojte da to problematiziramo s jedne strane a s druge strane u nekim drugim ustanovama mi sada prekapacitiramo i onda ćete izazvati Klub SDA takvih diskusijama da vam mi uđemo u sistematizacije radnih mjesta, u broj operacija, u norme i standarde i ta će nas rasprava odvesti ponovo. Gdje? Nigdje. I u tom segmentu vas ja pozivam prestanite sa tom vrstom priče. I također vas pozivam da možda ipak organiziramo jedan jasniji plan aktivnosti koje će provoditi u ministarstvo zdravstva i kao preventiva ovom 4 valu koji se očekuje, očigledno da dođe, da upozorimo građane, da malo izađemo u medije. Da na kraju krajeva možda neke mjere uvedemo koje bi bile preventivne da na dnevnoj bazi se ta situacija prati da ne bi doživjeli onakav vrhunac kao što je bio u ovom trećem valu, bukvalno na granici. Nema potrebe da te diskusije vodimo u jednom pravcu koji nas neće odvesti nigdje. Eto ja vas stvarno pozivam da te diskusije budu konstruktivne, da radite dobre stari, da pomognete svim zdravstvenim ustanovama u Kantonu Sarajevo bez obzira na političke figure pojedince koji obnašaju odgovorne funkcija u tim zdravstvenim ustanovama. Danas su to jedni ljudi, sutra će biti drugi, prekosutra će biti treći. Skupština Kantona Sarajevo kao najveći zakonodavni organ treba da izađe konačno iz te vrste priče. Pozivam vas ministre kao najodgovornijeg čovjeka da u tim vašim govorancijama ovdje držite tu notu digniteta i vašeg posla da ne provejava nekako ono nešto ispod redova ona neka nabačena pitanja. Na taj način ćete nas iz opozicije izazvati i onda ćemo otići unedogled. Nema potrebe. Pozdravljamo aktivnosti koje su dobre. Radite u interesu građana Kantona Sarajevo, pomažite svim zdravstvenim ustanovama u Kantonu Sarajevo, pomažite svim u zdravstvenim radnicama. Nađite rješenje za kolektivni ugovor sa zdravstvenim radnicama u Kantonu Sarajevo. Rješajte i ovo pitanje mladih doktora. Nemojte da ga relativiziramo na način sada da mi kažemo nisu oni sami nisu iznijeli tu pandemiju. Pa naravno da nisu. Ali smo ih ipak u jednom momentu kada nam je zatrebalo kadra izveli na prvu liniju pa možda čak i kao pripravnike, kao neobučene u stresnu situaciju u kojoj su trebali da budu možda i ovi da kažem doktori sa dugogodišnjim iskustvom se teško nosili, sa ovom pandemijom. Ja mogu razumjeti i stavove nekih ljudi anesteziologa koji rade godinu i po dana u takvim uslovima, koji su užasni. Sami po sebi. Da li ćete se zaraziti, ljudi kraj vas umiru, šta je s vašom porodicom. Na dnevnoj bazi. Mi moramo razumjeti i psihičko i fizičko stanje u kojem su se ti ljudi nalazili. U svakom smislu riječi. A ni u jednom momentu ga zloupotrebjavati u bilo kakve političke svrhe. Evo toliko od mene. Dvije stvari cijenim, da trebamo možda malo više poraditi na toj kampanji. Mi smo kao opozicija spremni da vam damo podršku u tom segmentu. Svim aktivnostima, svim dobrim stvarima koje uradite u bilo kojoj zdravstvenoj ustanovi i pozivam vas da stavimo tačku podjela na zdravstvene ustanove u Kantonu Sarajevo. Hvala.

Dopredsjedavajući:

Zahvaljujem zastupniče Dević. Molim vas da uključite zastupnicu Biščević-Tokić. Ona i kolega Zahiragić su se zamijenili za diskusije., izvolite.

Poslanik/zastupnik Jasmina Biščević-Tokić:

Hvala predsjedavajući. Pa evo nisam mislila uopšte diskutovati po ovoj tački dnevnog reda ali neke stvari ponukane od ministra Vranića moram ispraviti neke njegove netačne navode koje je rekao za ovom govornicom u Skupštini Kantona Sarajevo. U ovoj godini na Medicinski

fakultet prijavilo se 281 student. Prijemni ispit je bio 01.07. i 276 studenata je pristupilo prijemnom ispitu. Od 276 studenata 192 je položilo prijemni ispit. Ministre Vraniću ovo nije 300 studenata, nego 192. od toga kao što znate sad ima online sistem e-UNSA online sistem koji ograničava kvotu studenata i sistem je ograničio na 167 studenata. Nemojte zaboraviti da 80 finansira Kantona sve preko su samofinansirajući studenti i pretpostavljam obično oko 15% studenata odustane jer je školarina skupa i roditelji ovih studenata ne mogu da plate takvu školarinu. Ali još nešto nemojte zaboraviti: ovo nisu svi studenti iz Kanton Sarajevo, nego iz cijele BIH. Kada te rekli da pare od samofinansirajućih idu Medicinskom fakultetu UNSA ni to nije tačan podatak ministre.

Dopredsjedavajući Vibor Handžić.  
Poslovnička intervencija zastupnik Jakupović, izvolite.

Poslanik/zastupnik Vedran Jakupović:  
Samo da zamolim da se vrati na temu Epidemiološka situacije nema veze s upisima na Medicinski fakultet. Hvala.

Dopredsjedavajući Vibor Handžić:  
Slažem se. Od početka smo napravili grešku. Dakle iskritikovali smo ministra što priča van teme jer nisu zastupnička pitanja a onda smo pola diskusija potpuno smo van teme.

Poslanik/zastupnik Jasmina Biščević-Tokić:  
To se tako trebalo od početka. Ja sam pitala predsjedavajuće na kojoj smo uopšte tački. Ali kada se već počelo i pričati i odgovarati dopustite da onda i mi imamo svoje na to diskusije.

Dopredsjedavajući Vibor Handžić-  
Predsjedavajući je upozorio i ministra da ne ide van teme, pa logično bi bilo ako smo ga iskritikovali da mi sami to poštujemo ali eto.

Poslanik/zastupnik Jasmina Biščević-Tokić:  
Samofinansirajući studenti daju pare u Budžet ne samo Medicinskog fakulteta nego svi samofinansirajući hrane Budžet a ne fakulteta. Nisu to pare fakulteta koje ostaju bilo kojem fakultetu niti organizacionoj jedinici i to datira od 01.01.2019.godine samo fakultetima ostanu doktoralni projekti i posebne edukacije koje su vlastita sredstva. Evo reći ću vam da nije navod da je prošle godine upisano 270 istina, nego 144. ali evo neću više oduzimati. Mogla bih o ovome pričati na široko. Kada je riječ o ovim doktorima mladim koje je ministar spomenuo, rekao je da tu trebaju biti subspecijalisti, specijalisti, da oni ne trebaju liječiti i tako. Ja se slažem ali moramo znati jednu stvar da ovi doktori nisu radili niti u Općoj bolnici Abdulah Nakaš niti su radili na KCUS. Oni su radili u DZ. I ne znam da su radili u DZ svi ti subspecijalisti i da su liječili. Ja baš mislim da su mladi doktori u DZ ponijeli dosta kao i ostali zdravstveni radnici u liječenju građana Kantona Sarajevo i ne možemo sada nešto reći da nije urađeno kada je urađeno. Mi moramo znati da u našim COVID ambulancama nisu bili samo ljekari, nego su bile i medicinske sestre, i laboranti ko ji rade u laboratorijama, i fizioterapeuti, i svi zdravstveni radnici kako bi mogli pridonijet što boljoj organizaciji vezano za pandemiju COVID-19. Tako da ne stoji ministre da su ti mladi doktori radili niti na KC niti u Općoj bolnici Abdulah Nakaš. Ja smatram da svako ko završi Medicinski fakultet ne zato što sam ja doktor, nego da trebamo motivisati ih da ostanu u BIH. Ne samo Medicinski fakultet, nego sve studente različitih fakulteta. Kada je riječ o zaposlenju pitala sam vas pedijataru i patologa, vi ste mi rekli da vjerovatno da nije došlo do vas i da vjerovatno to je kao u putu. A evo kolegice mi šalju da ste im čak odgovorili ministre i da je došlo na adresu a datumi su 08.06.2021.godine gdje ste rekli da to nije vaša nadležnost za rješavanje ovakvog

zahtjeva KC prema vama, a zaključak Vlade je bio 28.01. da moraju imati saglasnost ministra zdravstva. I za davanje saglasnosti da niste nadležni. Ja ne mogu da vjerujem da smo pustili jednog patologa i jednog pedijatra da su na službi na birou dok npr trenutno imamo zastoj u obradi patoloških nalaza na KC gdje ljudi sa karcinoma čekaju duže vrijeme za patohistološki nalaz. Ja vas molim ministre a mislim da je inicijativa bila i doktorice Amre da što prije potpišete saglasnost za ovakav kadar koji je stvarno deficitarna u Kantonu Sarajevo, i da se više ne igramo politike između zdravstvenih ustanova jer dok se mi igramo između zdravstvenih ustanova sav vrijedan Kantona. Zahvaljujem.

Dopredsjedavajući Vibor Handžić:

Prije nego što dam riječ sljedećem zastupniku želim vas napomenuti i upozoriti da svi zastupnici i gosti koji nisu u diskusiji ili ne postavljaju pitanje stave maske na lice. Pet sati smo ovdje neki dan proveli sa Sanitarnom inspekcijom zbog prijave građana sa sjednice u Federalnom parlamentu gdje mi sami ne poštujemo epidemiološka pravila prilikom zasjedanja Skupštine Kantona Sarajevo. Zato vas molim da to poštujemo i da svi stavite maske na lice. Izvolite zastupniče Zahiragić.

Poslanik/zastupnik Haris Zahiragić:

Hvala dopredsjedavajući. Dakle tačka dnevnog reda jeste epidemiološka situacija, međutim u uvodnim izlaganjima ministar se dotakao inicijative u kojoj smo neposredno prije toga glasali tako da ću ja na tragu toga diskutovati većinu svoje diskusije i molim vas da mi to dozvolite. Ja sam se šokirao, ma možete stotinu.

Dopredsjedavajući Vibor Handžić:

Ja ponavljam, ministar je krenuo u tom pravcu, upozoren je da se ne vraća na zastupnička pitanja i inicijative i napustio je poziciju s govornice i sjeo na svoje mjesto. Dakle nemojte da kršimo Poslovnik, molim vas da se držimo teme i da to poštujemo. Poslovnička intervencija zastupnik Jakupović dajte mu riječ.

Poslanik/zastupnik Vedran Jakupović.,

Ja sam poslao ministru poruku interno da ne odgovara na pitanja vaša o upisima na Medicinski fakultet. To su vaša pitanja bila, o kvoti upisa, o kvoti upisa na fakultet privatni na kojem čovjek predaje i još o cijeni špinata. A govorimo o epidemiološkoj situaciji. Samo se molim vas uozbiljite i razgovaramo o epidemiološkoj situaciji. Sljedeća tačka može, sada ne. Nema replike na poslovničku.

Dopredsjedavajući Vibor Handžić:

Ne postoji institut replike na poslovničku intervenciju. Ispravka krivog navoda zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

Znači ovako kolega Vedran, ministar je u uvodnim napomenama ako se sjećate, evo vratite film, dotakao se upisa Medicinskog fakulteta, na šta smo mi onda postavili pitanja kada je već počeo da priča o toj tematici postavili smo pitanja jer hoću da kažem da ovo što je rekao nije istina. Nisu zastupnici SDA počeli o ovom pričati, nego ministar kao uvodne napomene. Zahvaljujem.

Dopredsjedavajući Vibor Handžić:

Tačno. Ja ponovo ponavljam da je tako bilo i da je upozoren ministar da je van poslovnika i tačke i da je prekinuo s tom raspravom. Dakle nemojte ni vi sada to isto raditi na ono što ste upozoravali molim vas. Ako hoćete, imali smo dogovor da na ovoj sjednici preskaćemo

zastupnička pitanja, ja sam vam davao po dvije tri minute duže na prošloj sjednici po toj temi, znam, ali nemojte da kršimo Poslovnik na ovoj tački dnevnog reda. Ako ste kritikovali da se vratimo na temu, budite korektni molim. Ja sam korektan budite i vi korektni. Uključite zastupnika Zahiragića.

Poslanik/zastupnik Haris Zahiragić:

Dakle, način i stil na koji određeni zastupnik želi da govori o temi je stvar autonomije zastupnika i s tim u vezi ne može niti jedna poslovnička intervencija cenzurisati ono što određeni zastupnik hoće da kaže i da gleda na temu iz ugla iz kojeg on smatra da je najbolje gledati na tu temu. Ja s obzirom da je ministar u uvodnim napomenama spomenuo tu inicijativu, a i da je nije spomenuo, ja bih govorio iz tog ugla s obzirom da je ova tema vrlo značajna na tragu najave četvrtog vala epidemije korona virusa. Dakle ja kada sam najavio i kada sam podnio inicijativu prije nekoliko sjednica, čini mi se prije 2 sjednice 31.05. nisam ni slutio da će se naći neko ko će biti protiv toga da mlade doktore koji su radili u DZ, koji su zaista bili na prvoj liniji, na način da su oni najmlađi ljudi išli u COVID ambulante i starijim kolegama da se skinu direktnog kontakta, i to je tako u praksi, pitajte te mlade ljude ukoliko imate kontakt, ja sam s njima pet puta se do sada sastajao. Nisam ja ovu inicijativu iz svoje glave stavio. Član 2 te inicijative je također vezan za temu. Ova epidemija će evidentno trajati, kapaciteti će nam trebati. Oni argumenti kako mi nemamo sredstava, kako su to sredstva Zavoda, koje su iznosio ministar i pojedini zastupnici ne stoje. Ukoliko se vratite na inicijativu to su programi koji traju godinu dana, oni čak i ne idu preko ZZO nego preko Zavoda za zapošljavanje. Ukoliko ćemo mi reći da nemamo novca da zaposlimo studente koji su zaposlili Medicinski fakultet u Sarajevu to nije bi blizu 200 ljudi godišnje. To je 20, 30 do 40 ljudi godišnje. A u sistem u u Kantonu Sarajevo osim JZU postoje i privatne zdravstvene ustanove. Imali smo jedan program kada je čini mi se premijer Konaković bio i ministrica zdravstva Ademaj, realizirali smo taj program te godine. Nije nastavio. Ali da je nastavio danas ne bi govorili o ovoj temi uopšte. Pokazalo se u Kantonu Sarajevo da se taj program može realizirati. Sve je stvar političke volje koju evidentno neko radi par stotina hiljada maraka ili par miliona maraka iz budžeta koje nije htio uložiti u mlade doktore, u budućnost ove države a paralelno s tim spreman je plaćati stanice 4,5 miliona KM ili dodjeljivati grantove upitne za nauku 3 miliona KM. Evo čekamo rezultate, po kuloarima, hodnicima već se priča da imaju problemi u tom konkursu. Za to imamo para a nemamo para za mlade doktore. Žao mi je što oni nisu htjeli da budu populist, žao mi je što se nisu skupili formalno, organizovali protest da vidite te mlade ljude. Da ih ne gledate ko par hiljada maraka koje bi ste moral izdvajati na mjesečnom nivou za njihovu platu samo godinu dana, ponavljam. I bez ikakvog obrazloženja, bez ikakve empatije kolege su glasale protiv. Dakle, nije apsolutno istina da sam ja kazao ministre i ovom moram, dozvolite mi pošto je ministar kazao da sam ja nešto rekao protiv drugih mjesta u BiH. Nego sam ja rekao da će naše doktore sa Medicinskog fakulteta UNSA koji je najbolji Medicinski fakultet u BIH, odgovorno tvrdim, te mlade doktore će pokupiti Zapadne Europa, Beč, Minhen, Fankfurt a nas će liječiti doktori sa sumnjivih privatnih fakulteta kakvi postoje širom BIH. Ja to ne želim da dozvolim. Zbog toga je bila ta inicijativa. Bilo je razumijevanja od kolega i neformalno i formalno, bilo je sličnih inicijativa. Ne znam šta se u međuvremenu desilo. Vjerovatno ovako rigidan stav ministra Vranića spram te teme, pa su kolege zastupnici odbili. Uz dužno poštovanje herojskom Goraždu, neću dozvoliti da liječe mene i moje članove porodice i građane Kantona Sarajevo doktori koji su na privatnom fakultetu u Goraždu završili Medicinski fakultet. I neću dozvoliti, evo moja sestra je šesta godina Medicinskog fakulteta, ima prosjek preko 9. Ja trebam gledati da ide u Njemačku, jel. Znete li kakva su to djeca? Koliko je potrebno, jel znate doktori, čudi me da imate u većini parlamentarnoj doktora koji su glasali suzdržano, izignorirali inicijativu, što da ne bi potrošili par stotina hiljada maraka, da bi mogli dodjeljivati grantove, da bi mogli dodjeljivati udruženjima sportskim itd. To su sudbine ljudi.

Molim vas, apelujem na vas četvrti val najavljujete, a i bez četvrtog vala, nađite načine ministre i premijeru, i vladajuća većina, evo nek ne bude inicijativa Harisa Zahiragića. Neka svako dijete koje završi Medicinski fakultet UNSA ima priliku barem godinu da radi u sistemu javnom ili privatnom. To je najmanje što smo mi dužni da uradimo. Mi imamo plate preko 2000 KM ovdje. Primamo paušale, radili ne radili primamo. Nije ovo populizam uopšte. Dajemo pare na stvari koje apsolutno nisu neophodne ovom sistemu i ovom društvu, a ove teme tako lako bez i jedne diskusije, bez i jedne riječi obaramo. I još ko da to nije dovoljno, ja nisam želio da od toga pravim temu. Ministar izađe za govornicu na tački epidemiološka situacija, i argumentira eto zašto ne može. Nije to zapošljavanje, to je program prvog radnog iskustva za doktore. Jasno i decidno napisano. Ne zlonamjerno prema Vladi Kantona Sarajevo. Vrlo lako izvodivo to je dokazao Konaković i Ademaj, kada je bio premijer i kada je Ademaj bila ministrica zdravstva. To što neko ne želi da to realizira, i što je neko dozvolio da nakon te inicijative i programa a danas se po tom programu, otidite malo, specijalizanti neurohirurgije, kardiohirurgije, vrhunski mladi doktori koji su već ušli u najkompleksnije zahvate, a ja kada sam došao sa tom inicijativom. Evo može kolega Konaković posvjedočiti s tom ekipom mladih doktora tada prije četiri, pet godina kriz studentski parlament, oni su već upisali Gete institut. Učili da šiju i učili njemački da idu vani. I niko od te generacije nije otišao vani. I mi imamo dakle projekat koj je dokazan koji nije nikakvo sveto slovo, nije Haris Zahiragić genijalac što mu je to naumpalo. Samo je trebalo malo dobre volje da skontam kako bi trebali mi koncipirati to i kako lako možemo to usvojiti. I trebalo je malo političke volje. I šta smo dobili. Ponavljam, neću da me liječe doktori sa privatnih fakulteta. Ne želim. A to što ste rekli da trebamo projicirati koliko pravimo medicinskog kadra. Ko treba? Jel to trebamo mi ovdje? To je posao Vlade Kantona Sarajevo. Evo ukoliko mi date izvod iz zapisnika sa sjednice da ste to aktuelizirali na sjednici Vlade ja ću se javno izvinuti. Ako ste jednom rječju to spomenuli na sjednici Vlade, sedam mjeseci ste ministar. Ja ću se izvinuti. Pa niste vi ovdje analitičar ovdje da nama kažete šta treba. Znamo mi šta treba, što to ne uradite. Koliko ove godine raspisano u medicinskoj školi, evo neki dan je konkurs. Koliko na Medicinskom fakultetu će biti raspisano? Mi mislimo da jedna diskusija ovdje nama možda stane u diskusiju nekima od nas, i poslije izađemo i odemo na druge teme. Ti mladi ljudi ovo gledaju. Ti mladi ljudi glasaju za vas i vašu stranku to su ljudi svih stranaka. Nisu to SDA doktori. Ti roditelji glasaju za svaku stranku. Ja ne želim njihove glasove ja želim da mi oprostite što učestvujem ovome organu koji ne može da prepozna taj značaj. Evo molim vas, neću da koristim populistički da vas napadam. Maloprije sam napisao evo ovdje pročitajte Bože nemoj im oprostiti, znaju šta rade. Tako sam htio ali nije to poenta. Molim vas nađite način da te mlade doktore i ove koji su bili u trećem valu i ove koji će sutra biti na birou za zapošljavanje da im omogućimo prvo radno iskustvo. Da djeca nakon što šest godina teško studiraju, ne dižu glavu od knjige, dobro vi to znate Vraniću kako je završiti Medicinski fakultet. A znate da paralelno ljudi plaćaju agencijama, Zapadne države plaćaju našim agencijama hed hanting da ih vode tamo. Imaju besplatne kurseve, sponzorišu. Iskaće i vama na Fejsbuku. Ulažu ljudi pare da nam izvuku te doktore a mi nismo u stanju djelić para da ih pokušamo zadržati. A uložili smo btw ogromne pare. Nije jeftin studij Medicine. Ti DL studenti, samofinansirajući spomenuli ministre Vraniću oni pune Budžet. Ti ljudi koji su plaćali toliko skupo godinu, do sada su isplatili sebi pet godina plata a e godinu. PUNE Budžet Kantona Sarajevo i to je posebna tema, te školarine i na Medicini i na Stomatolgiji itd. Evo apelujem na vas da i to aktueliziramo. Ali za to treba imati hrabrosti političke. Treba biti lider koji razmišlja o sljedećim generacijama a ne o sljedećem Budžetu, o sljedećoj Vladi, o sljedećim izborima. A da bi čovjek bio lider mora se relaksirati i otpustiti od politike. A vi to niste u stanju uraditi. I meni je žao zbog toga. Ponavljam predsjedavajući, završit ću s ovim, molim i vas predsjedavajući, molim i vas premijeru Forto, i svi vi ovdje kolege zastupnici. Kolegica Srna je predložila jednu inicijativu sličnu, ne možda ovako detaljno na prošloj sjednici, kolega Poturak je također to predlagao. Postoji neke volje ali kada treba da se glasa i

kada je pojedinačno izjašnjavanje ne izgleda se. Nađite način i model kako možete glasati za. Evo predložite vi ispred trojke, mi ćemo glasati za. I apsolutno nije bitno ko će te eventualne političke poene ubrati a nisu to politički poeni. Niko ne glasa zbog nas ovdje radi jedne diskusije, radi jedne inicijative, vi to dobro znate. Evo govorim u ime Kluba iako sam završio, s obzirom da je kolega Dević ranije govorio, nije iskoristio to vrijeme. Molim vas dajte, evo kolega Konakoviću i vas molim, molim vas nađite način da ovo riješimo. Ako smo mogli prije pet godina, možete i sada. I nemojte da ignorišemo ove stvari. I ja namjerno ustrajavam govoreći o ovoj temi da bi neko probudio određenu emociju, određenu empatiju, gledam po sali, vidim kod nekih jesam, kod nekih apsolutno nisam, gledaju na mobitele. Skaču, vjerovatno sada učestvuju u radu viših organa odavde. Ne zanima ih. Slikaju, možda skrin šat fataju moje face dok govorim da bi objavili neku ružnu sliku s nekim super beba itd. Ako vam je to politika sve je OK. Poštujem hvala vam. Ako ste odgovorni ljudi, ako mislite ovom društvu i državi ako mislite o budućim generacijama, naći ćete način da ovu inicijativu već na nastavku ove sjednice kroz pitanja i inicijative ponovo neko predloži, da ne budem to ja, i da usvojite je. Ja ću ako treba izaći da ne bih ja bio djelom te inicijative. Jer ako je Haris Zahiragić problem mladih doktora i to što je on predložio, ja ću izaći sa glasanja. Ali vi to riješite. To vas duži mladost ovog grada i ja je u njihovo ime govorim. Hvala vam.

Predsjedavajući:

Replika zastupnik Damir Nikšić.

Poslanik/zastupnik Damir Nikšić.

Ja se potpuno slažem sa zastupnikom Zahiragićem ali on govori ko da je 30 godina bio neki drugi sistem idealan pa ga mi pokvarili za ovih 2 puta po pola godine ili godinu. Ovo sve isto ovako sam se ja osjećao kada je socijalizam propao. Sve je ovo bilo u socijalizmu što ste vi rekli. Ali nije postojala politička volja. Eto toliko od mene hvala.

Predsjedavajući:

Zastupnica Admela Hodžić. Jel replika? Oprostite molim prije zastupnice Admele, repliku je imao zastupnik Vedran Jakupović.

Poslanik/zastupnik Vedran Jakupović:

Ja ću samo reći jedno, ne dozvoljavam da mi se na ovaj način bilo šta spočitava. Mladi ljudi iz ove države već 20 godina iz ove države odlaze zbog likova kakav je kolega Zahiragić.

Predsjedavajući:

Poslovnička intervencija zastupnik Mahir Dević.

Poslanik/zastupnik Mahir Dević:

Vrijeđanje kolege Zahiragića, neprimjereno ponašanje zastupnika Jakupovića. Kolega Zahiragić nije nikakav lik, to je zastupnik Haris Zahiragić. Tražim da intervenišete predsjedavajući.

Predsjedavajući:

Pozivam kolege zastupnike da vode računa kako se ophode jedni prema drugima. Zastupnik Elmedin Konaković jel imamo repliku. Oprostite Admela Hodžić diskusija.

Poslanik/zastupnik Admela Hodžić:

Zahvaljujem predsjedavajući. Pa evo samo da se zahvalim gospodinu ministru na odgovoru. Meni je jasno, ja znam da medicinski radni u Zetri čine sve da se taj proces svede na što manji vremenski period zbog ovih temperatura i zbog pacijenata odnosno naših sugrađana koji



spadaju u rizičnu kategoriju i da je to u okviru nekih 45 minuta kako je gospodin ministar rekao ali ja vam moram prenijeti poruke naših sugrađana koji stanuju u rubnim općinama Kantona Sarajevo kojima treba otprilike 2 sata da dođu do Zetre i isto toliko da se vrate. I otprilike nekih pet sati traje taj proces i izgube toliko vremena i izloženi su ovim vremenskim prilikama odnosno neprilikama a spadaju u rizične kategorije. Ja bih vas zamolila samo ako se može povesti računa o tome kada im se zakazuje termin da se barem sa ovim rubnih općina pacijenti, odnosno naši sugrađani koji spadaju u rizične kategorije pozivaju u nekim terminima koji su do 10 sati ujutro i popodne od pet sati. Zahvaljujem.

Predsjedavajući:

Zastupnik Elmedin Konaković diskusija.

Poslanik/zastupnik Elmedin Konaković:

Hvala predsjedavajući. Da nije kolega Zahiragić održao jedan ovako baš polu populistički govor ne bih se javio. Utemeljen je na nekim argumentima, i neke sam procese lično vodio i osjetio sam potrebu da intervenišem. 10.06. o.g. prije nepunih mjesec dana Vlada Kantona Sarajevo dala je saglasnosti za prijem 61 osobe u DZ od toga najveći broj zdravstvenih radnika. 61 osoba je dobila dozvolu na, ustvari DZ je dobio dozvolu da provede konkurs na određeno vrijeme. Sigurno će ova Vlada kao što je i pokazala nebrojeno puta voditi računa da kroz programe Službe za zapošljavanje ili na neki drugi način, onako kako sam to lično radio, a istina kolega Zahiragić je bio uključen u taj proces, i ostalim da priliku za tu prvu godinu u kojoj je to njima i u sklopu obrazovanja i u sklopu prakse nužda kako bi dalje nastavili sa svojim bavljenjem svojom profesijom. Ne može se ovako. Šta je sada bio populizam u govoru gospodina Zahiragića? On sada izvadi iz Budžeta nekoliko projekata koje bi on ocrnio i rekao tamo 4 miliona, vamo 3 miliona, i to tako ne može. Tako ne može. ZZO je vanbudžetski fond koji se finansira na drugačiji način. Plate tih ljudi unutar zdravstvenih ustanova ne mogu se finansirati od ovih zatvorenih tramvajskih stajališta. Ne možete ni vještački dopuniti taj fond tim novcem. Dakle to ne može. To Zakon o Budžetu i Zakon o izvršavanju Budžeta ne prepoznaju. Vanbudžetski fond koji se zove ZZO ima svoje primitke i izdatke. Oni se planiraju na nivou godine i oni se troše na nivou godine. I zato nisam bez razloga pitao, jer ti mladi treba da znaju, a naravno da većina onih a pogotovo kolege zdravstveni radnici, dobro znaju da kada bi se za minut mi zaigrali i počeli trošiti novac hajmo primiti sve što ima na tržištu, hajmo se zaposliti, hajmo kupiti ovo, hajmo kupiti ono, zaista bi mogli dovesti u pitanje cjelokupan zdravstveni sistem koji još uvijek se neizvjesno finansira jer su posljedice pandemije takve ukoliko ovim tempom ekonomija u BIH bude stajala, vjerujte da će biti upitni i potpisani kolektivni ugovori i oni koji tek treba da se potpišu. Logično je da se opozicija na takav način bavi temom, i da naravno nabacuje sve što padne na pamet: dajte ovo, dajte ovo, dajte ovo. Ali je logično da mi argumentima na to odgovorimo. Dakle nema tu tih teških riječi. Ispravka jel?

Predsjedavajući:

Ispravka krivog navoda zastupnik Dević.

Poslanik/zastupnik Mahir Dević.

Ekonomski parametri kolega Konakoviću u FBIH ne stagniraju oni rastu, ukoliko pratite zvanične statistike, a vi ste kazali da to sve sada u ovom momentu stagnira. Ti ekonomski parametri, odnosno zvanične institucije govore potpuno drugačije od onoga što se kazali, ispravka krivog navoda na vašu diskusiju se odnosi na to.

Poslanik/zastupnik Elmedin Konaković.

Hvala predsjedavajući. Te revolucionarni pokličići morate u ime mladosti, u ime ovog. Nije to način, nije to koncept. Preozbiljna je ovo tema. Ideja je dobra, ne može se ad hoc podržati samo za to što za bilo kakvu implementaciju tog projekta zaista ne smijete čačkati finansijski fond koji nije toliko stabilan. Naravno da pratim, to je moj posao i ja to znam. Ono što su parametri porasta PDV ili direktnih poreza u Kantonu Sarajevo i FBiH ovih dana, na staklenim su nogama. Na staklenim nogama, jer je taj juni bio neprirodno dobar, već juli nije tako počeo. Dakle puno je nepoznatih da bi mi rekli sigurno to možemo. Kao što recimo ja bih vrlo rado zaposlio, evo paralela, i sve nastavnike u osnovnim školama, i sve profesore ali vam je broj učenika manji mnogo nego što je potreba nastavnog kadra. Time ozbiljna Vlada treba da se bavi. Ovi mladi ljudi koji nas gledaju i važno je da čuju, o svakom će ova Vlada ponaosob voditi računa i gdje god je to potrebno zaposlit će. Znae kakva sam pitanja dobijao, zato što se iskreira takav ambijent zašto sve te ljude ne zaposlite u bolnice. Kako ćete zaposliti u bolnicu studenta koji tek treba da odstaziira, tek treba da negdje se zaposli, da specijalizira i da stigne znanja i zvanja da se bavi segmentom tercijarne zdravstvene zaštite. To su ozbiljni procesi. Kada bih ja sada počeo pričati šta sam našao i kakva je to politika bila specijalizacija i evo nek kažu, pogotovo nek kaže Amra Junuzović šta je s pedijatrima u Kantonu Sarajevo, kako je tu politiku vodio prošli sistem. Evo preuzima i dio odgovornosti. Da vam kažem koliko tu ljudi ide u penziju a koliko godina ćemo lufta imati dok se ne pojavi novi zdravstveni kadar. I super je rekao Nikšić. Ima smisla ima i ova inicijativa svoju podlogu i ona će biti realizirana, ne ovako kako je Zahiragić predlaže ne na ovaj način da se to ko biva sada tereti jednoj Vladi koja toliko ne razumije procese da je 10.06 dala saglasnost za 61 osobu. Hvala.

Predsjedavajući:

Replika zastupnik Haris Zahiragić replika.

Poslanik/zastupnik Haris Zahiragić:

Predsjedavajući, nisam htio da repliciram kolegi Jakupoviću s obzirom da ste ga upozorili, zahvaljujem se na tome. A koliko, radi koga narod odlazi, može možda pogledati izborne rezultate gdje je on imao jedva 2000 glasova, ja preko 6000. tako da upitno ko ima veće povjerenje građana i radi koga mladi ljudi odlaze. Tri i po skoro puta imam od vas više glasova Vedrane i nećete ih imati nikada toliko. To je replika. Kolegi Konakoviću nekoliko navoda pa ću replicirati jedan o jedan. Kaže da je populizam što poredim 4,5 miliona i vamo 3. rekao sam 4,5 miliona je plaćena stanica na Otoci. To znate, ona stanica što je neki dan požar bio, što kasni već dvije godine. 3 miliona za nauku, ja ne vidim da je nauka dobila ikakav benefit od tog poziva, ne možete ni realizirati. Kažu samo privatni se fakulteti mogu prijaviti. UNSA ne može, evo tu je Rektor.

Predsjedavajući:

Ispravka krivog navoda, zastupnik Damir Marjanović.

Poslanik/zastupnik Damir Marjanović:

Ja mislim da može. Ja se izvinjavam ako sam prekršio. Zamolit ću kolegu Zahiragića da mi u javnome pozivu koji je obavljen za nauku i za ova 3 miliona pronade diskriminirajući momenat po kojem se diskriminira UNSA a po kojem se favoriziraju bilo koji privatni fakulteti. Jer ste upravo sada izjavili da se mogu prijaviti samo privatni fakulteti tj univerzitetu. Hvala.

Predsjedavajući:

Zastupnik Haris Zahiragić nastavite repliku.

Poslanik/zastupnik Haris Zahiragić:

Predsjedavajući evo ja ću završiti repliku kolegi Konakoviću pa ću kratko odgovoriti kolegi Marjanoviću. Da ne bih dva puta se javljao. 4,5 miliona je na to potrošeno. Uzeo sam slučajno ta dva primjera, to je 7,5 miliona. Kolega Konaković govori o stabilnosti Fonda ZZO, on je najstabilniji Fond u Jugoistočnoj Europi. Nema niti jednu marku dužan nikome, ima čak i rezervu. Hvala Bogu da je ima i niti jedan fond u Europi, Jugoistočnoj, cijeloj, a provjerite, Hrvatski je dužan milijarde, Srbijski također, entitetski također, kantonalni skoro svi, ovaj ima suficit. Naplata doprinosa ide vrlo dobro. Pad ove godine ako ovako nastavi bit će na kraju nula, uravnilovka će biti, neće pasti prihodi, bit će izvršen potpun finansijski plan. Ja ne znam da li vi to znate, ali evo ja kao zastupnik pratim te parametre. A apsolutno taj ZZO ponavljam po peti put, ja ne znam da li me želi ko čuti ili ne želi, nema veze sa programima o kojima sam ja govorio. Ja nisam govorio da mi trajno riješimo sve doktore odjednom. Nego da omogućimo sistemski da svi mladi doktori, tako i ovi koji su radili tri mjeseca, pa i oni naredni budući, kada god završe Medicinski fakultet UNSA imaju priliku godinu dana da u sistemu rade. Da za to primaju platu a tek onda da steknu uslove za specijalizaciju. Također, ono što je kolega Konaković kazao, u bolnici, mi nismo uopšte govorili o bolnicama, jer tu ne mogu raditi primarci i konačno smo nadošli na to, iako kada je neko to drugi tvrdio, svi su napadali. A sada su svi odšlina to, jel tako. Ali u DZ, u HP, u svim ovim zdravstvenim zavodima koje smo trebali ukinuti, a nismo, u cijelom privatnom sektoru zdravstvenom mogu ti ljudi raditi. Kanton ima preko programa za zapošljavanje i kroz Budžet i kroz Zavod za zapošljavanje priliku da napravi taj fond i da isfinansira taj program. Zapisao sam još jednu stvar. Prošli sistem, to je kolega Konaković kazao, šta je prošli sistem uradio a kolega Nikšić je kazao meni da se on osjećao kada se raspadala socijalistička partija, ovako kako se ja danas osjećam. Ja sam u ovoj Skupštini zastupnik svega par mjeseci a koliko mi je poznato kolega Konaković bio u tom osam godina jedan od prvih ljudi. Bio je premijer Kantona, bio je šef kluba tako da on možda više zna, ja zaista ne znam šta je bilo u tom periodu. Ali evo drago mi je da je preuzeo dio odgovornosti, to je značajan napredak. I da završim kolega Marjanoviću, to što ste kazali gdje sam ja to, gdje je ta diskriminacija. Pitajte evo zaposlene akademske radnike koji rade, pitajte kolegicu Duraković, pitajte Rifata Škrijelja, Rektora uvaženog i sve dekane. UNSA potpada pod Zakon o javnim nabavkama. A uslovima projektima jeste da su sredstva realizirana, a da bi UNSA realizirao ta sredstva mora po svakom projektu raspisati javni poziv koji je dugotrajan proces i s time je doveden u diskriminiran položaj. I to što sto sam ja kazao a istinu sam kazao, nikada ja predsjedavajući ne govorim bez znanja. To je osobina nekih drugih zastupnika, ja uvijek ono što govorim utemeljeno govorim hvala.

Predsjedavajući:

Replika zastupnik Damir Marjanović.

Poslanik/zastupnik Damir Marjanović:

Ja se zahvaljujem gospodinu Zahiragiću.

Predsjedavajući:

Samo malo oprostite. Zastupnik Elmedin Konaković jel bila replika? Replika zastupnik Elmedin Konaković.

Poslanik/zastupnik Elmedin Konaković:

Ja ću jednu kratku repliku samo istine radi. Kolega Zahiragić je u svojoj inicijativi danas napisao ovako: zadužuje se Vlada Kantona Sarajevo da odmah i bez odlaganja obezbijedi prijem svih mladih doktora koji su bili angažovani u borbi protiv pandemije COVID 29 i JZU na period najmanje godinu dana, a zatim svih mladih doktora koji se nalaze na evidenciji Službe za zapošljavanje. U drugom dijelu tek govori o programima. U drugom dijelu govori tek o programima. U prvom dijelu ovako formulisana inicijativa znači da ovi ljudi dolaze na platu u ZZO. Tamo gdje smo sakrili 9 miliona da se ovom umornom i hrabrom zdravstvenom kadru poveća plata zato što su to zaslužili. Zato što je vrijeme za to. Zato što su zaista dali sebe u tu cijelu priču. Hoćete li da uzmemo tri, četiri, pet miliona, i pazite drugu stvar kada ovi ljudi uđu u sistem, oni ostaju u sistemu. Ostaju. Nije poenta da mi njih uvedemo šest mjeseci, godinu i da izbacimo na ulicu. Poenta je da ostaju. I moraju ostati zato se ne smije desiti da ih previše odjednom uđe u sistem zato što su oni nama dragi. A dragi su nam jer će to ugroziti plate i gospođa doktorica koje ovdje sjede i zdravstvenog kadra koji danas radi. To je ozbiljnost ove cijele priče. Ozbiljnost je važan segment ove odluke., ideja je dobra ali moramo biti ozbiljni. Preuzeo sam dio odgovornosti za proteklih osam godina, slažem se. Vjerovatno sam i nešto dobro tu uradio. Znaju i doktori i zdravstveni radnici i koliko je u to vrijeme rasla plata. Zašto? Zato što smo kontrolisali rashode. Zato što smo napravili uštede. Da smo primili još hiljadu ljudi ne bi rasla plata. Ne bi. Bilo bi ih puno. Negdje ih i treba. I jedna veoma važna stvar, te procese tamo gdje smo Zahiragić bili vodio je savjet, uglavnom savjet za zdravstvo na čije čelu je bila jedna osoba, sugerisem kolegi Zahiragiću da zato ne kritikuje taj prošli sistem i da ne govori nisam ja tu bio. Jer ako vas ta nazove što je tamo bila i sve vodila drugarski savjet, neće vam baš biti to OK.

Predsjedavajući:

Replika zastupnik Damir Marjanović.

Poslanik/zastupnik Damir Marjanović:

Ja se zahvaljujem. Dakle, kolega Zahiragić se pozivao na nešto što se zove Zakon o Budžetu Kantona Sarajevo i Zakon o trezoru FBiH. I ona diskriminacija o kojoj spominje ne nalazi se u javnom pozivu. S druge strane za kolegu Zahiragića informacija, preko 130 prijava je došlo trenutno u ovom pozivu, oko 85 je došlo sa UNSA. 85% pardon. Tako da očigledno kolege nisu smatrale da se radi i ne vidim nikakvu diskriminaciju za državni Univerzitet. I treća stvar, ono što možda ne znate, jer često napominje te da niste bili ovdje, da ste tek nedavno došli, slična situacija se desila 2019 na 2020 kada je raspisan projekti i dio novaca ko ji se nije realizirao bio je uračunat u sljedećem Budžetu i onda je bio u potpunosti završen taj princip. I to je tadašnji ministar finansija bez ikakvih problema našao. Tako da to što ste rekli, pozvali ste se na neke kolege koji ovdje sjede, ja ću vrlo rado odgovoriti ako je to pronađeno. Kao što rekoh i prošle godine prethodni ministar je raspisao konkurs relativno kasno pa su bila odobrena sredstva negdje čini mi se u decembru pa su sva u potpuno realizirana. Neću uopšte da govorim da kolege u roku od tri do četiri mjeseca mogu da realiziraju većinu tih sredstava. Kao što rekoh bez ikakvih problema može se pronaći i način. I još jednom ponavljam, opet ispravka netačnog navoda, diskriminacija nikakva se ne nalazi u javnom pozivu prema državnim univerzitetima. Hvala.

Predsjedavajući:

Replika zastupnik Zahiragić.

Poslanik/zastupnik Haris Zahiragić.

Kolegi Konakoviću koji nije tu ali u hodniku je pa vjerovatno čuje to što ću ja replicirati. U prvom dijelu jesam zaista inicijative napisao najmanje godinu dana s obzirom da taj broj ljudi koji je primljen bio je samo par mjeseci u sistemu i onda su potpuno izbačeni iz sistema. I ta

tri mjeseca njima ništa ne znače. A u najgore vrijeme su odradili ta tri mjeseca. S tim u vezi, u sklopu evo ovog javnog poziva ko što se hvalite 61 kadar. To nije 61 doktor, 30 doktora čini mi se eto ima dovoljno sredstava da se prime ti ljudi koji su radili u DZ da se riješi to na takav način. Kažete sakrili 9 miliona u Zavodu. Niste vi sakrili, vas čeka preko 9 miliona rezervi u Zavodu. I treba da čeka. A da je bilo po pojedinim skupštinskim zastupnicima posljednjih pet godina taj bi se Zavod raspao. Vidimo da ste oborili izvještaj vrlo uspješnog direktora u želi da vjerovatno postavite svog. Slutim da će za pet godina takva situacija biti ukoliko potraje ovakav način vođenja politike u Kantonu Sarajevo jer to je otprilike jedina institucija u kojoj niste imali priliku da uđete na takav način. Zbog toga i nije propala. Kada govorite o specijalizacijama, mi govorimo upravo to. Godinu danas iskustva, pa specijalizacija i to ljudi svi kažu da smo primali sve te ljude ne bi se povećavale plate. Bi se povećavale plate i primali ste jedne godine sve te ljude. Neki od njih su sada u DZ, drugi su u Opštoj bolnici, treći su na KC, četvrti su u privatnoj praksi, pet su otišli uprkos svemu tome ipak izvan države. Ali u glavnom niko nije na birou, niko ne traži ni jedan doktor od tih tada ne traži mami i ocu pet KM za kafu. Ko što traže ovi sada mladi ljudi, doktori medicine. Da bi ste mogli taj kontekst shvatiti morate znati šta znači završiti taj fakultet. Uopšte morate znati šta znači studirati da bi ste mogli znati šta je biti čovjek sa 25 godina, baviti se naukom šest, sedam osam godina i onda nemati za kafu tražiti od roditelja. Taj socijalni aspekt morate imati u vidu. To mentalno stanje tih ljudi i naravno želju da odu odavde. I to ne odu da se vrate, nego odu sa mržnjom. Odu sa jednom. O tome sam ja govorio. I šta je još bilo, još jedna je tema bila koju ste govorili na čelu savjeta je bila , pa sreća pa je bila, pa zbog toga što ste nju slušali imate se čime i pohvaliti a dobro ste je slušali, ja to znam iz prve ruke. Ja s druge strane kada govorim ono što znam, govorim ono što mislim, ne dobijam poruke, ne čitam mobitel. A svjedočio sam kako ste vi ustvari ovdje vodeći te procese radili samo po instrukcijama. Pa možda se može podijeliti, to što ste dobro uradili slušali ste. Ono što niste dobro uradili, niste slušali. I zbog toga danas imamo ovih 11 zdravstvenih ustanova i puno problema u Kantonu Sarajevo. Da ne bi smo odveli temu, a već smo je podaleko odveli ne zahvaljujući meni predsjedavajući, ja neću kolegi Marjanoviću replicirati javno. Reći ću mu na marginama privatno ćemo završiti ovu temu. Hvala.

Predsjedavajući:

Zastupnik Vedran Jakupović jel replika. Zastupnik Damir Nikšić krivi navod.

Poslanik/zastupnik Damir Nikšić.

Samo da ispravim krivi navod. Socijalistička partija nije postojala nikad u bivšoj Jugoslaviji. Savez komunista. Da je postojala još i Socijalistička partija to bi bio višepartijski sistem i to bi bilo lijepo možda. A govorio sam o socijalizmu kao društveno-ekonomskom sistemu, naredbodavna ekonomija itd. Što je na liniji ovoga što je uvaženi zastupnik Zahiragić iznosi. Hvala.

Predsjedavajući:

Zastupnik Elvis Vreto.

Poslanik/zastupnik Elvis Vreto:

Hvala predsjedavajući. Mislim da nakon par puta upozoravanja i dopredsjedavajućeg koji je vodio sjednicu mi smo se potpuno udaljili od tačke Informacija o stanju sa epidemiološka situacija. Čuli smo ministra. Upisna politika, imat ćemo nacrt Zakona o visokom obrazovanju, razgovarajte diskutujete kada dođe ta tačka dnevnog reda. Mislim zaista da ovo nema gubi smisao nastavak ovakve vrste rasprave. Ja vas zaista molim predsjedavajući da se vratimo u okvire ove tačke dnevnog reda da je privedemo kraju. A kroz druge tačke nemam ništa protiv neka kolege diskutuju u skladu sa temom o kojoj se raspravlja. Toliko hvala.

Predsjedavajući:

Zahvaljujemo se kolegi Vreti. Zastupnik Vedran Jakupović.

Poslanik/zastupnik Vedran Jakupović:

Zahvaljujem predsjedavajući. Imao sam par riječi mladom kolegi zastupniku, cijenjenom Zahiragiću reći samo umjesto ovih 6000 poželio bih mu i ako bog da imat će 18.000 idući put na izborima istih takvih likova iz tragedije koju živimo.

Ja ću sada nastaviti. Znamo šta će reći. Poštujem. Ovo su stvari koje.

Predsjedavajući:

Molim vas pokušavajte da diskutujete da ne peckate jedni druge i da nekako u duhu demokratije i u duhu Poslovnika koji nas obavezuje da nekako vodimo ovu sjednicu. Evo sve do ovog momenta smo imali u potpunosti jedan korektan odnos svih, hajte molim vas da završimo.

Poslanik/zastupnik Vedran Jakupović.

Govorim o zdravstvenom sistemu, isključivo o zdravstvenom sistem u govorimo i ne dopuštam da bilo kakve da tako kažem populističke pa možda više ružna riječ populističke bezobrazluke slobodno ću reći, jer on isključivo lično djeluje u ovom slučaju, na kolegicu Amru Junuzović Kaljić i na mene, a to smo vidjeli u komentarima. Da objasnim o kojim likovima govorim. Reći ću da sam završio sa jako dobrim prosjekom Stomatološki fakultet UNSA. Nikada posla nisam ni u primisli nisam mogao dobiti. Nikada. Sam platio specijalizaciju, sam platio postdiplomski, sam platio MB, sam platio doktorat jer nisam u sistemu, jer nisam lik. a sada ću se vratiti na temu od koje smo pobjegli prije sat vremena a riječ je o epidemiološkoj situaciju u Kantonu Sarajevo. Epidemiološka situacija jeste sada odlična hvala bogu ali neće još dugo biti. Dva su razloga: prvi je rekao dr Drljević nedavno, to je da smo potpuno otvoreno društvo, otvorena zajednica u koje se dolazi i odlazi bez ikakve restrikcije osim možda nekih koji nemaju veze sa epidemiološkom situacijom. Tako da kolega Marić je pomenuo da mi možemo, ne možemo, nego očekujemo 4 val i nije ovo nikakvo sijanje straha ili bilo čega ali možemo sigurno očekivati 4 val obzirom na brzinu kojom se kreće delta soj. Prva stvar koju sada možemo raditi, ja sam već te neke prijedloge iznio doktoru Vraniću na sastanku. Fokus je u ovom trenutku na primarnoj zdravstvenoj zaštiti. Apsolutno sam siguran da ljekari i u tercijarnoj zdravstvenoj zaštiti, bilo na KCUS, bilo u OB, mogu i znaju posebno nakon iskustava zadnjih godinu dana da doprinesu što boljem liječenju uz ove ostvari koje su oni pomenuli da im trebaju, od nabavke opreme, nabavke materijala i zaštitne opreme i dodao bih još lijekova koji se koriste u terapiji ozbiljnih stanja izazvanih covidom. Fokus je na primarnoj zdravstvenoj zaštiti, ja se slažem da treba veliki broj mladih ljekara zaposliti. Nakon toga, ja bih fokus dao na nešto što nije bilo toliko aktivno a zove se zajednica. Govorim o julu mjesecu i o. Ja se izvinjavam predsjedavajući jel možete smiriti iza?

Predsjedavajući:

Zamolio bih službu da upozori zastupnike koji se nalaze u hodniku.

Poslanik/zastupnik Vedran Jakupović.

Zahvaljujem. Riječ je o zajednici, riječ o CZ koja je radila dobar posao u prvom valu kada je bilo proglašeno krizno stanje odnosno stanje nesreće na nivou FBiH. Ovdje bih posebno stavio akcenat na općinske službe koje se bave zdravstvom, na CZ i na Zavod za javno zdravstvo, da se izvrši edukacija ljudi. Znaju epidemiolozi o čemu govorim. Da se što duže pacijent drži i što uspješnije van bolničkih kapaciteta a to se odnosi i na opskrbu i lijekovima i

osnovnim životnim namirnicama. U te neke stvari je bio uključen čak i Crveni krst i neke humanitarne organizacije. Ali ovo se može sada uraditi na nivoima vlasti koji su niži. Govorim o pripremi za četvrti val. Druga stvar je informacija o vakcinaciji. Nemamo to, je kolega Vibor Handžić rekao nemamo potpune informacije o broju ljudi koji su vakcinisani van BH. Znamo da je dosta dosta veliki broj stanovnika već vakcinisan, to ne gdje oko 60.000 u Kantonu Sarajevo. Nemamo informacije koliko je ljudi s vana došlo vakcinisano, i uz ovo bih još dodao informaciju o ljudima koji su preboljeli COVID, dakle imaju neku vrstu imuniteta. Ovo će nam sve olakšati kompletnu situaciju. Broj vakcinisanih i u BIH i vani, i broj ljudi koji su prebolovali COVID. Bojim se da nemamo te informacije. Uz sve ovo bih još stavio akcenat na organizaciju dodatnu vakcinacije, pošto očekujemo sada veći broj vakcina. Do sada smo mogli sukcesivno raditi samo na punktu Zetra. Treba razmišljati i o punktovima u drugim dijelovima grada, pa i u DZ koji mogu vršiti vakcinaciju, a time bi smo olakšali kompletan proces. Kada je riječ o PCR testovima koji su prilično skupi, pokazalo se i u Europi da antigen test pokazuje izuzetno dobar rezultat na prvu. Tako da ministar Vranić je pomenuo da su rezultati testova pokazali da ogroman novac ide na PCR testove i pokazuju se negativni rezultati. Možemo uraditi jako puno antigen testova koji su pet, šest puta jeftiniji od PCR testova. Ako se pokaže pozitivno onda može ići na potvrdu PCR testom. I naravno kapacitirati dodatno, čuli smo informacije da imamo i u DZ novi aparat za PCR analizu. Zavod za javno zdravstvo i pojačati kapacitet ovih ustanova. Već sam napomenuo proširenje Kriznog štaba, definitivno bi trebalo uključiti ZZO i KCUS i inspekciju. Vidimo kakva je situacija u gradu. Ljudi su se malo opustili, odmaraju i to je razumljivo nakon teške situacije koju smo imali tokom proljeća ali ja bih apelovao na građane da malo se, mjere su još uvijek aktuelne i da malo razmisle sami o sebi i o svim zdravlju. Neću više o ovoj temi. Kažem nadam se da će i Ministarstvo i Vlada i naravno nakon ovog sastanaka intenzivirati sastanke po ovom pitanju, i da ćemo imati pravovremene informacije. Mislim da bi se i PR mogao pojačati, pojačava se u zadnje vrijeme ali mislim da bi se moglo i informisanje u ovom nekom gluhom, da ga tako nazovem, periodu, još bolje organizovati i pojačati. Hvala.

Predsjedavajući:

Zastupnik Dževad Poturak.

Poslanik/zastupnik Dževad Poturak:

Zahvaljujem predsjedavajući. Dok je trajala diskusija oko zapošljavanja doktora i tehničara, rasprava između Zahiragića, Konakovića i uvaženog ministra, ja bih zamolio vas predsjedavajući da mi date jedan odgovor jer je upravo na desetine poruka i pitanja upravo od građana koji ovo uživo gledaju. Čuli smo informaciju a evo građani to meni na dva telefona javljaju, da su se nekakvi milioni sakrili na ovaj ili na onaj način. Šta to znači. Prvo smo čuli od gospodina Konakovića da je sakrio neke milione, a onda sam čuo da je ta cifra puno veća od gospodina Zahiragića. Možete li nam vi upravo reći, pošto građani to pitaju. I željeli bi da znaju šta znači ta rečenica „sakrili smo milione da bi smo te milione gurnuli imputirali negdje tamo ili vamo”. Pa evo ako imate odgovor na to pitanje da date građanima Kantona Sarajevo. Hvala vam.

Predsjedavajući.

Nemam odgovor, morate pitate one koji su to kazali.

Poslanik/zastupnik Dževad Poturak:

Pa evo ja sam pitao, možda ministar Vranić može reći, šta znači to. To je neki žargon ko jeg narod ne razumije. Sakrili 6, 9, 15 miliona. OK toliko.

Predsjedavajući:

Dopredsjedavajući Vibor Handžić.

Dopredsjedavajući Vibor Handžić:

Zahvaljujem predsjedavajući. Evo replika kolegi Poturku. To sakrivanje je naravno bio izraz figurativnog karaktera. Ne shvatam da se to ne može i shvatiti tako. Dakle 9 miliona je urađeno kada smo usvajali Budžet ZZO amandmanima parlamentarne većine, sklopljeni su u tekuću rezervu ZZO zbog nekoliko razloga. Jedan od razloga je zato što ne znamo šta će nas dočekati evo u sljedećem talasu pandemije i da li ćemo imati dodatne troškove unutar zdravstvenog sistema ili ne znamo šta će se dešavati prilikom četvrtog vala. I drugi razlog je zato što se trenutno vode pregovori Ministarstva sa sindikatom radnika u zdravstvu na kojem svi toliko insistirate i ukoliko dođe do povećanje njihovih plata, što evo najavljuje i sam ministar morat ćemo s neke stavke te novce prebaciti kako bi mogli ispoštovati novi kolektivni ugovor. E to je to sakrivanje. Zahvaljujem.

Predsjedavajući:

Jeste li zadovoljni odgovorom?

Poslanik/zastupnik Dževad Poturak:

Nisam zadovoljan odgovorom, ja razumijem da ste vi novce s jedne stavke na drugu prebacili. Ali narod pita ne pitam ja, meni je jasno ali zbog javnosti jako je dobro detaljnije objasniti. Ali stvarno desetak, 15 poruka kako to kaže milioni se kriju tamo. Zašto vi to krijete od naroda. Narodu malo to nije jasno, pa eto odgovorite.

Predsjedavajući:

Replika zastupnik Damir Nikšić.

Poslanik/zastupnik Damir Nikšić:

Koliko sam ja shvatio figurativno rečeno sakrili od sebe. Znaš kad sakriješ od sebe 50 maraka da ih ne potrošiš ono na brzinu. Ili kada neko nešto iz Budžeta. Evo ko što je Zahiragić rekao „ hajmo staviti sada milion tamo vamo”. Sakriješ ih od sebe tamo gdje treba, kada ti zatreba da platiš račune. Jel tako ako sam dobro shvatio?. Jesmo li skontali svi? E hvala.

Predsjedavajući:

Dobro ste objasnili i neću više dozvoliti da raspravljamo na ovu temu. Ko bude raspravljao na ovu temu isključit ću ga. Dopredsjedavajući jel ovo tema ili dnevni red? Nemamo zastupnika. Premijer Edin Forto.

Premijer Edin Forto:

Ja neću dugo ali moram vas izvijestiti o nekim stvarima i zbog vašeg informisanja i zbog ove tačke dnevnog reda. Jučer smo održali ovaj sastanak na kojem su bili predstavnici ključnih institucija, ustanova iz zdravstva. Tu su bili predstavnici mislim svih klubova, ili većine njih i čuli smo neke stvarno zanimljive stvari i zbog toga mislim da je zbog vas i zbog javnosti dobro da budete obaviješteni. Neki stručnjaci iz domaći, oni ne kažu ako dođe 4 talas, nego da će doći 100% i ponašaju se kao da će doći 100%. a 4 talas ovog delta soja koji već ispitan na većem uzorku u inostranstvu, posebno u Indiji i sada SAD, velikoj Britaniji taj soj je dominantan već, svi novi slučajevi u velikoj većini su taj soj. Ako je u 2020 godini na svaku osobu 1 zaražena osoba zarazi još jednu, osobu, pa onda 2 četiri, 4 osam i onda to geometrijski. Ovaj koji smo imali u prvom dijelu ove godine je bilo 2,4. više od duplo je bio virulentniji i zarazniji od toga. Ovaj sada koji dolazi je od 5 do 8. suštinski uđete u sobu na neki sastanak, pozdravite se sa svima ako ste zaraženi, zarazili ste cijelu sobu. I hoću sada da se vratim na neke od stvari koje ste spominjali u svojoj diskusiji. Direktor ZZO koji se ovdje



neki hvalili danas, koji vrlo odgovorno postupaju prema novcu od kojeg smo jedva izmolili ovo za stimulacije o čemu smo danas govorili jer ovo ko što je zastupnik Nikšić govorio čuva novce ili ih sakriva od naših zahtjeva i potreba. Da bi imali u slučaju tog crnog scenarija. Zato vas molim da obratimo pažnju na neke od stvari koje su nam rečene iz stanova. ZZO misli da imamo vjerovatno do 6 miliona rezerve i možda plus 2 miliona ako ih ne budemo utrošili na kraju na vakcine koje nismo uspjeli nabavit. Ali to još ne znamo šest plus dva miliona. Ali ako vidimo koliko smo novca trošili ili uložili u zdravlje građana po najboljim svjetskim praksama to je radio samo Kanton Sarajevo, to vas podsjećam. Masovno testiranje. Skoro 2 miliona maraka je plaćeno samo privatnim ustanovama ko je mogu testirati da bi mi građanima mogli reći jesu li zaraženi ili ne i da bi onda zaštitili sve oko njih. To su milionski iznosi. Sada smo uložili u kapacitet i KC i OB i DZ. Da sami mogu raditi PCR testiranja. Plus imamo veliki potencijal ušteda na antigenskim ovim rapidnim testiranjima. Ali ako smo taj problem riješili pa možda ćemo uštedjeti neke novce tu, da čujete zahtjeve KC i OB i DZ. To su veliki materijalni zahtjevi i to su veliki zahtjevi u smislu ljudstva. Zato molim vas da odgodimo svaku raspravu o sindikatima, o kolektivnim ugovorima, iako naravno ministar vodi taj proces. Ali da bar vi razumijete da sve ovo što govorimo, što zvuči dobro, dajte milion ovdje, milion tamo, kako ne možemo naći milion. Možemo ga naći ali trenutno moramo razmišljati o četvrtom talasu koji po nekim sigurno dolazi. Iz najviših izvora iz Međunarodne zajednice u Kantonu Sarajevo, tačnije u BIH, razgovarao sam o potencijalnim dolascima vakcina, ovih donacija koje su najavljene itd. Međunarodni stručnjaci kažu da imajući u vidu kako BIH kontroliše ulaz, koji nam je procenat vakcinacije itd, između oktobra i januara ćemo sigurno imati najveći talas. Sigurno. To oni kažu. I onda jučer na ovom sastanku dođu nam naši stručnjaci i kažu da sigurno dolazi ali nisu mogli procijeniti kada. Znači molim vas da ovo posmatramo i vi i mi iz Vlade kao zajednički problem i da se čuvamo za trenutak kada se to dogodi, u nadi da se neće dogoditi. I htio sam vam prenjeti tu urgentnost. Opća bolnica traži da se dogradi još jedan sprat kako bi mogli sve svoje kapacitete staviti COVID, kako bi sve svoje kapacitete. Ne znamo hoćemo li stići to uraditi do ovog trenutka. KC zahtjeva. Možda će nam trebati više respiratora. Možda će nam trebati sve onoga što u jednom trenutku može zafaliti. Zato vas molim da izbjegnemo bar kod ovog dijela epidemiološke situacije u danima koji dolaze takmičenje između ustanova, takmičenje između političkih vizija, kada je pandemija u pitanju. Ovo ostalo sve naravno i treba da se razlikujemo u mišljenjima i treba da se takmičimo za različite vizije. Ali kada je četvrti talas delta soja u pitanju, tu samo struka može reći. Hvala vam.

Predsjedavajući:

Zastupnik Damir Marjanović.

Poslanik/zastupnik Damir Marjanović:

Pa ja se zahvaljuje, osjećam potrebu nakon ovog izlaganja premijera da ipak kažem par stvari, ne samo premijera, nego par ljudi se pozvalo na nauku, na struku itd. Ja se u potpunosti slažem sa ovim predikcijama vezanim za četvrti talas i možda se ne slažem sa terminom, mislim da će doći i ranije taj četvrti talas. Međutim, mi imamo ovdje jednu malu odgovornost prema ljudima koji gledaju ovo što mi, i slušaju ovo što pričamo, i ovo zvuči jako apokaliptično. Jako je bitno kada govorite o tome da dolazi četvrti talas da objasni se i ljudima šta znači taj 4 talas, šta nosi taj delta virus i kako se preveniraju najgori mogući scenariji kod tog 4 talasa. I kod tog delta virusa. Podaci koje sada pokazuje se i iz Izraela i Velike Britanije i svih onih zemalja koje je posjetio i kod kojih je već možda i započeo taj 4 talas, su vrlo jasni i govore da mjere koje se primjenjuju protiv i alfa, i beta i izvornog i svih dosadašnjih sojeva su u potpunosti efikasne i u borbi protiv tog novog delta soja. Znači to neće značiti da ćemo morati hodati u odijelima za svemir sa gas maskama, itd. Nego da ćemo samo na vrijeme morati da uvedemo mjere koje već godinu i po dana na neki način propagiramo. Druga stvar,

koja je jako bitna jeste da vakcina jako dobro štiti od delta soja. Ta razina prema novim podacima, zašto govorim ovo, ljudi ovo gledaju. Nakon svih ovih izlaganja meni dođe da se sakrijem u kuću, zatvorim, i kažem, posebno s ovima što ništa ne rade, tako bar ispada, nemojte me pogrešno shvatiti, da se sakrijem i kažem gotovo je. Vakcina koja je trenutno na terenu, koja se najviše koristi, Pfizer između ostalog, štiti 92%, to je trenutno podatak, od onih najtežih oblika. Znači nemate nikakve upitnika šta treba da uradite da bi, nećete spriječiti 4 talas, nego da bi spriječili najteži scenarij 4 talasa. To je vrlo jednostavno, vakcinacija. Uporedo priprema sa kapaciteta. Uporedo priprema, vi govorite o respiratorima, ima tu i drugih stvari, vezano za to da antigen testovi mogu zamijeniti PCR. Nemojte molim vas da sada ovdje pričamo na tu temu naučno gledano šta antigen radi, zašto se koristi, kada se koristi PCR itd. Nemojte da pričamo o kapacitetima PCR. Ja neću da kritikujem, znam u kojim se uvjetima radi, znam koliko se trude ljudi u tom Kriznom štabu. Ljudi kupovina dva nova PCR. Ja vam garantujem da u Kantonu Sarajevo imate barem 15 neiskorištenih PCR, i real time PCR. I ljudi koji bez ikakvih problema mogu sada da se odmah uključe u tu cijelu priču. Itd. Morao sam ovo reći, nije uopšte kritika onome što je kolega Forto rekao, dapače. Ovo je samo mali dodatak, da da, to će se desiti. I da, to svi govore da će se desiti. Ali da, i ima vrlo lagan način da se to prevenira. Uvođenjem mjera onda kada treba i normalno procesom vakcinacije. A proces vakcinacije se ne dešava u ovoj državi jer mi nemamo vakcine jer ljudi ne žele da nabavljaju vakcine ili se plaše da plaćaju vakcine skuplje nego što su njihove izlazne fakture itd. Mnoge zemlje koje govorimo da su jako uspješne bile u borbi protiv ovog virusa su bile spremne još davno da puta dva plate te vakcine jer su znali šta to znači za zaštitu zdravlja njihovih ljudi i za ekonomiju. Međutim, ovo je jedna možda druga tema za Federalni parlament, pa boga mi možda i za Kanton. Znači morao sam se javiti kažem još jednom, nek se niko ne pronade prozvanim, ali ljudi nemojte da prizivamo. Ovo da li će i kakav će taj četvrti talas biti, evo molio bih doktorice da me isprave ako ja griješim, ne ovisi više o virusu. Mi maloprije govorimo o tome 3 miliona KM izdvajamo za nauku, to je mnogo nauka ništa ne radi. Nauka pronalazi rješenja u pandemiji. Da neka zemlja negdje tamo nije izdvajala bilijarde i milijarde maraka ne bi upravo bilo tih sada vakcina i ne bi bilo ni te borbe protiv četvrtog talasa itd. Znači, slažem se ali znamo već s čime imamo posla. Sada sva odgovornost više nije čak ni na doktorima, ni na medicinarima, primarno je na vlasti koja će pravovremeno aktivirati određene mjere i objasniti zašto kada i kako ih aktivira. E to ja želim čuti. U kojem momentu aktiviramo određene mjere, kada, kako i zašto i to je to. Hvala velika.

Predsjedavajući:

Zaključujem raspravu i konstatujem da je Skupština primila k znanju Informaciju o epidemiološkoj situaciji u Kantonu Sarajevo.

**AD-2.**

## POSLANIČKA/ZASTUPNIČKA PITANJA, INICIJATIVE I ODGOVORI

Kao što sam na samom početku kazao da je moguće da zastupnici dostave svoja pitanja i inicijative pismenim putem a da izbjegavamo usmena pitanja zato što sm imali već pitanja i inicijative na prošloj sjednici prije nekih pola sata. Evo omogućavamo da pismenim putem se dostave službi kako bi mogli preći na naredne tačke jer nas očekuje još dosta tačaka.

Imamo li potrebu za postavljanjem pitanja jer sam objasnio o čemu se radi. Imamo jako puno tačaka. Evo zastupnica Bibija Kerla izvolite imate riječ.

Poslanik/zastupnik Bibija Kerla:

Ja molim predsjednika Skupštine Kantona Sarajevo da u buduće kada bude sazivao sjednicu Skupštine Kantona Sarajevo da je ne saziva četvrtkom kada je Vlada. Znači, zastupnici Skupštine Kantona Sarajevo očekuju ministre na ovoj sjednici koji će im odgovarati na pitanja koje postavljamo. A vi uporno već treću sjednicu zakazujete u četvrtak. Znači molim vas ko boga, sljedeća sjednica da bude ponedjeljak, utorak, srijeda ili petak, pa može ili subota i nedjelja, samo da ne bude četvrtak i želim da budu ministri prisutni na sjednici. Hvala lijepa.

Predsjedavajući.

Zastupnice Kerla, vi ste član Kolegija i svaki put ste podržali termin održavanja sjednica. A sada se pravite kao da niste član Kolegija, kao da ništa ne znate i držite nam neke pridike kada trebamo držati i održavati sjednice. Dobro.

Prelazimo na treću tačku dnevnog reda:

**AD – 3.**

## NACRT ZAKONA O VISOKOM OBRAZOVANJU

Materijal ste dobili uz poziv za sjednicu. Molim predstavnika predlagača da podnese uvodne napomene. Ministrica Melika Mahmutbegović. Husić- Mehmedović, oprostite.

Ministrica Melika Husić-Mehmedović:

Uvaženi predsjedavajući, dopredsjedavajući, premijeru, ministri, poštovane kolegice i kolege zastupnici, dame i gospodo, ja bih zamolila da prve uvodne napomene na ovu tačku nam da uvaženi akademik profesor doktor Miloš Trifković koji je bio predsjednik Komisije za izradu Nacrta Zakona o visokom obrazovanju. Profesore Trifković izvolite.

Prof.dr. Miloš Trifković: UVODNE NAPOMENE

Predsjedavajući:

Uvaženi profesore ja se izvinjava, pokušajte ako možete da budete malo decidniji i kraći, imamo sugeriranja zastupnika.

Prof.dr. Miloš Trifković: NASTAVAK UVODNIH NAPOMENA

Predsjedavajući:

zahvaljujemo se uvaženom profesoru. Uvažena ministrica obrazovanja, izvolite.

Ministrica Melika Husić-Mehmedović:

Hvala predsjedavajući. I ja se zahvaljujem akademiku Trifković, da napomenem to je dojučerašnji predsjednik Akademije nauka i umjetnosti BIH koji je zaista dao veliki doprinos ovom procesu kao i svi ostali članovi Komisije, ali on ga je zaista sjajno vodio i dozvolite mi da mu se u svoje lično ime zaista zahvalim javno na tome. Poštovani, maloprije sam vas adresirala pa da ne idem ponovno u to, prethodnih nekoliko dana je bilo veoma turbulentno.

Neki od vas su me javno pozvali na odgovornost, a obzirom da sam po prirodi zaista odgovorna osoba, prihvatila sam to i informišem vas da sam danas premijeru Forti podnijela neopozivu ostavku. Bila mi je čast obnašati funkciju ministricice za nauku, visoko obrazovanje i mlade u prethodnih šest mjeseci. Bilo je izazovno graditi Ministarstvo od samog početka, složiti procese i organizaciju, proći kroz pitanje ustavnosti Ministarstva, te napraviti sjajan tim stručnjaka bez ijednog novog zapošljavanja. Izborili smo se za 3 miliona KM za NIR (prijedlozi su još u fazi evaluacije pod koordinacijom najcitatiranijeg naučnika iz BiH

akademika Kemala Hanjalića), produžili smo Kolektivni ugovor za UNSA i napravili smo funkcionalan, posvećen i profesionalan tim u Ministarstvu. Sigurna sam da su mnoga dobra iskustva ispred njih.

Međutim, najznačajnija stvar kojoj se najviše vremena posvetilo u prethodnih šest mjeseci jeste nacrt Zakona o visokom obrazovanju. Pozdravljam činjenicu da se inače uspavana akademska zajednica probudila, te su neki od njih jasno i glasno iznijeli svoje neslaganje sa Nacrtom. Drago mi je i da se studenti bore za stvari koje ih se tiču i da koriste sva sredstva da iznesu svoje, također, neslaganje. Neslaganje sa tekstom su iznijele i neke vladajuće političke partije.

Ipak, tokom prethodnih nekoliko sedmica, zapanjila me je količina nepoznavanja materije, neprofesionalnosti, nekolegijalnosti, nespremnosti, konformizma, nerealne slike o sebi, a u nekim slučajevima grube bahatosti i ličnih uvredljivih napada. Mnoge neistine su izrečene i napisane, ali ću ovaj put adresirati samo neke od njih, tačnije četiri, pa molim vas za malo pažnje, koje se tiču Nacrta Zakona a koje su okupirale javni prostor, jer ne želim da skrećemo sa ove teme.

Prvo, netransparentan rad Komisije je najblaže rečeno, netačna konstatacija iznesena sa malicioznim predumišljajem. Ministar ima puno zakonom predviđeno pravo da donese nacrt zakona u proceduru. To može uraditi bez ikakve komisije, česta praksa je da komisija od par članova to radi, a ova Komisija je brojila čak 25 članova. Imenovala ju je Vlada KS. Ministrica nije bila član Komisije i nije intervenisala samoinicijativno nigdje u tekstu, jer sam željela da taj proces prepustim akademskoj zajednici iz koje je Komisija i potekla. Komisija je radila transparentno, na bazi donesenog pravilnika, sa sjednicama koje su imale audio snimanje, vrlo obimne zapisnike i svu prateću dokumentaciju, a članovi komisije su se glasanjem izjašnjavali o svakom pojedinačnom prijelogu člana zakona. Nakon kompletiranja teksta, otvoren je proces Javnih konsultacija, također jedan često ignoriran proces u prethodnoj praksi. Sve pristigle komentare je Komisija, ne Ministrica, pregledala i očitovala se o njima. Nakon toga je Nacrt jednoglasno usvojen od strane Vlade KS i upućen ka Skupštini. Sve vrijeme je najavljivana javna rasprava sa mnoštvom dijaloga, webinarima i javnih razmjena mišljenja kako bi se tekst unaprijedio nakon otvaranja iste. Napominjem da javna rasprava još nije formalno ni započeta.

Druga stvar, insinucija da predloženi Nacrt dovodi Univerzitet u Sarajevu u nepovoljan položaj je namjerno izvrtnje činjenica. Jedan od osnovnih ciljeva tokom izrade Nacrta je bio zaštititi Univerzitet u Sarajevu kao apsolutno najznačajniju instituciju visokog obrazovanja ne samo u Kantonu Sarajevo, nego u BiH. Ja bih u svoje ime dodala najznačajniju instituciju u BIH. Omogućiti veću autonomiju te smanjiti prenормiranost koja je vodila ka povećanim inspeksijskim nadzorima na UNSA. Radi ilustracije, u izvještaju Kantonalne uprave za inspeksijske poslove prosvjetna inspekcija je u 2020. godini izvršila 505 nadzora na VŠU. Od toga 1 na SSST-u, 1 na IBU i 503 na UNSA! Veća autonomija je planirana upravo kroz Vijeće za visoko obrazovanje kako bi akademska zajednica sama sebi uređivala pravila i donosila podzakonske akte, a ne da joj iste nameće Ministarstvo, čemu se već godinama akademska zajednica protivi zaklinjući se u akademske slobode. A što se tiče insinucija oko favoriziranja privatnih univerziteta, to je apsolutna neistina, koja me lično čak i najviše pogodila kao nekog ko jer redovni profesor javnog univerziteta, i ko duboko vjeruje u javno školstvo i godinama gradi javno visoko obrazovanje. Molim osobe koje su takve stvari izjavljivale da bolje pročitaju i uporede nacrt Zakona, trenutno važeći zakon i Okvirni zakon o visokom obrazovanju BiH, pa će valjda uvidjeti kakvu su neistinu su govorili. Nikada strožiji prijedlog za osnivanje novih VŠU na primjer nije ponuđen. Samo opet radi ilustracije, dva ću primjera navesti:

- a) Važeći ZVO član 13. Visokoškolsku ustanovu a da na pomenem, Okvirni zakon o visokom obrazovanju BiH, član 10 iz 2007 godine kaže da VŠU u BiH su univerziteti i visoke škole. Prema tome ne uvodi ovaj zakon visoke škole, kako smo

također čuli, već je to uvedeno 2007 godine u cijeloj BIH. Dakle, visokoškolsku ustanovu može osnovati fizičko lice sa akademskim zvanjem redovnog profesora odnosno naučnog savjetnika ili pravno lice koje je u skladu sa zakonom registrovano da obavlja djelatnost u oblasti obrazovanja, i to nakon registracije u vremenskom trajanju od najmanje pet godina.

- b) NACRT ZVO – Član 40. (1) glasi: „ Osnivač univerziteta može biti domaća visokoškolska ustanova registrovana za obavljanje djelatnosti u oblasti obrazovanja, i to nakon registracije u vremenskom trajanju od najmanje pet godina, ustanova registrovana za obavljanje djelatnosti u oblasti obrazovanja, i to nakon registracije u vremenskom trajanju od najmanje 10 godina ili strano pravno lice zajedno sa domaćom visokoškolskom ustanovom. Kao što vidite, fizičko lice ne može više organizovati visokoškolsku ustanovu, a u trenutno važećem zakonu, može.

Sve sive zone koje su postojale (poput neriješenog pitanja o mogućnosti otvaranja dislociranih odjeljenja) su sada uređene i krajnje pooštrene., kao što je akademik Trifković vrlo lijepo i jasno izložio ak ste pažljivo slušali. Opet da ilustriram:

- a Važeći ZVO - Član 13. (15) i (16) Dislocirana odjeljenja su dužna ispunjavati sve uslove postavljene za visokoškolske ustanove osnovane u Kantonu Sarajevo i naučno-nastavno djelovanje u okviru Kantona Sarajevo mora predstavljati neovisnu cjelinu u odnosu na njihovo poslovanje izvan Kantona Sarajevo. Naučno-nastavne aktivnosti koje obavljaju u Kantonu Sarajevo mogu obavljati isključivo sa studentima koji su registrovani u Kantonu Sarajevo, pri čemu cjelokupni nastavni proces studenti moraju sticati isključivo u Kantonu Sarajevo.

– Član 19. je mnogo duži pa neću ga sada cijelog čitati. Izdvojila sam samo dio o osnivanju dislocirana odjeljenja su dužna su ispuniti sve materijalne i proceduralne uslove, propisane za visokoškolske ustanove u Kantonu Sarajevo, uključujući i osnivanje. Dakle ako želi sada neki univerzitet iz nekog drugog Kantona da osnuje svoje dislocirano odjeljenje ovdje mora proći kroz cijeli proces osnivanja kao da osniva novu visokoškolsku ustanovu u Kantonu Sarajevo.

Tri, Nije tačno da će studenti imati dodatna finansijska opterećenja. Više puta sam potencirala i mislila sam da sam jasno iskomunicirala, vjerovatno nisam. „Školarina se nije i neće povećati! Broj studenata oslobođenih troškova studiranja se nije i neće smanjiti!“. Trenutno se stipendira oko 54% studenata UNSA., moja namjera je bila da to podignemo do 60% u idućoj akademskoj godini. Nejasno je meni kako se iz toga izvede zaključak da će studenti biti finansijski oštećeni? Namjera je bila da se pravednije uredi pitanje ko to ima pravo na oslobađanje od troškova studiranja, a ko ne. Ocjene iz srednje škole kako je sada slučaj, ne mogu biti jedino mjerilo na bazi kojeg se stiče status koji vrijedi kasnije 3, 4, 5 negdje 6 godina. Moramo vidjeti kakav uspjeh student ostvaruje tokom studija, te na bazi toga praviti pozitivnu selekciju za narednu godinu. Više puta sam pozvala i javnost i akademsku zajednicu i studente da tokom javne rasprave ponude bolje rješenje od predloženog prosjeka ocjena za pravedniju raspodjelu oslobađanja od školarina. Ali za konstruktivan dijalog potreban je partner spreman na dijalog, prijedloge i unapređenja. Moram naglasiti da sam dobila više stotina pisama od studenata, ne njihovih zvaničnih predstavnika, već od studenata svih fakulteta i smjerova sa odličnim prijedlozima. Sigurna sam da se upravo tu krije najbolje rješenje za izmjene člana 31. koji treba, po mom mišljenju možda procentualno uredi broj studenata koji su oslobođeni od plaćanja školarine, jer smatram da prosjek nije dobro rješenje obzirom da je različit na fakultetima/grupacijama/odsjecima.

I četvrta tačka, nastavnici, ta mi je najdraža, nastavnici na Univerzitetu u Sarajevu će biti diskriminirani kod napredovanja u više zvanje u odnosu na univerzitete u Tuzli i Zenici. Poređenja radi, ukupni broj objavljenih članaka u jednoj od međunarodnih citatnih baza koja

se tamo i spominje, npr. Scopus na Univerzitetu u Novom Sadu za 2020. godinu je 1.774, Univerzitetu u Rijeci 746, a Univerzitetu u Sarajevu 621. O onim vodećim univerzitetima u susjednim zemljama, dakle Univerzitet u Zagrebu i Univerzitetu u Beogradu, nećemo ni govoriti, nismo se s njima ni poredili. Dakle govorimo Novi Sad, Rijeka, Sarajevo. KS finansira UNSA sa 120 miliona KM godišnje, a svo akademsko osoblje prima pola svoje plate za naučno-istraživački rad. Mislim da je to po grubim procjenama oko 35 miliona koji se ulažu u radnu snagu za njihovo bavljenje naučno-istraživačkim radom. Dodatno iz budžeta se godišnje izdvaja oko 500.000 KM za pretplatu na baze podataka samo i isključivo za UNSA. Prema tome, naš naučni doprinos mora biti veći. Specifičnost pojedinih naučnih grana se treba uzeti u obzir, što je i planirano. Planirano je da se to prepusti podzakonskom aktu koji sadrži dosta obiman i decidan tekst koji bi ustvari oubzirio različite naučne grane. To je eksplicitno i navedeno u članu 117. da će biti urađeno. Od nastavnika se ne traži da objavljuju sve svoje radove isključivo na engleskom jeziku, ne navode se kvartili, ne navodi obavezni faktor utjecaja časopisa. Pri tome u spomenutoj bazi Scopus u 2021. godini je registrovano preko 41.000 časopisa, iz apsolutno svih naučnih oblasti i svih mogućih tema, na svim svjetskim jezicima, uključujući i bosanski jezik. Možete sve to pogledati dostupno je na webu i ja vam mogu ponuditi linkove. Naši nastavnici imaju obavezu prema društvu da unaprijede svoje istraživačke rezultate i da naše univerzitate učine vidljivijim na svjetskim rang listama. Dok se u našim akademskim krugovima pitamo „što će nama Šangajska lista, zar trebamo privlačiti kineske studente?“, naši susjedi uveliko je osvajaju, također možete provjeriti Šangajsku listu. Radi pojašnjenja, to je jedina zvanična rang lista svjetskih univerziteta od 1.000 najboljih, i naravno ni nijedan univerzitet iz BiH nije se još nikada tu našao. Također, za više informacija o referencama akademskog osoblja, treba samo provjeriti njihovu citiranost na najprostijem Google Scholar pretraživaču. Tako se može uvjeriti koliko citata imaju kritičari, neko 6, neko 8, neko 20 i tako dalje, a koliko imaju članovi Komisije koja je pisala Nacrt.

Konačno, želim što nismo spremni napraviti progresivnije i bolje okruženje za razvoj visokog obrazovanja. Predloženi Nacrt je bio prva stepenica, koja je uz doradu tokom javne rasprave, trebala biti temelj na kojem bi se dalje gradila promjena kurikuluma i izgradnja kapaciteta nastavnih i istraživačkih. Vjerovatno nam je ovako dobro.

Odlazeći sa ovog mjesta, napominjem vas da je ovo izuzetno izazovan trenutak za visoko obrazovanje u Kantonu Sarajevo. Univerzitet u Sarajevu prolazi kroz izuzetno zahtjevni proces integracije. Sada pozivam sve uključene i odgovorne osobe da podrže i pomognu Univerzitet da izađe jač iz ovog procesa nego što je sada. Vama i nama svima, koji, ja ostajem naravno u oblasti visokog obrazovanja, profesionalno kako sami do sada bila, želim puno sreće te vam se zahvaljujem na pažnji.

Predsjedavajući:

Zahvaljujem se uvaženoj ministrici Meliki Husić-Mehmedović. Da li predstavnici radnih tijela žele riječ? Zastupnik Damir Marjanović.

Poslanik/zastupnik Damir Marjanović:

Zahvaljujem se predsjedavajući. Ovo nije moja osobna diskusija, ovo je diskusija mene kao predsjednika skupštinske Komisije koji treba da iznese određene informacije vezano za Odluku skupštinske Komisije za obrazovanje i nauku. To je moja obaveza i želim da upoznam sve zastupnike kako je tekao taj sastanak. Dakle, 02.07.20201. godine skupštinska Komisija za obrazovanje i nauku održala je sastanak gdje je kao četvrtu tačku d.r. izdvojila Nacrt Zakona o visokom obrazovanju. Na toj 4. tački d.r. bili su prisutni, ustvari na tom sastanku prije svega da kažem, bili su prisutni svi članovi skupštinske komisije, osim uveženog gospodina Devića. Damir Marjanović predsjedavajući, kolegica Jasna Duraković zamjenica predsjedavajućeg, kolega Vedran Jakupović, Dajana Čolić, Asmir Hasečić, Namir

Ibrahimović, to su članovi skupštinske komisije. Pod tačkom 4. d.r. analiziran je Nacrt Zakona o visokom obrazovanju. Prezentirala ga je uvažena ministrica a bila je prisutna i pomoćnica ministra uvažena kolegica Ivazović. Nakon prezentacije, svako od članova je imao priliku da postavi par pitanja i postavljeno je par pitanja od strane kolegice Duraković, od strane kolega Asmira Hasičić, opet od strane kolegice Jasne Duraković, od članice komisije gospođe Čolić, od člana komisije Namira Ibrahimovića, ministrica je odgovorila na sva ta pitanja i kolega Vedran je dao jednu konstataciju. Nije bilo konkretno pitanje vezano za određene rokove usvajanja Zakona. Normalno i ja kao predsjedavajući sam imao određena pitanja i određene konstatacije glede Zakona i nakon toga smo završili diskusiju i pristupili smo glasanju i jednoglasno smo podržali Nacrt Zakona. Znači svi prisutni, šest članova prisutnih koje sam nabrojao iz Skupštine Kantona Sarajevo, govorim znači o kolegi Vedranu Jakupoviću, mojoj malenkosti, kolegici Jasni Duraković smo podržali Nacrt Zakona. Ja s ovim završavam zvanični izvještaj, normalno kada bude i finaliziran zapisnik sa ove sjednice, kada prođe procedure mogu vam ga dostaviti. Završavam zvanično izlaganje kao predsjedavajući u Skupštini, s tim što mi sada samo dozvolite jednu rečenicu kao Damiru Marjanoviću. Nadam se da mi nećete zamjeriti. Zahvaljujem se uvaženoj ministrici na trudu koji je pokazala, zahvaljujem se što je pružila priliku akademskoj zajednici, predvođenoj predsjednikom Akademije nauka i umjetnosti BIH da kreira jedno zakonsko rješenje. Duboko žalim kao Damir Marjanović što očigledno smo izgubili ministricu na ovoj poziciji sada i mogu samo da kažem da to izgleda na neki način bez imalo patetike sudbina svih onih koji pokrenu neku konkretnu reformu. Ja se zahvaljujem.

Predsjedavajući:

Poslovnička intervencija zastupnik Elmedin Konaković.

Poslanik/zastupnik Elmedin Konaković:

U ime Kluba NIP tražim pauzu od 10 minuta. Hvala.

Predsjedavajući:

Pauza na zahtjev Kluba NIP.

NASTAVAK NAKON PAUZE

Predsjedavajući:

Zamolio bih zastupnika Elmedina Konakovića da obrazloži razlog pauze.

Poslanik/zastupnik Elmedin Konaković:

Hvala predsjedavajući. Pa kratke konsultacije glede evo novonastalih okolnosti obzirom da je ministrica Melika Husić obavijestila da podnosi ostavku. Oko toga smo imali kratke konsultacije. Premijer vam maše.

Predsjedavajući:

Premijeru izvolite, imate riječ.

Premijer Edin Forto:

Govorit ću par minuta. Ministrica je dala ostavku, moram reći par stvari o tome. Kao možda neko ko je na čelu tima moram vam reći da rad Vlade, neki to znaju vrlo dobro od vas, ai neki možda nisu puno razmišlja o tome. Svaki član Vlade glasa o svim tačkama na Vladi bez obzira iz kojeg su resora. I moraju svoj način razmišljanja, moraju svoj način rada, moraju svoje neke vrijednosti ideala prenijeti na ostatak tima. I moraju reći zašto su za nešto, zašto su protiv nečega. I ministrica Melika, ja njih sve zovem prvim imenom, je perfekcionista. Imali

smo bezbroj rasprava, posebno u onom COVID talasu kada smo neke vrlo teške odluke donosili, gdje bi ona ustala i rekla, ovo ne radimo dovoljno dobro, u ovome smo propašili. Zahtijevam da radimo bolje, zahtijevamo da se odmah sastanemo, da radimo više. Imali smo veliki broj takvih situacija. I vi po tome vidite kakav je neko osoba i šta donosi timu. Kada smo se konsultovali oko njenog ulaska u Vladu nabrojala je tri stvari koje treba uraditi u ovom polovičnom mandatu jer je to suštinski dvogodišnji mandat za nju. Rekla je želim da UNSA da radnici UNSA potpišu kolektivni ugovor. Trudit ću se da on ne bude štetan po Budžet. I to je uspjela. Želim da vratim, tačnije da uspostavim sistem u kojem će novac ići nauci. I da to bude u skladu sa zakonom. A to bi bilo po ovim nekim procjenama koje smo imali oko 5 miliona KM godišnje. Uspjela je u pandemijskoj godini, u skraćenom Budžetu koji je kraći 160 miliona, uspjela je namaći 3 miliona, što je daleko više od bilo koje Vlade od kako je nastao Kanton Sarajevo. To je apsolutni rekord u kojem kažete kao ministrica a mi kao Vlada koji smo to podržali, ovaj novac je za nauku. A sada ne govorim kakve su sve beneficije toga i upravo toga. I treće rekla je naravno želim da imamo novi Zakon o visokom obrazovanju. I onda je krenulo sve ovo što kulminira današnjom njenom ostavkom. Mislim da je napravila jednu grešku. A to je da je standarde koje sama sebi daje pokušala nametnuti i drugima. Pokušala je nametnuti svoje standarde akademskoj zajednici kojoj pripada. Ona ima 900 citata. Žena sa 900 citata traži da citati budu bitni. Ja sam joj rekao da je tu pogriješila. Rekao sam joj da nije njeno da bude profesorica sada. I da brani te super visoke standarde koje sebi nameće pa jenama na Vladi isto to radila. Nego da treba da ide i da u javnoj raspravi u pripremi za javnu raspravu da drugima objasni na koji način im pomaže. Studentima, akademskoj zajednici. Ona je to radila. Ali ova njena profesorska perfekcija je možda poslala poruku nekima da će im biti teško u životu. A ona je samo tražila ono što je od sebe prvo zahtijevala i što je već dokazala u svom akademskom radu. I ono što mi znamo u radu naše Vlade gdje je kao tim, kao članica tima nametala te standarde nama na potpuno drugim temama koje nisu iz visokog obrazovanja. Malo sam emotivan. Danas smo mi imali jedan sastanak kada mi je ona to saopštila, cijeloj Vladi, mi smo svi razgovarali o tome, bilo je vrlo emotivno. Stvorili smo jedan tim koji na ovaj način radi, jedni druge guramo, tjeramo, i sada gubimo jednog vrlo, vrlo vrijednog člana tog tima. Nekoga ko je bio zadužen da radimo po najvišim mogućim standardima. Čak i kada se to ne vidim u javnosti i kada nije za slikanje. Zbog toga joj se želim zahvaliti. Žao mi je što ova javna rasprava se neće dogoditi. Nego što je neka vrsta pritiska izvršena prije otvaranja 90 dnevne javne rasprave ko ju smo htjeli da imamo. Zbog nedostatka političke volje povlačim ovaj Nacrt Zakona, u nadi ćemo u narednim mjesecima imati i smoći snage da povisimo standarde, da donesemo zakone kojim će biti zadovoljna akademska zajednica ali koja će biti nedvojbeno korak za sve nas naprijed. Hvala još jednom ministrici. Nastavljamo dalje sa skupštinom.

Predsjedavajući:

Zahvaljujemo se premijeru. Kao što ste čuli, Nacrt Zakona o visokom obrazovanju je povučen. Mi nastavljamo dalje.

Ne može gotovo, završeno, ovo je neka druga tačka. Nisam ništa ni otvorio ni jedne tačke. Mi smo imali također zahtjeve za obraćanje- zamolio bih tišinu u sali. Skupštini Kantona Sarajevo su se obratili. Evo samo da završim ovo što hoću da pročitam.

Skupštini Kantona Sarajevo su se obratili pismeno kao gosti da se obrate na sjednici Skupštine Kantona Sarajevo Sindikat UNSA, Udruženje SPUS, te Vijeće mladih Kantona Sarajevo. S obzirom da je tačka povučena nema smisla za njihovo obraćanje. Samo da vas obavijestimo da je zahtjev bio a kasnije smo htjeli staviti na izglasavanje Skupštine ukoliko se Skupština odluči da se oni obrate.

Poslovničku intervenciju zastupnica Jasna Duraković.



Poslanik/zastupnik Jasna Duraković:

Zahvaljujem predsjedavajući. Ja znam da ovo nije u skladu s procedurama, hoćete li dozvoliti da kažem molim vas lijepo? Pa ne znate uopšte ću reći. Molim vas zaustavite ovo predsjedavajući.

Predsjedavajući:

Zamolio bih red u sali, molim vas. Zastupnice Duraković ako vaša poslovnička intervencija ima ikakve veze sa prethodnom tačkom koju smo zaključili, Nacrt Zakona je povučen. Nemojte. Ako je nešto drugo.

Poslanik/zastupnik Jasna Duraković.

Dozvolite samo da kažem. Apsolutno mi ubacujete riječi u usta koje možda ne kanim reći. Dakle obzirom da sam direktno prozvana od predsjednika Komisije za nauku i obrazovanje imala sam potrebu po tom osnovu. Mislim, da je bilo krajnje korektno. Pa dozvolite, imamo li parlamentarizma ikakvog u ovdje u ovoj Skupštini? Stavljena je ova Skupština u potpuno podređen položaj ako ne dozvoljavate da se iko od nas obrati. Evo da komentariše apsolutno ništa vezano za Zakon. Ali za ministricu ostavku. Ja smatram da je to osnov, temelj demokratije. I mislim da ste nam to pravo, da niste trebali to uskratiti. Zato sam i rekla možda ovo nije u skladu sa procedurama ali vas molim evo da mi date neki odgovor. Mislim da je ovo stvarno.

Predsjedavajući:

Evo dat ću vam odgovor. Skupštinu vodim u skladu s Poslovníkom. Tačku Nacrt o visokom obrazovanju imali ste priliku da je tačka tretirana također u skladu s Poslovníkom. Svaka tačka se može povući do rasprave. Prije nego što je rasprava nastupila premijer je, čuli ste povukao tačku Nacrt Zakona o visokom obrazovanju. Mi nemamo više mogućnosti da raspravljamo o toj temi. Zato što je tačka povučena. Naravno u skladu s Poslovníkom povučena tačka dnevnog reda i mi nemamo osnov za razmatranje. A inače da ima dao bih vam svima. To morate pitati predlagача i premijera. Dobro. Idemo dalje.

Imamo zahtjev Rektora da tačke Izvještaj UNSA za 2019 i 2020 idu prije ostalih tačaka zato što je Rektor prošlu sjednicu čekao čitavo vrijeme, pa su tačke povučene. I vjerovatno će još morati čekati narednih sigurno dva tri sata, nema smisla. Tako da predlažem da tačke Izvještaj o radu UNSA za 2019 i 2020 tačka 9. i 10. zamolit ću da se Skupština izjasni da li je saglasna da je stavimo sada ovog momenta prije nego što krenemo dalje sa dnevnim redom.

Evo ja stavljam na glasanje. Molim službu da pozove zastupnike iz hodnika da uđu i da glasaju. Prijedlog da se izvještaji o radu UNSA '19 i '20 razmatra odmah. Zaključujem glasanje. Molim službu da objavi rezultate glasanja.

Za je glasalo 18 zastupnika, protiv 7, suzdržana 3 zastupnika. Konstatujem da je prijedlog Skupština Kantona Sarajevo usvojila.

Poslovnička intervencija na zahtjev Mahira Devića zamolio bih sekretara da prozove zastupnike da se pojedinačno izjasne. Zamolio bih vas za mir u sali.

Sekretar Skupštine Aida Zeković:

Molim da se izjasnite.

Aljović Hamed

PROTIV

Bešlija Vildana

ZA

Bišćević-Tokić Jasmina

PROTIV

Čampara Aljoša

ZA

Čelik Mirza	OPRAVDANO ODSUTAN
Delalić Sabahudin	SUZDRŽAN
Dević Mahir	PROTIV
Dizdarević Neira	ZA
Duraković Jasna	SUZDRŽANA
Handžić Vibor	ZA
Hasagić Amra	SUZDRŽANA
Hasanović Senad	PROTIV
Hodžić Admela	ZA
Jakupović Vedran	ZA
Junuzović-Kaljić Amra	ZA
Kerla Bibija	PROTIV
Konaković Elmedin	ZA
Krstić Danijela	ZA
Marić Zvonko	ZA
Marjanović Damir	ZA
Mekić Amel	ZA
Memić Arijana	ZA
Milavica Sead	ODSUTAN
Nikšić Damir	ZA
Okerić Elvedin	ZA
Pecikoza Fahrudin	ODSUTAN
Pleho Haris	OPRAVDANO ODSUTAN
Poturak Dževad	SUZDRŽAN
Srna- Bajramović Segmedina	PROTIV
Stojanović Igor	PROTIV
Suljević Samir	PROTIV
Šahman Bilsena	ZA
Viteškić Smiljana	SUZDRŽANA
Vreto Elvis	ZA
Zahiragić Haris	SUZDRŽAN

Predsjedavajući:

Za je glasalo 17 zastupnika, protiv 8, suzdržanih 6. konstatujem da Skupština nije usvojila ovaj prijedlog.

Nastavljamo dalje sa radom. Kolega Deviću. Imate potrebu da slavite nešto. Molim vas poštujuete dignite Skupštine Kantona Sarajevo. Tačka četiri:

#### **AD – 4.**

**PRIJEDLOG ODLUKE O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I HERCEGOVINE I EVROPSKE INVESTICIJSKE BANKE (EIB) ZA REALIZACIJU PROJEKTA GRADSKOG PRIJEVOZA U SARAJEVU**

Materijal ste dobili u dopuni. Molim predstavnika Predlagača da podnese uvodne napomene. Ministar Čičić, ima li potrebe? Nema potrebe. Kolega Deviću molim vas prijavite se ako želite da govorite. Ministar Čičić ima riječ izvolite.

Ministar Davor Čičić: UVODNO IZLAGANJE

Predsjedavajući:

Zahvaljujemo se ministru Čičiću? Da li predstavnici radnih tijela žele riječ? Ima li pitanja?

Poslanik/zastupnik Bibija Kerla.

Mene interesuje koliko je trenutno ukupno zaduženje Kantona Sarajevo. Mahir molim te, postavljam pitanja za ovu sada temu, ako nije. Zahiragiću. Interesuje me koliko je trenutno ukupno zaduženje Kantona Sarajevo po pitanju svih kredita, kako unutrašnjih, tako i vanjskog duga. Molim da nam se kaže stvarni iznos kreditnih zaduženja u Kantonu Sarajevo.

Poslanik/zastupnik Haris Zahiragić:

Pa slično kao u kolegice Bibije Kerle, pitanje koliko je ova Vlada Kantona Sarajevo od kada je imenovana realizirala kreditnih zaduženja. Dakle koliko se kreditno zadužila do sada?

Ministar Davor Čičić:

Zahvaljujem. Mi smo na jednoj od prethodnih sjednica Skupštine Kantona Sarajevo kao informativni materijal dostavili Skupštini strategiju upravljanja dugom Kantona Sarajevo gdje je informativno navedeno i sva zaduženja koja su trenutno na snazi. Pa evo ja ću samo kratko iz te strategije vezano za vaše pitanje uvažena zastupnice, kratko napraviti neki pregled. Ukupan dug sa 31-12-2020 je 217. miliona KM. Od toga se na vanjski dug, odnosno vanjsko zaduživanje odnosi 143. miliona a na unutrašnji dug, tj dug što prema javnim nabavkama što iz obveznica koje su bile emitirane je 55 miliona KM. Isto tako Kanton Sarajevo ima nekih 18 miliona garancije koje je dala za kredite koje su podizala JP. Ukupni dug po vašem pitanju je 217 miliona KM: od toga više od 60 pa i 70% je vanjski dug prema uglavnom EBRD. A u tom istom materijalu koji vam je dostavljen može se vidjeti struktura kreditora. U postocima je 41% EBRD, Svjetska banaka 43%, Saudijski razvojni fond 10%, Vlada Austrije 4% i ovi ostali ispod 0% vezano za vanjski dug. Ja se nadam eto da vas zadovoljava ovi odgovor u ovom materijalima imate detaljno raščlanjeno sve i po kreditorima, i opo vanjskom unutrašnjem i po svim stavkama. Drugo pitanje uvaženo zastupnika Zahiragića, u ovom trenutku su u toku tenderi kojima prema usvojenom budžetu Kantona Sarajevo 2021 godine rade, imamo 11 lotova i 12.07 će biti otvaranje tih tendera gdje bi se mi zadužili prema domaćim bankama za iznos u prvom ovom valu nekih 55 miliona KM ali sve zavisi kako će pošto se radi o međunarodnim tenderima kakav će odzivi banaka, tj kako će tender na kraju poći. U ovom trenutku jš se nismo zadužili, još ci gederi u toku. Nadamo se da ćemo uskoro za projekte koji su spremni u Kantonu Sarajevo, animirani su u Budžetu 2021 godine nadamo s da ćemo uspjeti naći kreditna sredstva i da ti projekti krenu. Hvala.

Predsjedavajući:

Poslovnička intervencija zastupnik Mahir Dević.

Poslanik/zastupnik Mahir Dević:

Zahvaljujem. Ja sam jučer doduše na jednom neformalnom sastanku vas upoznao da mi kao Klub možemo do 18,30 ili 18,45 najdalje raditi da nam je onda potrebna pauza zbog jednog važnog obilježavanja nama i Klubu DF. A predlažem da onda napravimo jednu pauzu od jedno sat i po ili ukoliko ne možemo nastaviti da zakažemo ovaj nastavak na neki način. Da ne bi išli u ovu varijantu uzimao mi pola sata pauzu DF pola sata pauzu itd. Da vidimo ako ima nešto da možemo izglasati kao što je ovo u minut, dva pet, mi moramo uzeti onda pauzu. Ja sam vas jučer na to upozorio. I takva neka dinamika je bila vama prezentirana otprilike.

Predsjedavajući:

Kolega Dević ono što ja mogu uraditi je vaš prijedlog staviti na izjašnjenja Skupštine. Ako imate pred sobom dnevni trend uglavnom imamo još dvije tačke koje su tehničke prirode.

Poslanik/zastupnik Mahir Dević:

Nećemo stići o tome se radi. Jednostavno nećemo fizički stići. Eov sada je već 18.30. još koja minuta itd. Ja bih volio da možemo završiti ali očigledno je da ne možemo. Ja onda moram poslovnički tražiti ovu pauzu zamolit ću u kolegicu Kerlu jer je važna stvar. Najavio sam vam to jučer. Pitanje je obilježavanja genocida u Srebrenici ja to ne mogu preskočiti. Da je nešto drugo OK.

Predsjedavajući:

Zastupnik Elmedin Konaković.

Poslanik/zastupnik Elmedin Konaković.

Evo pokušat ću kratko. Dakle već drugi put maltretiramo pogotovo Rektora i UNSA ali eto u ovim političkim našim odnosima, ne iznenađuje me to posebno. Škola ŠIP neće krenuti s radom ako mi danas ne donesemo odluku o njenom. Dakle imate školu ŠIP, imate ovu još jednu školu, zato sam govorio naravno da nema potrebe. Na Domu naroda HDZ nije pravio problem oko ovog EBRD zaduženja 31 ruka, sa njihovim rukama zato što shvataju potrebu i nisu pitali ko je vlasnik, ko nije vlasnik. Iz tih razloga, i znajući da imate to, kakav uvod EBRD 50 proces ovdje. Ove dvije škole su prevažne.

Predsjedavajući:

Evo glasamo za ove tačke. Da li predstavnici radnih tijela žele riječ? Otvaram raspravu. Zaključujem raspravu.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I HERCEGOVINE I EVROPSKE INVESTICIJSKE BANKE (EIB) ZA REALIZACIJU PROJEKTA GRADSKOG PRIJEVOZA U SARAJEVU.**

Zaključujem glasanje. Molim službu da objavi rezultate glasanja.

**ZA JE GLASALO 26 ZASTUPNIKA, PROTIV I SUZDRŽANIH NIŠTA. KONSTATUJEM DA JE SKUPŠTINA DONIJELA OVU ODLUKU.**

**Prelazimo na tačku pet:**

**AD – 5.**

**PRIJEDLOG ODLUKE O OSNIVANJU JAVNE USTANOVE OSNOVNA ŠKOLA „ŠIP”**

Materijal ste dobili u dopuni. Da li ima potrebe da se obrati predstavnik Predlagača i podnese uvodne napomene? Nema. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O OSNIVANJU JAVNE USTANOVE OSNOVNA ŠKOLA „ŠIP”.**

Zaključujem glasanje. Molim službu da objavi rezultate glasanja.

**ZA JE GLASALO 27 ZASTUPNIKA, PROTIV I SUZDRŽANIH NIŠTA. KONSTATUJEM DA JE SKUPŠTINA DONIJELA OVU ODLUKU.**

Tačka šest:

**AD – 6.**

PRIJEDLOG ODLUKE O DAVANJU SAGLASNOSTI ZA OSNIVANJE "SREDNJA POSLOVNA ŠKOLA" ILIDŽA

Materijal ste dobili u dopuni Da li ima potrebe da predstavnik Predlagača da podnese uvodne napomene? Nema. Da li predstavnici radnih tijela žele riječ? Ne. Ima li pitanja? Ne. Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA OSNIVANJE "SREDNJA POSLOVNA ŠKOLA" ILIDŽA. Zaključujem glasanje. Molim službu da objavi rezultate glasanja.

ZA JE GLASALO 28 ZASTUPNIKA, PROTIV i SUZDRŽANIH ništa. KONSTATUJEM DA JE SKUPŠTINA DONIJELA OVU ODLUKU.

**Tačka sedam:**

**AD – 7.**

PRIJEDLOG ODLUKE O DAVANJU SAGLASNOSTI NA NACRT UGOVORA O KUPO-PRODAJI NEKRETNINE-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B2, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJEG ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE (MRZIĆ ĐEMILA)

Materijal ste dobili u dopuni. Ima li potrebe da predstavnik Predlagača da podnese uvodne napomene? Nema. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRT UGOVORA O KUPOPRODAJI NEKRETNINE-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B2, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJEG ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCEM NEKRETNINE (MRZIĆ ĐEMILA).

Zaključujem glasanje. Molim službu da objavi rezultate glasanja.

ZA JE GLASALO 26 ZASTUPNIKA, PROTIV i SUZDRŽANIH nije bilo. KONSTATUJEM DA JE SKUPŠTINA DONIJELA OVU ODLUKU.

Tačka osam:

**AD – 8.**

PRIJEDLOG PROGRAMA RADA SKUPŠTINE KANTONA SARAJEVO ZA 2021. GODINU

Materijal ste dobili u dopuni.

S obzirom da je predlagač Programa rada Skupštine Kolegij iznijet ću par uvodnih napomena.

Samo malo. Zastupnik Damir Nikšić traži riječ.

Poslanik/zastupnik Damir NIKŠIĆ:

Član 12 poslovnika intervencija u vezi vođenja Skupštine. Ja imam problem sa vođenjem ove sjednice i scenarijem koji je ovdje danas bio izveden u vezi ove tačke s ministricom i ostavkom. Znači ministar ostavci i zastupnik Marjanović imali su priliku iznijeti svoje stavove a mi zastupnici nismo uspjeli iznijeti argumente i stavove baze koje zastupamo a koja se protivi Zakonu. Znači opet su uradili ono što su radili svo ovo vrijeme i potvrdili su svoju aroganciju i manipulativnost i monolog zbog kojeg je veliki dio akademske zajednice revolitrano.

Predsjedavajući:

Kolega Nikšiću morat ću vas prekinuti.

Poslanik/zastupnik Damir Nikšić:

Molim vas, ja upravo želim da podnesem ostavku. Dakle.

Predsjedavajući:

Kolega Nikšiću nemam mogućnost da vam dan Nacrt je povučen.

Poslanik/zastupnik Damir Nikšić.

Ne, ne ne. Podnosim ostavku na mjesto predsjednika zbog toga što sam izigran od ljudi iz svog kluba. Ispred mog Kluba je ministrica i Marjanović. Podnosim ostavku na predsjedavajućeg svog Kluba i izlazim iz tog kluba.

Predsjedavajući.

Dobro, eto obavijestili ste. Dobro zastupnik Sead Milavica je tražio riječ.

Poslanik/zastupnik Sead Milavica.

Zahvaljujem predsjedavajući. Moram samo naglasiti da nismo imali konsultacije mi u Klubu DF ovo je bio dogovor između šefa Kluba SDA i gospođe Bibije Kerle. Dakle ne znamo o kakvoj se pauzi radi, ni o čemu bilo drugom. Moram imati neke kratke konsultacija s našim šefom kluba da vidimo o čemu se radi. Dakle ja i gospodin Hasanović nismo upoznati o tome.

Predsjedavajući:

Dobro. Kolega Deviću hoće li nam objasniti ovaj nesporazum. Zastupnik Mahir Dević. Zastupnik Haris Zahiragić.

Poslanik/zastupnik Haris Zahiragić:

Predsjedavajući, ako hoćete do kraja otvoreno, ne znam kako se ovo desilo. Kolegica Bibija Kerla i kolega Mahir Dević su sa prebivalištem u Ilijašu i oni kao šefovi Kluba trebaju prisustvovati a znate da Ilijašu veliki broj žrtava genocida je našao svoje prebivalište, utočište i njima je vrlo značajan današnji dan kada su ispraćeni posmrtni ostaci njihovih članova porodice, kada je započeo marš mira itd. S tim u vezi kolegica Bibija Kerla i Mahir Dević ko dva šefa Kluba su tražili pauzu da bi mogli i oni a i mi zajedno sa njima otići do Ilijaša i vratiti se. Nakon toga, obavljajući konsultacije sa pojedinim kolegama zastupnicama iz Skupštine Kantona Sarajevo koji također neki žele biti na toj manifestaciji, neki na nekoj drugoj smo došli na ideju da napravimo prekid pa nastavak sjednice Skupštine. I oko toga se otprilike većina složila. Ne znam zašto se sada opet o pauzi govorimo. Ukoliko želite mogu biti pauze. Ukoliko želite može biti prekid. Neće.

Predsjedavajući:  
Pauza pet minuta.

NASTAVAK NAKON PAUZE

Predsjedavajući:  
Zamolio bih kolege zastupnike da zauzmu svoja mjesta. Prekidam sjednicu Skupštine Kantona Sarajevo. O nastavku ćete biti blagovremeno obaviješteni.

STENOGRAM  
NASTAVKA 39. RADNE SJEDNICE SKUPŠTINE  
ODRŽANE 09.07.2021.GODINE



Predsjedavajući Elvedin Okerić (u daljem tekstu predsjedavajući):

Otvaram nastavak 39. Radne sjednice Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i sve one koji prate rad današnje sjednice.

Svima nama želim uspješan rad i ugodnu radnu atmosferu.

Sjednici prisustvuje 21 zastupnik, što je dovoljan broj za punovažan rad i odlučivanje.

Izostanak sa ove sjednice opravdali su zastupnici: Haris Pleho, Mirza Čelik, Sead Milavica i zastupnik Senad Hasanović. I dobili smo i zastupnik Vedran Jakupović.

Podsjećam vas da smo na jučerašnjem zasjedanju obradili prvih sedam tačaka dnevnog reda, te nam tako preostaju sljedeće tačke:

8. Prijedlog Programa rada Skupštine Kantona Sarajevo za 2021. godinu;
9. Izvještaj o radu Univerziteta u Sarajevu za 2019. godinu sa finansijskim izvještajem;
10. Izvještaj o radu Univerziteta u Sarajevu za 2020. godinu sa finansijskim izvještajem.

Prelazimo na osmu tačku:

AD – 8.

**PRIJEDLOG PROGRAMA RADA SKUPŠTINE KANTONA SARAJEVO ZA 2021. GODINU**

Materijal ste dobili u dopuni.

S obzirom da je predlagač Programa rada Skupštine Kolegij iznijet ću par uvodnih napomena. Prijedlog programa rada Skupštine za 2021.godinu utvrdio je Kolegij Skupštine, na sjednici održanoj 02.07.2021.godine, a na osnovu Nacrta programa rada Vlade koji je osnov za pravljenje Programa rada Skupštine. Ukoliko danas usvojimo Program rada Skupštine isti će biti dostavljen Vladi i Vlada će na osnovu našeg Programa rada napraviti svoj Program rada i praktično će biti istovjetna oba materijala. Tako da ćemo mi izvršavajući naš Program rada pratiti i rad Vlade, odnosno da li Vlada dostavlja materijale onako kako je predviđeno samim Programom.

Da li predstavnici radnih tijela žele riječ? Ima li pitanja? Otvaram raspravu.

Zastupnik Mahir Dević.

Poslanik/zastupnik Mahir Dević:

Hvala predsjedavajući. Jučer smo imali nekoliko inicijativa vezano za tematske sjednice Skupštine Kantona Sarajevo, čini mi se da je kolega Mekić predlagao jednu sjednicu za sport, a jednu za kulturu, kao dvije odvojene sjednice. I kolegica Bibija Kerla za turizam. Naravno prihvatam i rado se pripremamo za sjednice tematske, međutim možda ne bi bilo loše ovu sjednicu iz kulture i sporta, pošto je isto Ministarstvo, isti resor, možda da bude jedna, ili da ih odvojimo. Dobro, OK. Ja govorim samo s apseka funkcionalnosti da ne dođemo ponovo u situaciju da te sve tematske sjednice, da ne prebukiramo osnovno funkcionisanje Skupštine Kantona Sarajevo. Naravno, nemamo ništa protiv ispred Kluba SDA da imamo te tematske sjednice. Ovo čisto funkcionalno je bio prijedlog. Ukoliko to kolegi ne odgovara, želi da to budu dvije sjednice, OK. Nemamo ništa protiv.

Predsjedavajući.

Hvala kolega Deviću. Zastupnik Elmedin Konaković se javio.

Poslanik/zastupnik Elmedin Konaković:

Pozdravljam sve prisutne, pošto se javljam prvi put. Sugestija kolege Devića je na mjestu i mislim samo kod čitanja zaključka eventualno trebate dodati i tematske sjednice koje su usvojene na prethodnoj sjednici. I time će se naći u Programa rada. Kod čitanja zaključka samo dodajte još ove tri tematske u skladu sa prijedlozima zastupnika i da budu integralni dio ovog teksta. Hvala.

Predsjedavajući:

Zastupnica Jasmina Biščević-Tokić.

Poslanik/zastupnik Jasmina Biščević-Tokić:

Hvala predsjedavajući. Evo i ja jedno pitanje. Zanima me za tematsku sjednicu a radi se o djeci s poteškoćama u razvoju. Da li je planirana i ako nije molila bih stvarno da se stavi s obzirom da je apel tih roditelja, eto da imamo i to na umu da povedemo računa. Zahvaljujem.

Predsjedavajući:

Skupština Kantona Sarajevo je 03.03.2021.godine usvojila zaključak gdje se prihvata inicijativa da se što hitnije održi tematska sjednica o temi Infuzija i odnos Kantona Sarajevo prema djeci s poteškoćama u razvoju, tako da imamo već zaključak Skupštine, uvrstiti s ovim tematskim sjednicama o kojima je kolega Dević govorio.

Zastupnica Amra Hasagić.

Poslanik/zastupnik Amra Hasagić:

Pozdravljam sve prisutne. Na tragu ovoga što je kolega Mahir govorio, mi smo još u decembru 2019 na tematskoj sjednici za pitanja mladih donijeli jedan zaključak da ćemo svake godine imati jednu takvu sjednicu. Nikada je još do dan danas nismo održali, a koliko vidim, u Programu rada Skupštine, ista nije predviđena.

Predsjedavajući:

Zastupnica Vildana Bešlija.

Poslanik/zastupnik Vildana Bešlija:

Dobar dan. Pozdravljam sve koji nas prate i prisutne, naravno. Mene samo interesuje u suštini ovo što je predviđeno za dosada da se uradi, vidim da ima nekih stvari koje nismo uradili. Da li ste pravili neku analizu, odnosno da li bi mogli nešto što je Nacrt Zakona o javno privatnom partnerstvu je trebao biti u aprilu, u julu je trebao biti prijedlog itd. Neke jš stvari. Da li možemo to iščistiti eventualno, pa predložiti da se u narednom periodu, da izmijenimo postojeće stanje, odnosno imate li informaciju koji je procenat tog izvršenja do sada? Hvala vam.

Predsjedavajući:

Svaka dinamika predloženog programa rada i programa naravno podliježe reviziji. Tako da je moguće da do kraja godine sve one aktivnosti koje nisu u prvom dijelu ove godine realizovane vjerovatno će kroz resorna Ministarstva koja su zadužena da pripremaju, pogotovo kada su u pitanju zakonski propisi moći ih delegerati do kraja godine ukoliko je to moguće. Tako da neće biti problem da se izvrši neka analiza i da do kraja godine budu neke izmjene i dopune Prijedloga programa rada Skupštine Kantona Sarajevo. Sad za sada imamo

ovaj Prijedlog sa ovim dopunama koje su predložene kao tematske sjednice na prethodnoj sjednici. Zastupnik Mahir Dević.

Poslanik/zastupnik Mahir Dević.

Slažem se s ovim što je kolegica Vildana kazala. Ja mislim generalno da mi od početka ovog mandata ustvari prilikom usvajanja programa rada Skupštine Kantona Sarajevo uopće ne pratimo ni mjesece ni dinamiku već se politike čini mi se definišu iz mjeseca u mjesec a da uopće ne prate Program rada. Bilo bi dobro predsjedavajući da se izanalizira Program rada Skupštine Kantona Sarajevo i da se on prati. I on bi svakako morao biti u svakom momentu potpunoj korelaciji sa Programom rada Vlade i parlamentarne većine. Mi sada imamo situaciju da usvojimo jedan program rada, zakoni koji su predviđeni u određenim mjesecima i rokovima se uopće ne razmatraju. Dolazi do nekih potpuno novih nacрта itd. Te s tim u vezi ja evo na neki način tražim od vas i zahtijevam od vas ispred Kluba SDA da se izvrši analiza postojećeg Programa rada i da konačno Skupština počne raditi barem 90% nu skladu s Programom rada. Jer bojim se da je taj procenat potpuno da kažem suprotan. Imamo nešto što je u Programu rada. Program rada prati neki plan Vlade koji nije u korelaciji s ovim i onda naravno dolazimo u ovu situaciju da ne možemo te zakone koje smo planirali da usvajamo – usvojiti, a dolaze nam neki potpuno drugi zakoni. Bilo bi dobro da to stvarno malo uredimo da znamo šta radimo u toku jedne godine.

Predsjedavajući:

Slažem se s kolegom Devićem. Međutim ovaj Program rada je trebalo usvojiti u decembru 2020 godine, imali smo smjenu Vlade, imenovanje nove Vlade, koja je evo također će uskladiti u skladu sa ovim planom i programom i svoj plan i program. Tako da ovo nije prvi put da se Prijedlog programa rada Skupštine usvaja polovinom godine. Kao što imamo izvještaje, imali smo na jučerašnjoj sjednici usvajanje izvještaja iz 2018 godine. Naravno tu praksu treba izbacivati, nije dobra. Ali realno okolnosti su takve u kojima radimo tako da nije nikakva loša namjera. Zastupnik Elvis Vreto.

Poslanik/zastupnik Elvis Vreto:

Hvala predsjedavajući. Koristim priliku da pozdravim sve prisutne ako i građane koji nas prate. Pa evo možda ste vi predsjedavajući u nekom dijelu već dali neki određeni komentar koji sam ja mislio dati po pitanju Programa rada. Slažem se zaista da treba raditi monitoring tog programa rada ali treba uzeti u obzir i da su ove prethodne dvije godine ipak po pitanju pandemije potpuno možda poremetile neki ritam i rad Skupštine. Da je vrlo teško uzimajući to u obzir planirati određene stvari. Naravno treba ih planirati i treba pratiti realizaciju svih onih stvari koje mi kao Skupština definišemo da ćemo raditi u toj godini. I s druge strane vjerovatno možemo, svi smo svjedoci koliko smo održali hitnih sjednica upravo zbog tog stanja. Koliko to, one ipak nisu dio Programa rada i hitne su po potrebi sadržaja. Tako da nemam ništa protiv, slažem se stvarno da treba malo taj monitoring raditi, da li na mjesečnoj bazi, da li na tromjesečnoj da vidimo šta smo mi to planirali, zbog čega iz kojih razloga neke tačke ili tematske sjednice nismo, ne možemo održati, i to je to. Ali evo ove stvari ipak treba imati u vidu bez obzira na Vladu koja je bila i prošle godine i ove, ipak pandemija je možda taj dio poprilično usložnila. Toliko i hvala.

Predsjedavajući:

Zahvaljujem se kolegi Vreti. S obzirom da se više niko ne javlja za riječ, zaključujem raspravu.

Molim zastupnike da uđu u salu kako bi se izjasnili o predloženoj tački.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU PROGRAMA RADA SKUPŠTINE KANTONA SARAJEVO ZA 2021. GODINU UZ ZAHTJEVE ZA TEMATSKJE SJEDNICE KOJE SU PREDLOŽENE NA 38 ILI 39 SJEDNICI.

Zaključujem glasanje. Molim službu da objavi rezultate glasanja.

ZA JE GLASALO 24 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA PROGRAM RADA SKS ZA 2021.GODINU.

Pred nama su dvije tačke Izvještaj o radu UNSA za 2019 i 2020.godinu. Predlažem da objedinimo ove tačke, da vodimo cjelovitu raspravu, a da se izjasnimo pojedinačno za svaku godinu. Molim zastupnike da se izjasne o mom prijedlogu.

Poslovnička intervencija zastupnik Damir Nikšić.

Poslanik/zastupnik Damir Nikšić:

Hvala uvaženi predsjedavajući. Ja se izvinjavam ako remetim dnevni red ali moram pročitati ovu poslovničku intervenciju. Znači, povreda Poslovnika član 12. smatram da način na koji se odvijala treća tačka dnevnog reda nije bio u skladu sa principima demokratskog parlamentarizma i odredbama Poslovnika. Mislim jel u redu da pročitam ovo? Trajat će dva minuta, pošto nisam jedini koji ima ovakvo mišljenje. Scenario po kojem se odvijala treća tačka dnevnog reda je pomalo problematična i dozvolite mi da u svoje ime i u ime drugih kolega i kolegica, zastupnica i zastupnica izrazim svoju zabrinutost, nezadovoljstvo i protest u vezi načina na koji se odvijalo jučerašnje zasjedanje Skupštine. Smatram da se nije smjelo dozvoliti da se treća tačka dnevnog reda odvija na onaj način koji nam je ovdje jučer bio nametnut. Smatram da se time podcijenilo i obezvrijedilo parlamentarno djelovanje zastupnika kroz Klubove i Kolegij Skupštine. Nakon što je Vlada čitavo jutro držala u neizvjesnosti kako javnost tako i nas zastupnike i zastupnice po pitanju ostavke ministrice nauke i visokog obrazovanja, premijer je po mom mišljenju i nekolicine nas bio dužan povući nacrt sa dnevnog reda odmah nakon što je ministrica sa ove govornice saopštila Skupštini i javnosti da daje neopozivu ostavku. Tek nakon toga se ministrica mogla obratiti Skupštini i javnosti govorom o razlozima svoje ostavke ali nikako sa uvodnom riječju i prezentacijom Nacrta Zakona. Premijer se također mogao obratiti prigodnim govorom o ministrici, ali tek nakon što je povukao tačku dnevnog reda a ne obratno. Činjenica da po Poslovniku premijer može povući tačku dnevnog reda nakon uvodne riječi predlagrača Zakona i predstavnika radnih tijela a prije pitanja i diskusija zastupnika. Ali mislim da to ne bi trebalo važiti i u slučaju kada je prethodno podnesena neopoziva ostavka ministrice resora iz kojeg dolazi prijedlog nacrta Zakona. Vlada kao predlagrač Zakona je to trebala učiniti jer je suvišno i pomalo apsurdno da se ministrica nakon ostavke obraća Skupštini i ima uvodnu riječ u vezi prijedloga nacrta Zakona. Ni ministrica ni uvaženi akademik Trifković, a ni predstavnici radnih tijela po mom mišljenju, a vjerujem da nisam jedini u ovoj Skupštini koji tako misli, nakon ostavke ministrice nisu trebali imati uvodnu riječ, a pogotovo ne i zadnju riječ u vezi Nacrta Zakona. Smatram da to nije dobro izvedeno i da je izvedeno na štetu demokratskog parlamentarizma. Smatram da je jučerašnji scenarij potvrdio ne samo da određene interesne grupe i dalje nisu spremne za institucionalni skupštinski dijalog već da su izmanipulisali i iskoristili ovu Skupštinu i skupštinsku govornicu da bi izrežirali i producirali svoj konačni monolog. U tom procesu su zaobišli većinu nas iz zakonodavne vlasti, zaobišli su mene kao šefa Kluba ispred kojeg je ministrica imenovana, iz kojeg dolazi i predstavnik radnih tijela jer uopšte nisam bio informisan o jučerašnjem scenariju kao uostalom skoro niko od nas, a mora sam to biti jer je to smisao i posao šefova klubova, pogotovo Kluba čija ministrica daje neopozivu ostavku. To nije demokratski parlamentarizam na koji se referiše član 12 Poslovnika definišu prava i dužnosti predsjedavajućeg Skupštine. Na ovaj način data je prilika jednoj maloj interesnoj grupi da zaobiđe institut klubova, principe i mehanizme demokratskog

parlamentarizma, omogućeno joj je da prezentira svoje stavove i argumente na ovoj Skupštini, a onemogućena je skupštinska prezentacija a samim tim i i demokratska prezentacija drugačijeg mišljenja. U ovom konkretnom slučaju većinskog negativnog mišljenja o nacrtu Zakona što je najvažnije i najtužnije, onemogućen je dijalog i pluralizam mišljenja. Imajući sve to u vidu, takvo obesmišljavanje parlamentarnog djelovanja kroz klubove, marginalizaciju i zaobilaženje uloge šefova klubova, ja sam jučer najavio svoje povlačenje sa te pozicije i iz članstva Kluba samostalnih zastupnika a danas sam to i formalizirao u znam protesta. Eto toliko sam samo htio da uđe u zapisnik. Hvala.

Predsjedavajući:

Zastupnik Haris Zahiragić.

Poslanik/zastupnik Haris Zahiragić:

Pa evo poštovani predsjedavajući, na tragu diskusije kolege Damira Nikšića jučer se ovo desilo unutar parlamentarne većine, mi bi smo kao opozicioni klub željeli naglasiti da u ranijim sazivima skupštine često se dešavalo da mi kao opozicioni klub također budemo na neki način diskriminirani u prilici da govorimo, i smatram da je ovo otvaranje debate o parlamentarnom dijalogu, o prestanku cenzurisanja, o prestanku zloupotrebe poslovničke intervencija, onih stvari držite se tema, davanje prednosti Vladi nas skupštinom Kantona Sarajevo su stvari koje mi unutar ovog doma moramo riješiti. Ovo kao zakonodavni organ, mi trebamo ovdje biti, moramo biti društvo koje će jednostavno i javnosti i jedni drugima i Vladi kvalitetnom diskusijom, argumentovanom diskusijom razvijati demokratske procese u Kantonu Sarajevo a nikako da koristimo ovu Skupštinu Kantona Sarajevo za eventualne političke dijaloge. Prednosti ili mane ili favoriziranje jedne nad drugom. Hvala.

Predsjedavajući:

Hvala kolega Zahiragiću. Zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući, dame i gospodo, drugarice i drugovi svi vi koji pratite na bilo koji način rad ove sjednice. Molim vas ja nisam imao namjeru da govorim, čak šta više na tu rekao bi ružna događanja koja su se jučer dogodila, nedopustivo je da ovaj najviši dom najviša zakonodavna vlast dopušta sebi takvo nešto, a i vi ste sudjelovali predsjedavajući u svemu tome, vašim načinom na koji ste vodili sjednicu. Nedopustivo je i ponižavajuće za sve nas, diskreditirajuće, kompromitizirajuće da ministrica dođe, da dođe čovjek koji je šef Komisije koja je radila na izradi teksta Nacrta spornog zakona na, koji je više nego sporan. Oni kažu sve, čak su se koristiti tu da oni koji su reagirali na taj tekst sudjelovali smo, svjedočili isključivosti da se neko ocjenjuje kao neko ko nije kompetentan, ko ne zna itd i na kraju kaže evo ja dajem ostavku bez prava da vi kažete vaše mišljenje. To je nedopustivo i ovdje smo... uvaženog akademika, ako mi neprijatno da govorim o tome kako je govorio ovako možda pokušavao da bude šarmantan. Međutim ono što je rekao toliko je puno kontradiktornosti i nedosljednosti da je to prosto nevjerovatno. Ja sam, moram vam to reći i mi to ne smije dopustiti da oni kažu svoje. Ja sam rekla ovo ili on je rekao ovo, a vi nemate pravo da kažete bilo šta. Ovo je najviši zakonodavni organ i ovdje se mora znati red dužni smo, prema tome ja ne mogu da vjerujem da čovjek, evo akademik je kaže, „znate nadzor nad radom UNSA je ostao”.

Predsjedavajući:

Kolega Mariću...

Poslanik/zastupnik Zvonko Marić:

Samo da vam kažem, ostao skoro isti. Slušajte ovu demagošku kažu samo je manji tekst koji se odnosi na taj segment. Pa dajte. Ne nego ja hoću da odgovorim, predsjedavajući, govorim o apsurdnosti. I nemojte molim vas više da to dopuštate.

Predsjedavajući:

Poslovnička intervencija. Zastupnik Elmedin Konaković.

Poslanik/zastupnik Elmedin Konaković:

Predsjedavajući, jasno su propisane procedure, otvorili ste, već ste najavili narednu tačku. Kolega Nikšić je tražio poslovničku intervenciju, pozvao se na član Poslovnika na koji se referira. I pročitao to što ima pročitati. Ovo dalje su rasprave o tački koju smo jučer završili. A pred nama je jako malo vremena a puno posla. Tako da vas molim zaista da se držimo poslovnčkih procedura.

Predsjedavajući:

Zahvaljujem se. Još jedno kratko obavještenja. Od 15,00 do 16,00 je sala zauzeta tako da imamo 45 minuta. Gubimo bespotrebno vrijeme. Kao što sam kazao Izvještaj o radu UNSA za 2019 i 2020 godinu. Trebamo se izjasniti da objedinimo raspravu a pojedinačno se izjasniti. Molim službu da pripremi anketu za izjašnjenje. Zaključujem glasanje. Molim službu da objavi rezultate glasanja.

Za je glasalo 24, protiv i suzdržanih nije bilo. Konstatujem da je Skupština usvojila moj prijedlog da izvršimo objedinjenu raspravu u ova dva Izvještaja.

## **AD – 9. i AD – 10.**

### **IZVJEŠTAJ O RADU UNIVERZITETA U SARAJEVU ZA 2019. i 2020 GODINU SA FINANSIJSKIM IZVJEŠTAJEM**

Sa nama je rektor UNSA gospodin Škrijelj. Materijal ste dobili u dopuni. Ima li potrebe da nam se obrati predstavnik predlagagača? Uvaženi rektore izvolite.

Rektor UNSA Rifat Škrijelj:

Poštovani predsjedavajući i zamjenici predsjedavajućeg, poštovane zastupnice i zastupnici, uz izraze srdačnog poštovanja i pozdrava u ime UNSA, i u svoje lično ime cijeneći da ste jučer naporno radili, bit ću vrlo kratak očekujući da u ovom periodu dana je previše toplo, ja sam napravio kraći koncept koji će po meni biti dovoljan za ono što ste iz materijala mogli vidjeti ali da zadovoljimo i onaj dio da sam kao izvjestilac bio pred vama. Zahvaljujem vam se na prilici da vam se obratim svima. 2020 godina ukupan broj studenata na UNSA je 27.507. godišnje upisujemo u prosjeku oko 6000 novih studenata. Taj broj ni jedne protekle tri nismo popunili jer je manji broj onih koji se prijavljuju. Broj diplomiranih studenata kreće od 5000 – 2018, pa do 5088 na kraju godine prošle kada smo vršili promociju. U 2020. godini objavili smo 1022 rada u indeksiranim časopisima koje prepoznaju prestižne svjetske baze, web of science i Skopus što je više od svih ostalih javnih i privatnih univerziteta u BIH. Ovdje imaju podaci, od 2018 smo imali 695, 2019-870, to znači da ovdje imamo ozbiljan trend porasta što se nadam se može pozitivno odraziti i hoće na naše rangiranje na svjetskim listama. 2019 godine imali smo ukupno 570 projekata što domaćih, što međunarodnih, a 2020 taj broj je 671 projekat. Dakle imamo uzlaznu liniju u broju projekata što svakako donosi i one prihode koje UNSA ostvaruje mimo budžetskih prihoda, a koji svakako jačaju infrastrukturu i istraživačke kapacitete UNSA. Tokom cijelog perioda pandemije držimo mobilnost studenata i nastavu smo u cijelosti realizirali u online formatu, s tim što su neki fakulteti, akademije radili jednim

dijelom i u učionicama koliko su to propisane mjere dozvoljavale. Pregled finansija 2019/2020. 2019 godine pošto je zajednička rasprava, sve ste ovo dobili u materijalima, ja ću pokušati samo kratko da lakše pratite komparativno ovo što govorim da vas ne zamaram. 2019 godine prihodi su nam bili 48.226 zaokruživat ću na milionima 48.miliona to su oni prihodi koji su vanbudžetski. Govorim o onom što je UNSA ostvario. A 2020.godine je to bilo 43.093. Budžet je bio 2019.godine 195.066, ovo je zbirno, sve ono što dobijemo iz Budžeta i ono što smo zaradili. Dakle 199.066 a 2020 193.257. itd. Izvršenje Budžeta za period 2019 za godinu 2019 148.492.661 odnosno 72,9%. a u 2020 godini je bio 149.797,035 što je 77%. IZ izvora 10, to su budžetska sredstva, ono što Kanton daje za UNSA mi smo u limitima određeni i dobili 125.775,849 za 2019. A za 2020.godinu 124.794,429 KM. Izvršenje tog dijela koji dobijamo iz Budžeta je bio u 2019. godini 97,84% a u 2020 godini sa tog izvora 10, to su budžetska sredstva 98,3% je bilo izvršenje. Nema previše budžetskih institucija mogu reći, gledali smo taj komparativni koji je ovo uspio da postigne. Ali u godini pandemije uspjeli smo ovo da iznesemo zajedno na čemu se naravno zahvaljujemo Vladi i Ministarstvu finansija sa kojim smo imali, i Ministarstvu obrazovanja dobru saradnju. Kada su u pitanju projekti, 2019 je 5.147 miliona, to su bili hiljada, u 2020 5.739,040. Na bruto plaće pošto nas ne pokriva u cijelosti budžetski novac, na bruto plaće izdvojili smo 108, dakle ukupno je 108 išlo sa budžetskim, izvinjavam, 108.246.000 a u 2020.godini nešto manje 106.360.000 iz izvora 10. i ovdje smo 7,3 % dali vlastitih sredstava. Trebali dodati da bi smo isplatili plaće prema kolektivnom ugovoru 7,3% smo iz vlastitih sredstava. U ovom dijelu kada su u pitanju obaveze UNSA prema državnim, kantonalnim i drugim institucijama prema kojima podnosimo izvještaje, u 2019.godini mi smo imali prenijetih sredstava 29.148,423. A u 2020godini 23.936,836 ukupno prenijeta sredstava po završnom računu. Dakle ni jednu godinu, 2019 i 2020 nismo poslovali sa gubitkom. Sve finansijske izvještaje smo uredno i na vrijeme predali prema FIJI, Ministarstvu finansija, finansijskom upravljanju i kontrolu, popis uredni, sve organizacione jedinice osim Medicinskog fakulteta. Koji nije prošle godine završio popis. To je nama ne prihvatljivo ali se dogodilo. O ni jednostavno nisu izvršili i obaviješteni su o tome svi koji trebaju biti. I to je urađeno isto za 2020.godinu pri čemu su ovdje popis uradile sve organizacione jedinice. Ovaj prvi podatak se odnosio na 2019. 2019 godine smo 7.263.000 vlastitih sredstava uložili u plate u naknade zaposlenih. 2020.godine smo uložili 8.316.000 vlastitih sredstava u plate i naknade zaposlenih. 2019 smo proveli 1661 postupak javne nabavke a planirali smo 28.655 odnosno miliona koji su i u tom potrošili smo 18 miliona od tih 28 miliona planiranih. 2020 godine smo proveli 1636 postupaka javne nabavke, planirali smo 21 milion maraka orijentaciono potrošiti, a potrošili smo 7,761 usporeno, pandemija, išli su vrlo usporeno javne nabavke kao i u drugim institucijama i to je bio rezultat koji sam smatrao da vam trebam predočiti. Ono što želim kazati, najznačajniji plan koji ističemo za naredni period osim dosljednog provođenja procesa pravne integracije koji je sada u toku, i transformacije UNSA, integracija je sudskim rješenjem provedena, sada su operativne radnje u toku na organizacionim jedinicama i rektoratu. Ono što je važno da istaknem kao jedan značajan, skraćujem imam dvije rečenice. Logo za izvornost EU smo dobili. Imali smo prvu reviziju ove godine i dozvoljeno da ga koristimo u narednom periodu, sa izuzetnim pohvalama. Biblioteka UNSA bila su i pitanja ovdje u skupštinskoj sali, je pred raspisivanjem tendera za građevinske radove. Dobili smo sve saglasnosti, još jednu čekamo Saudijskog fonda, i mislim da ćemo u ovoj godini, odnosno tokom ljeta ili početkom jeseni tamo, imati početak građevinskih radova, uklonjen je objekat koji je bio na placu i to je završeno. Pravna integracija se privodi kraju. Zemljište kampusa od prošle godine je vlasništvo UNSA. Upisano je Sudski grunt. UNSA je vlasnik zemljišta. Ostajem otvoren za sva pitanja. Hvala vam na razumijevanju i pažnji.

Predsjedavajući:

Zahvaljujemo se uvaženo rektoru. Vi možete sjesti. Zastupnik Zvonko Marić. Oprostite. Da li

predstavnicima radnih tijela žele riječ? Ima li pitanja? Oprostite nisam vidio. Zastupnik Damir Marjanović.

Poslanik/zastupnik Damir Marjanović:

Zahvaljujem se. Samo bih da kažem ispred skupštinske Komisije za obrazovanje i nauku da su oba navedena Izvješćaja razmatrana i da su na redovnoj sjednici te Komisije jednoglasno usvojena.

Predsjedavajući:

Zahvaljujem se. Zastupnik Zvonko Marić. Pretpostavljam prijavljeni ste svi za pitanja. Izvolite, imate riječ.

Poslanik/zastupnik Zvonko Marić:

Zahvaljujem predsjedavajući. Dakle, zaista ne može se pun toga reći u kritičkom smislu vezano za Izvješća o kojima smo slušali u prethodnim minutama, ali imam nekoliko pitanja, pa bih molio da mi se odgovori u najkraćem. U Izvješćajima za 2019 i 2020 godinu se ne spominju aktivnosti Instituta za sudsku medicinu i forenziku, naravno, koji se nalaze u sklopu Medicinskog fakulteta UNSA a na tragu toga postavljam sljedeća pitanja: kakav je formalno pravni status navedenog Instituta? Na osnovu kojeg dokumenta je on registriran, odnosno ko je odgovorno lice Instituta? Da li djeluje samostalno ili u sklopu Medicinskog fakulteta i ko vrši kontrolu prihoda i rashoda navedene institucije, te o kojem iznosu se radi za izvještajni period 2019-2020 godine. Na čiji račun se uplaćuju iznosi za izvršenje usluga obdukcije prema zahtjevu Tužiteljstva? U čije ime i za čiji račun se koristi obdukciona sala, oprema, instrumenti koji su u vlasništvu Medicinskog fakulteta UNSA i vrše obdukcije u tijeku radnog vremena, ako znamo da navedeni Institut formalno pravno nije registriran kao punopravni član UNSA, niti je kao pridruženi član, niti kao pod-organizaciona jedinica niti kao nastavna baza. Koliko navedeni Institut ima sistematiziranih a koliko popunjenih radnih mjesta? I na koncu, da li su planirana nova zapošljavanja te koja je sudbina ove institucije kada znamo da samo jedan redovni profesor uskoro ide u mirovinu ili penziju, odnosno koliko vještaka sudske medicine imamo u Kantonu Sarajevo? Zahvaljujem.

Predsjedavajući:

Zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

Hvala predsjedavajući. Pa evo ja imam više pitanja a tiče se finansijskog izvještaja za 2019 godinu. Zašto Izvještaj nije potpisan i ovjeren od licenciranog i certificiranog računovođe? Mi nismo dobili takav izvještaj uopšte da je ovjeren? Kako se može usvojiti Finansijski izvještaj u čijem je sastavu bilans stanja i uspjeha a da nemamo provedenu inventuru detaljno? To je popis što je i uvaženi Rektor pričao o tome. Na stranici 3. navodi se prihod od projekta mislim da je Rektor spominjao oko 5 miliona, međutim u finansijskom ovdje obrascu to su projekti u iznosu od 9.645.352 od čega međunarodnih projekata je bilo 2.829.000 a od domaćih projekata 5.502.710 KM. Kada se saberete ova dva iznosa to je manje za 1.313.450 KM. Zanima me gdje je razlika jer nisu podaci u izvještaju tačni, iako s Skupštini Kantona dostavili Finansijski izvještaj koji ste potpisali a podaci nisu tačni. Centar za ljudska prava na knjigovodstvenog kartici konto 02000004 do 06 dugoročni plasman evidentirao je iznos od 207.944 kao nedostajuća sredstva. Zanima me šta je sa ovim sredstvima i da li uopšte Rektore postoji tužba? Ako postoji da nas obavijestite dokle je došla ta tužba. Stanje sredstava Fonda za razvoj sa 31.12.2019.godine po kartici POC-a 596.074, 01 zanima me gdje su ta sredstva, gdje se nalaze a isto se sredstva i za 2020 nalaze u istom iznosu. S obzirom da su to stanja za



ovaj Fond za razvoj, sredstva koja mi trebamo utrošiti za naš razvoj, ako ih imamo zašto se zadužujete za 800.000 KM za FIS ako postoji ova sredstva? Kod pregleda planiranih sredstava javnih nabavki, u tabeli stoji da je planirano 28.655,959 potrošeno je 10.303000. zašto je odstupanje 18.352,000 Zašto nije realizovano u ovom iznosu i zašto je planirano ovoliko odstupanje od 18 miliona? Naveli ste kod javnih nabavki da je po direktnom sporazumu potpisan 1685 direktnih sporazuma. Zanima me da li su to, pošto su fakulteti ka pravna lica provodili javne nabavke, vi ste u svom izvještaju stavili direktni. Da li uopšte se upoznati o takvom stanju ono što je frapantno, opet evo netačno u Finansijskom izvještaju, plate i naknade, za koje ste sami rekli da je bilo u iznosu o 108 miliona. Nije 108 u zbirnom obrascu Rektore. Plaće i naknade za zaposlenike ukupno je cifra 118.848, 950 KM. Razlika je u 10.602, 840 KM. Zanima me gdje je ta razlika i kako glasati za razliku od 190 miliona. I također iznosi za energiju su 2.681, 182. u zbirnom obrascu a stranici na poziciji izdaci za električnu energiju, navodi se iznos od 1.071.000 . opet je razlika u finansijskom izvještaju 1.609.6530 KM. I evo već sam navela sumu novca od preko 13 miliona koja se ne poklapa u ovom Finansijskom izvještaju. Zahvaljujem. Ovo su moja pitanja.

Predsjedavajući:

Zastupnica Amra Hasagić.

Poslanik/zastupnik Amra Hasagić:

Na strani rashoda nije prikazan trošak službenih putovanja. Da li je istih bilo? U slučaju da jeste, ko potpisuje ista vama uvaženi Rektore, a ko dekanima ili drugim predstavnicima UNSA? Da li je UO usvojio te izvještaje i koju korist UNSA ima od tih putovanja i da li je moguće uraditi evaluaciju istih. Hvala.

Predsjedavajući:

Zastupnica Smiljana Viteškić.

Dopredsjedavajuća:

Zahvaljujem predsjedavajući. Ja imam jedno pitanje koje možda trebalo biti prvo. Kako je moguće da je usvojen Budžet Kantona Sarajevo za 2021 godinu kojemu je UNSA budžetska jedinica da nije prije toga usvojen izvještaj univerziteta za 2019 u 220 godinu. Nije čak ni razmatran.

Zastupnik Haris Zahiragić:

Pa ja bih imao nekoliko pitanja. Više ću kroz diskusiju a nešto ću kroz pitanja. Da li su smanjeni materijalni i troškovi na UNSA posljednje godine s obzirom da je nastava održavana online? I da li imate procjenu u kojem su iznosu smanjeni ti troškovi? Naveli ste da se broj studenata smanjuje, da li to možemo dovesti u vezu sa privatnim fakultetima koji se sve masovnije otvaraju na granicama Kantona Sarajevo. Ukoliko da da li je UNSA išta uradio a da zaštiti UNSA na način da profesori koji predaju na UNSA ne predaju na tim konkurentskim fakultetima i univerzitetima. S tim u vezi, koliko profesora UNSA; da li imate informaciju, predaje na privatnim univerzitetima u drugim kantonima? I pitanje je vezano za inspeksijske nalaze. Jučer smo dobili informaciju od ministrice tokom njenog govora prije podnošenja ostavke, da je od od 502 inspekcije, čini mi se 500 inspekcija bilo na UNSA a samo dvije na privatnim univerzitetima. Odakle koliko je kazni plaćeno pod tim inspeksijskim nadzorom i šta je poduzeto protiv dekana i direktora koji su kršenjem propisa zapravo izazvali takve vrste prijave inspekciji i dobivali kazne i njihove kazne za nepoštivanje formalno pravnih propisa i pozitivnih propisa su snosili teret poreski obveznici tj oni koji pune Budžet Kantona Sarajevo? Da li e ikakva odgovornost s tim u vezi pokrenuta unutar UNSA ? eto toliko za pitanja. Hvala.

Predsjedavajući:  
Zastupnik Mahir Dević.

Poslanik/zastupnik Mahir Dević:

Jedno pitanje za Rektora. Više nejasnoća. Čini mi se da je stranica broj a vezana također za finansijski izvještaj, i tabeli aktive pod rednim brojem 5) predstavljen je konto 1 60.000 o a onda u iznosu od 40.153, 003 KM. Molio bih da mi se ovo objasni s obzirom da je u pitanju izuzetno velika cifra, prilično je nejasno definisan ovaj konto ne znamo ustvari o čemu se radi ovdje a cifra je više od 40 miliona KM. U ovim nekim prethodnim kontima ne znam novčana sredstva kratkoročna potraživanja, kratkoročni plasmani, zalihe razgraničenja, stalna sredstva. A onda jedna od stavki se zove konto 160.000 na kojem je preko 40 miliona. Nejasno nam je o čemu i se ovdje radi pa molimo objašnjenje. Hvala.

Predsjedavajući:

Nemamo više pitanja. Pozivam uvaženog Rektora da ponudi odgovore na postavljena pitanja.

Rektor UNSA Rifat Škrijelj:

Svi izvještaji koji se proslijede FIJI i Ministarstvu finansija a potpisuju se i potpisani su, ovo je vjerovatno elektronski snimak koji ste vi dobili od strane ovlaštenog računovođe u ovom slučaju gospođe Merise Kurtanović i kao takvi se jedino mogu proslijediti FIJI da bi bili prihvaćeni. To je što se tog dijela tiče to. Što se tiče ostalih pitanja jedno od pitanja je bilo Centar za ljudska prava 207.000 koje se spominje. Na prelazu 2012/13 kada nisam bio rektor u tom Centru za ljudska prava došlo je do zloupotrebe finansijskih sredstava od određenih osoba koje su tada vodile blagajnu. Proces je na Tužilaštvu. To je jedan ozbiljan istražni postupak koji traje evo već sada mogu reći od 2013 godine. Ja sam u više navrata dostavljao podatke za Tužilaštvo. Ne mogu precizno odgovoriti u kojoj je fazi proces, ali vrlo ozbiljno krivično djelo. Imaju imena i prezimena osoba koje su u tom času radili i to je proces koji tamo ide. Računovodstveno se to mora voditi. Pitanje Fond za razvoj UNSA, zahvaljujem se na tom pitanju. U dvije godine smo prema pravilniku koje je donijelo Ministarstvo prikupljali sredstva sa organizacionih jedinica u Fondu za razvoj. Jedan broj njih je uplaćivao uredno, drugi su se u tom dijelu ponašali malo drugačije i ta sredstva su na računu. Sva se sredstva nalaze na računu i vidljiva su u trezoru Kantona Sarajevo. Njihova upotreba ne može biti bez ozbiljne suradnje između UNSA i osnivača a upit je paralelno s tim išao zašto je kreditno zaduženje za FIS bilo u Vladi koja je u to vrijeme određena kreditna sredstva podizala za razvojne odnosno podršku određenim projektima. Mi smo aplicirali za projekat FISA jer nismo mogli u tom času mogli ta sredstva upotrijebiti naša koja su sa različitih organizacionih jedinica a ovo se tiče svih. Bila bi nedostatna u tom času i mi smo pokrenuli proceduru da se i dobili smo ta kreditna sredstva od Vlade za FIS i taj naš Finansijski informacioni sistem sada da pravnom integracijom, obavještavam vas i hvala vam na ovom pitanju, je bio kvalitetan projekat. Završen je softver, počela je implementacija. I sada sa pravnom integracijom trebat će možda jedna minuta, dvije kada se neka transakcija uradi na nekom fakultetu da je u ministarstvu finansija mogu vidjeti. Znači put je, to je jedna mreža sada finansijska i mogu nas pratiti iz Ministarstva finansija daleko bolje nego što je to bio do sada slučaj. Kada su u pitanju javne nabavke i broj direktnih postupaka to se odnosi na sve organizacione jedinice i UNSA jer mi već nekoliko godina, tačnije ove dvije, 01.01.2019 mi smo prešli na trezor, objedinjuju se u izvještaju i onda to može da zbuni dok detaljno ne bi ste ušli u sve tabele koje vode do te jedne tabele onda bi ste mogli doći do tog podatka. Kada su pitanju službena putovanja, oprostite mi ako nečije pitanje budem, imao sam gore razlike u projektnim sredstvima. Ne potroše se uvijek sredstva kada se dobiju za projekat. Neki projekat traje godinu, neki dvije a neki tri. Iskazuju se kroz tri godine a iskazuje se da je potrošeno samo ono što je potrošeno. I ono što je najvažnije za sve vas u Skupštini a i za mene, sva sredstva

kojima UNSA raspolaže i vlastite prihode i budžetska sredstva nalaze se na računu koji je kontroliran od strane Ministarstva finansija i trezora. Dakle ne može niko tim sredstvima raspolagati. Sva pitanja koja se odnose na to gdje se nalaze ta sredstva, nalaze se na računu i ne mogu biti utrošena bez precizne procedure za šta su namijenjena. Bilo je pitanje oko službenih putovanja. Službeno putovanje Rektora UNSA za ove dvije godine su bile minimalna, odobrava predsjednik UO. Nije se prošle godine putovalo u inostranstvo jer se nije moglo putovati zbog pandemije a nisam ni planirao. Putovao sam inače, mislim da sam među rektorima sa najmanjim brojem službenih putovanja, upravo iz razloga što sva ne donose dobit UNSA. Idem samo tamo gdje moram. Kada su dekani u pitanju, ta službena putovanja odobrava Rektor, saglasnost daje, i oni pravdaju kroz svoje finansije kao fakulteti. A Rektor kroz finansije Rektoratu. Ima dosta službenih putovanja po projektima ali je i to bilo usporeno zbog pandemije, posebno ako su u pitanju međunarodni, europski projekti, ERASMUS koji podrazumijevaju i ovi (nerazumljivo) 20-20 koji podrazumijevaju susret partnerskih institucija i istraživača. Dakle to su putovanja koja se na taj način realiziraju. I ima službenih putovanja koja se odnose preko jednog projekta, recimo ranije smo to imali. Ali i to je prošle godine zaustavljeno za 2020 za studente iz ERMA programa koji provode recimo po mjesec i pol u Bolonji. To nam je zajednički studij sa Bolonja Univerzitetom. I to se sve kumulativno iskazuje. Materijalni troškovi bilo je pitanje kolege Zahiragića u nekim elementima smanjeni na UNSA. A u nekim povećani jer smo imali zbog ovih promjena u doba pandemije. Ko je planirao da toliko dezinfekcionih sredstava moraju kupovati organizacione jedinice i fakulteti. Morali ste na svakom spratu imati one tastere sa materijalom za dezinfekciju, vidite i ovdje u salama. Tu je negdje bilo više manje, ne mogu precizno odgovoriti. Privatni univerziteti i ovaj, oni ne utiču na broj studenata kod nas. Ne mogu uticati i oni nam nisu skoro nikakva konkurencija. U pogledu kvaliteta naš UNSA odskoče od njih i to bih bio da imam vremena šire obrazlagati. A kada je u pitanju broj angažiranih profesora zahvaljujem kolegi Zahiragiću nemam precizan podatak jer nismo nikada napravili tu analizu kao UNSA zato što jedan broj njih radi u dane vikenda i ne prijave to regularno. E sada mogu se oni inspekcijskim nadzorima bi se to sve moglo provjeriti. Međutim vidjeli ste iz ovih inspekcijskih nadzora mi smo za prošlu godinu samo imali 206. nisu svi inspekcijski nadzori bile kazne, tako da znate. Nije tu bilo toliko kazni koliko inspekcijskih nadzora novčanih. A bilo je povremeno i tih kažnjavanja. I još je jedno pitanje bilo važno koje sam, da. To je serija pitanja uvaženog zastupnika Zvonka Marića. Institut za sudsku medicinu se zove na Medicinskom fakultetu. Moram ovdje priznati javno da nikada UNSA nije imao nikakve podatke o tom Institutu da mogu na ova pitanja konkretno odgovoriti. U tom pogledu obavezujem se javno da ćemo sva ova pitanja koja je danas uvaženi zastupnik Zvonko Marić postavio a koja su u vezi zatražiti da nam dostavi Medicinski fakultet kao UNSA, i proslijediti ih u formi zvaničnog odgovora UNSA jer ona imaju ozbiljnu posljedicu na ono što taj Institut treba da radi u državi i mi o tome nemamo podataka. Ja moram to ovdje javno kazati, nit smo ih dobili niti ih ja mogu danas ovdje dati uz veliko izvinjenje uvaženom zastupniku Mariću, cijeneći ozbiljnost ovih pitanja ja ih moram dostaviti u pisanoj formi. A moram ih prvo zatražiti na tom fakultetu sada imamo izabranog dekana koji je čestit čovjek i koji će nam pretpostavljam vrlo precizno odgovoriti. Izabralo ga je Vijeće ubjedljivom većinom od 112, 111 ga je glasalo, prema tome on će nam to dostaviti a ja vama proslijediti. Jedino što ću moliti da nam se iz zapisnika skupštinskog zasjedanja danas, dostave samo ova pitanja koja je postavio gospodin Marić i da na njih odgovorimo. Tako da u tom pogledu ja vam se najiskrenije zahvaljujem. Ono što je jako važno jeste da na UNSA nismo imali u ove dvije godine od kada smo na trezoru bilo kakvih oblika pronevjere ili zloupotrebe, da su nas upozoravali recimo iz ministarstva finansija ili po predavanju izvještaja. A izvještaji u svom sadržaju imaju dosta toga što ja danas niti imam vremena niti mogu sve detaljno obrazlagati. Moram biti vrlo iskren niti mogu čak najkompetentnije to je prorektor za finansije, lice, koje bi trebalo danas biti ovdje, pa njemu

postaviti mnogo više pitanja iz finansijskog dijela, ali u ovom konkretnom slučaju, ja sam siguran da svi zastupnici i zastupnice koji su postavili ova dobronamjerna pitanja razumiju da UNSA ima ozbiljnu infrastrukturu i da tu ne može biti bilo kakvih problema. Uostalom mi smo pored ostalog institucija koja radi po jednom planu integriteta koji je od Ureda za suzbijanje korupcije odobren na UNSA u tom djelu imamo sve mehanizme kontrole koje Zakon pred nas nalaže. Ja vam se zahvaljujem. Ako nisam najpreciznije na neka pitanja odgovorio, molim za razumijevanje. Ali u svakom slučaju ostajem otvoren i zahvaljujem se svima. Zahvaljujem se još jednom našem osnivaču na podršci koju je uradio za UNSA u periodu koji je iza nas za ove dvije godine. UNSA je dosta napravio pozitivnih koraka i oni se svakim danom pokazuju. Ja vas se zahvaljujem još jednom.

Predsjedavajući:

Zahvaljujemo se uvaženom Rektor Škrijelju. Možete vi sjesti na svoje mjesto. Otvaram raspravu. Poslovnička intervencija zastupnik Mahir Dević.

Poslanik/zastupnik Mahir Dević:

Vidite, mi ćemo to naravno kazati i u diskusiji. Mi smo ovdje postavili niz pitanja, prije svega kada je u pitanju ovaj finansijski dio izvještaja. Ni na jedno od tih pitanja mi nismo dobili odgovor, te Kluba SDA tražimo od sekretara Skupštine također da iz stenograma sve jedno ovo pitanje izvuče, proslijedi ga Rektor da nam se to dostavi u pismenoj formi jer ukoliko ja vama sada kažem predsjedavajući da mi nismo dobili odgovore moglo bi se desiti vaš standardni odgovor u kome kažete da ne možete vi na nekoga uticati kako će odgovarati. To su pitanja bila kristalno jasna i precizna. Znači pitanja su po kontu. Konto taj i taj, piše to i to, nedostaje toliko i toliko sredstava. Takvih pitanja je bilo pa ne znam, barem četiri, pet. Ni na jedno nismo dobili odgovor. Prema tome da mi sada ovdje ne bi ponovo nagurali, raspravljali, trošili vrijeme, evo vrlo jednostavno, isto kao što će ići ova pitanja za taj Institut. Tražimo od sekretara Skupštine da sve i jedno ovo pitanje, kristalno jasno izvuče od strane Kluba SDA da ga dostavi u pismenoj formi Rektor i da ga on u pismenoj formi odgovori pošto mi ovdje kao Skupština nismo u mogućnosti da dobijemo odgovore na postavljena pitanja. Evo zamolit ću vas sekretaru da to uradite i naravno mi ćemo pratiti taj put pitanja, odgovora, potpisati ih da nam se oni dostave. Hvala predsjedavajući.

Predsjedavajući:

Zahvaljujemo kolega Deviću. Zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

Zahvaljujem se uvaženom Rektor na odgovorima na pitanje i definitivno prorektor Zaimović je trebao biti ovdje jer je potpisao ovaj obrazac. Ja vam Rektore kao u najboljoj namjeri kažem da ne potpisujete ovakve stvari dok ih dobro ne pročitate, jer ovaj Finansijski izvještaj koji sam detaljno proučila i potpisala sa svog aspekta ne bih nikada potpisala. Pitala sam vas niz pitanja a tiče se stvarno Finansijskog izvještaja kao što je i tačka dnevnog reda. Izvještaj nije izrađen u skladu sa zakonom o reviziji i računovodstvu u FBiH jer nije ovjeren od certificiranog i licenciranog računovođe. Takav dokument bez obzira na FIU, pa i za Skupštinu Kantona Sarajevo gdje smo čuli da je najvažniji zakonodavni organ, a prije svega osnivač UNSA, ne može biti ni za nas validan. Nedostaje mu zakonski obavezujući element. Zakon propisuje obavezu potpisivanja izvještaja, isto kao što i obavezu da je odobren od računovođe. Tako da smatram da je izvještaj suprotno članu 37. Zakona o računovodstvu i reviziji u FBiH i definitivno ovakav izvještaj čini nezakonitim. Pitala sam također vezano za popis kako se može usvojiti Finansijski izvještaj gdje imamo bilans stanja i bilans uspjeha a da nemamo cjelovitu inventuru koja je detaljno provedena. Koliko sam mogla pročitati u izvještaju internog revizora on je to i naveo kao kritiku i napisao je „Imajući u vidu naprijed

navedeno smatramo da nije postupljeno u skladu sa članom 25. stav 1)= Zakona o računovodstvu i reviziji u BiH, članom 18 Uredbe o računovodstvu Budžeta FBiH, i članom 67 Pravilnika o knjigovodstvu Budžeta u FBiH, Pravilnikom i uputstvom o popisu imovine i obaveza UNSA". Uvidom u kontrolu dostavljene dokumentacije smatramo da nije postupljeno u skladu sa članom 25 stav 1) Zakona i članom 67 Pravilnika o knjigovodstvu Budžeta u FBiH; pravilnik i uputstvo o popisu imovine i obaveza UNSA". Evo da ne čitam cijeli izvještaj revizora, a tiče se imovine. Po meni izvještaj nije potpun, rekli ste da jedna organizaciona jedinica uopšte nije dostavila Izvještaj za popis. Međutim četiri organizacione jedinice po ovom Finansijskom izvještaju nisu dostavile po zahtjevu interne revizije potpunu i validnu dokumentaciju o finansijskom poslovanju, i kod istih je utvrđeno neslaganje stvarnog, odnosno popisanog stanja i knjigovodstvenog stanja odnosno bruto bilansa. Zatim 9 organizacionih jedinica su naknadno dostavile dokumentacije ali je i dalje ostala neusklađenost između u suštini stvarnog i knjigovodstvenog stanja. Kada sve saberemo onda vidimo da kod 13 organizacionih jedinica postoji neslaganje između činjeničnog, faktičkog stanja i ovakve finansijske dokumentacije, što ovakvim netačnim i nepotpuni podaci koji su uneseni u izvještaj o finansijskom poslovanju nas ne mogu ničemu niti naučiti niti da kao zastupnici vjerujemo ovakvom finansijskom poslovanju. Zato je izjašnjenje o dostavljenom dokumentu može predstavljati samo izjašnjenje o dokumentu koji osim što ne ispunjava zakonske standarde, sadrži i nepotpune i netačne podatke. Kada sam vas pitala za prihod od projekta, na stranici 3. piše prihod od projekata u zagradi ukupno 9.645.352, 0000 a onda prihod od međunarodnih i domaćih je razdvojen. Međutim cifra koja se ne poklapa sa ukupnom je od 1,3 miliona. To je za mene prorektor koji je potpisao na neki način povukao i krivičnu odgovornost člana 243 za netačno izvještavanje. Kada je riječ o ovom centru kao što ste rekli i ova sredstva nedostajuća od 207.000 meni je drago Rektore i raduje me činjenica da postoji tužba koju ste pokrenuli. Radi se istina je o u periodu kada vi niste bili Rektor od 2011 godine. I vidjela sam da UO UNSA je donio zaključak koji je vama dao u nalog da vodite računa i da prosljedite kantonalnom Tužilaštvu, zato sam vas pitala da li znate u kojoj je fazi jer ipak su to sredstva naša i nije iznos da kažem mali a radi se o 207.000. Kada je riječ o samom Fondu za razvoj, iskrena da budem uopšte ko je odobrio da takva sredstva idu u Kanton i ako su u Kantonu, a Fond za razvoj samog UNSA i ne samo UNSA, naravno sa organizacionim jedinicama, kako smo ga mogli opet prikazati u finansijskom izvještaju za 2020 godinu, ako stvarno i ne postoje te pare u UNSA? Rektore mi trebamo stvarno taj Fond malo unaprijedit, na neki način iskoristiti ta sredstva. Mislim da Budžet i Kanton imaju dovoljno svojih sredstava, svašta nešto fali na našem UNSA, i ne znam naravno trebamo se zadužiti kod FIS-a to je dobra ideja, ali moramo voditi računa da se i sam UNSA mora razvijati. Tako da evo ne znam zašto su opet planirana za 2020. godinu, nisam ni dobila odgovor. Također kada je riječ o platama, niste mi odgovorili. Na dva su različita obrasca razlika u platama od 10 miliona. Mogu vam pokazati evo s obzirom da prorektor Zaimović nije tu. Na jednom je prikazano 108.246.110 ili 92,2% od plana Budžeta UNSA. A onda kada pogledate da kažem u ovaj cjelokupni iznos onda je to iznos od 118.848, 950 i stvarno zapanjila me razlika koja je od 10 miliona. Pitala sam vas izdatke za energiju 2.681.0000 onda su opet sljedeći podaci netačni gdje u zbirnom obrascu na stranici 5 na poziciji Izdaci za električnu energiju navodi se iznos od 1.071.000 razlika je u 1.609.530. Brojne su da kažem anomalije ovog finansijskog izvještaja, da budem iskrena. Rektore ne krivim vas, krivim prorektora koji je potpisao ovaj finansijski izvještaj, stvarno ne mogu da vjerujem da je neko ko je s Ekonomskog fakulteta UNSA ovakav Finansijski izvještaj potpisao. Kada sam vidjela i direktne sporazume, odnosno javne nabavke koje provode organizacione jedinice da je to takvih bilo 1685 iskreno i ja sam se zapanjila. To je ogroman iznos za direktne sporazume. Također mi nije bilo jasno kako može plate i naknade troškova zaposlenih iskazane u iznosima preko 100%. takvih je jako puno i svi su fakultet popisani-. Kada je riječ o pitanju kolege Devića a radi se o bilansu stanja na dan 31.12.2019.godine koji je predstavljen samom

tabelom, zanima me zašto je samo ovaj konto 160.000 kao što je rekao stavljena je zvjezdica od 40 miliona. Zašto se samo on ne vodi pod nazivom pozicije u vašem POCU-u? Sve ostale su eksplicite nabrojani, npr evo novčana sredstva, kratkoročna potraživanja, kratkoročni plasmani, samo je taj konto 160.000 ostao bez naziva pozicije i mogu reći kada gledate da ne samo da para oči, sada para i uši, a to je 40.miliona KM. Žao mi je iskreno što nisam dobila odgovore na brojna pitanja jer već sam napomenula prije u svojoj diskusiji da je razlika u ovakvom finansijskom izvještaju više od 15 miliona.

Dopredsjedavajući Vibor Handžić.

Izvinite na prekidu kolegice Bišćević-Tokić samo da pitam jel u ime Kluba govorite? Možete nastaviti.

Poslanik/zastupnik Jasmina Bišćević -Tokić

I voljela bih stvarno kada bih dobila ovakva pitanja u pisanom obliku, ja vas Rektore molim s obzirom da se stvarno radi o finansijskom izvještaju UNSA, da mi prorektor Zaimović objasni ove sve anomalije koje su u finansijskom izvještaju. Ali žalosno je da je neko potpisao ovakav izvještaj, a sada u ovom stanju pandemije COVID-19 tražimo svaki novac. Evo jučer smo imali priliku da čujemo o 10 ljekara koje ne možemo zaposliti. Dođemo u situaciju da stvarno ne znamo kako je uopšte manjak o nekih 15 miliona. Zahvaljujem.

Dopredsjedavajući Vibor Handžić.

Hvala. Sljedeći za diskusiju se prijavio zastupnik Zahiragić, izvolite.

Poslanik/zastupnik Haris Zahiragić:

Zahvaljujem dopredsjedavajući. Pa evo, kolegica Jasmina je na kraju svog izlaganja možda dala šlagvort kako lako vidim među prijavljenim nema niko osim Kluba SDA a ozbiljni iznos sredstava su u pitanju. Ja čak nisam, čestitam kolegici Jasmini na ovakvoj analizi, ja čitajući izvještaj nisam uopšte mogao da dođem, obiman je Izvještaj i teško je ovo kada čovjek iz pozicije nestruke ekonomske čita ne može tek tako primijetiti ove podatke koji su šokantni i ne mogu da vjerujem da niko od kolega zastupnika ne reaguje na to. A sa druge strane jučer smo kada smo govorili o inicijativi za zapošljavanje mladih ljekara i programu zapošljavanja argument ministra je bio da nema novca. Dakle po stoti put ponavljam u ovoj sali, ima viška novca u Kantonu Sarajevo, samo moramo biti iskreni i transparentni prilikom raspoređivanja i utroška tih sredstava a ova ne javljanja i ne briga zastupnika o tim sredstvima evidentno pokazuje da su neka sredstva važna a neka su manje važna. Vjerovatno da to personaliziramo, jel. Dakle ja ću pokušati govoriti iz vizure manje izvještaja više općeg stanja na UNSA jer s obzirom da je rasprava za Izvještaj za dvije godine. Dakle dešavaju se procesi, drago mi je da je određeni broj studenata zadržan na UNSA, međutim u odnosu na posljednjih pet, deset godina, polako se smanjuje taj broj. I Rektor je kazao da nema veze sa privatnim fakultetima. Ja mislim da i ima s obzirom da su oni kao takvi nelojalna konkurencija. To nije u nadležnosti Rektora, nije u nadležnosti ni Kanton Sarajevo, s obzirom da su ti univerziteti lošiji, koji doslovno prodaju diplome, otvaraju na samim granicama Kantona Sarajevo. Bili su neki pokušaji da uđu i Kantonu Sarajevo, za ada su hvala Bogu spriječeni. Treba to pratiti, pratit ćemo svakako iz skupštinskih klupa. Ali takvi univerziteti su nelojalna konkurencija UNSA; a posebno imajući u vidu činjenicu da Vlada Kantona Sarajevo, javne ustanove, javna preduzeća, pa evo čak i Vlada sama u svom sastavu ne vodi računa i gradira UNSA na način na koji bi trebalo. Pa ako pogledate na javnim konkursima ko se prima u javni sektor, koga imenuje za direktore i ministre, vidjet ćete da imamo veliki broj ljudi sa tih fakulteta. I na taj način Kanton Sarajevo ne radi ništa da zaštiti UNSA. I kada mladi ljudi vide da ministri, direktori, uglednici Kantona Sarajevo su ti ljudi sa diplomama iz kasaba, zašto bi oni prihvatili da studiraju na UNSA. Naravno u izvrsnosti se ne mogu poredi sa UNSA. A mi

društvo nismo na žalost to smo više puta dokazali koje cijeni izvrsnost. Šta UNSA može uraditi u borbi protiv tih fakulteta. Svakako Rektor je kazao da nema broj profesora koji predaju. A zakonska obaveza da saglasnost dobiju od strane rukovodioca visoko školske ustanove. Što smo zajedno čini mi se ja i on, kada sam ja bio u Studentskom parlamentu, a Rektor bio član komisije propisali. Ali evidentno profesori ignorišu te propise, i nisu u stanju da prijave i da na transparentan način kažu gdje predaju. Kažu diskriminacija. Nije diskriminacija. Zamislite UniCredit banke da je njihov radnik radi paralelno u Raiffaisen a banci. Univerzitet je još gori, jer na žalost komercijalizacija univerziteta se desila, i znanja i visokog obrazovanja. To mi nismo krivi, to su globalni procesi. Ali moramo mi spriječiti svoje profesore koji su daleko najbolji da predaju na lošim privatnim fakultetima. Kažu šta ćemo kada ode čovjek Harvard, na Jel? Nek ode. Treba mu Kanton subvencionirati. Mi trebamo platiti našim profesorima duplu platu, stipendiju, dnevnice, naučne studije na boljim svjetskim privatnim univerzitetima. Ali ne može niko reći da univerziteti evo da ne bih izdvojio neki posebno, od Sokoca, Kobiljače, Travnika, Kiseljaka, nemojte da nabrajam Brčko, Širokog brijega, strah me da ne izostavim nekog, Viteza. Eno ima jagoda tamo, maline kod Busovače. Tamo naši profesori kojima smo dobre uslove obezbijedili, dobre plate da predaju, nije korektno. Ovdje ti profesori imaju neke kriterije, tamo kada dođu na žalost nemaju ih. I nemojte da se lažemo. Mi dobro znamo kako se stječu diplome na tim univerzitetima. UNSA je dužan zaštititi se. Ako mu treba pomoć ovaj organ je dužan da pomogne UNSA da se zaštititi od toga jer u perspektivi dobit ćemo UNSA koji će imati 10 do 15.000 studenata i to neće biti dovoljno da on bude najveći univerzitet u BIH, i ona vizija njega koju Rektor i ova Skupština i Vlada, barem deklarativno zastupaju. Stanje na samom UNSA možemo zaštititi tako što ćemo uvesti spriječiti pranje diploma. Da li vi znate da na UNSA na dugom ciklusu studija pod istim uslovima konkurišu naši studenti koji nisu imali imati toliko visok prosjek i studenti sa tih livadskih fakulteta. I oni izbacuju, uzimaju redovni status redovnog studenta našim studentima. To traje već pet, šest godina. Ja sam ko papagaj ponavljao kada sam bio član Senata, evo Rektor može potvrditi, u javnost kao predstavnik studenata, evo sada i kao zastupnik, dajte molim vas riješite barem prijem stavite na drugi ciklus studija. Nemojte da sarajevskim univerzitetom peru svoje diplome koje su na sumnjiv način stekli mnogi ljudi. Ima ih možda ovdje među nama. Ne treba nikoga izdvajati ali ako to postavimo kao pravilo, ovo društvo će dekadencu doživjeti strašnu. Već je doživljava zbog toga. A znate šta je dovoljno da se uništi jedan narod. Samo da mu uništimo obrazovanje. I mi smo na tom putu dobro, dobro smo zagazili na tom putu. Na UNSA se mora njegovati izvrsnost. Zlatne značke. Ja sam nedavno sa ministricom u ostavci razgovarao o Zlatne značke moraju imati pravo na besplatan doktorat. Nemaju. Dakle neko studira dva ciklusa studija postane Zlatna značka i opet mora dizati kredit, a paralelno s tim tražili priliku za zaposlenje jer nema sistem koji će mu osigurati da bude u sistemu direktno da studiraju doktorski studij. I nije argument da ono što dobije džaba se ne cijeni. To je argument kapitalizma. Mi nismo kapitalističko društvo. I ne trebamo postati. Naravno ne trebamo biti ni komunističko društvo ali moramo naći neki kompromis u tome. Pa evo socijalizam, demokratski socijalizam, slažem se Damire. Te Zlatne značke moraju dobiti, nije samo onaj dan kada im damo neku naljepnicu zlatnu. To je ustvari Zlatna značka. Zlatna neka ploča i zlatna naljepnica, par slika sa političarima i ljudi idu na ulicu. Nemaju nikakve privilegije. Univerzitet je dužan, i Ministarstvo i Vlada i skupština obezbijediti tim ljudima bolje uslove na UNSA, besplatne doktorate. Usvojili smo ovdje inicijativu da e primaju Zlatne značke. Koliko, ima par mjeseci. Ministrica je anketu provela, evo dala je ostavku, ne znam šta će biti sada. Jel mi trebamo čekati četiri, pet mjeseci? Mislite da ti ljudi imaju vremena čekati, da neće otići odavde pa ćemo opet mi naći te neke genijalce iz kasaba, uz dužno poštovanje, univerzitetskih kasaba da nam ovdje dođu na UNSA i da budu profesori. To su teme koje su društveno najznačajnije teme. Ja ne znam da li su ovdje ljudi toga svjesni. Dakle, nepotizam. A u vezi s tim nepotizmom i dalje puno na UNSA. Ja sam pratio neke izvještaje oko izbora asistenata, viših

asistenata, odnosno docenata doktora. Puno je toga. Nismo dovoljno radili da ukinemo univerzitetsku kastu, jer svaki čovjek, svaki student ima jednako pravo ako je talentovan da bude građanin UNSA i da bude akademski radnik. Dalje, SPUS. Zakonska obaveza je da SPUS ima Budžet. Ja sam od tamo otišao prije pet godina, nikada ni je jednu marku od UNSA na taj način sistemski nisu dobili ni od Vlade. Imamo Zakon o studentskom organizovanju, imamo Zakon o visokom obrazovanju, imamo statut. Svi ti propisi obavezuju UNSA da u sklopu ovih miliona obezbijede par desetina hiljada toj djeci koja se bore i koja su doprinijeli da ovaj Zakon, prvi su oni reagovali. Prvi su oni korektor društva. Nemaju nikakvog finansiranje. O tome se rad proraditi. Dalje kazne inspekcije, dakle dekani i direktori troše naše pare, bahato krše Zakon, neću izdvajati neke a dobro zna I Rektor i ja i znamo svi ko su ti ljudi. Bahato krše zakon, ali s obzirom da su dobri i podobni treba da glasaju, glasaju, oni ne bivaju sankcionisani a to. A naši građani i budžetski korisnici plaćaju te kazne. Mora se uvesti sistem kontrole i sistem kazne. Ne može neko kršiti procese tek tako a pare iz UNSA i Budžeta kazne. Izvještaj interne revizije i za 2019 i 20 je skandalozna, šokantan. Pročitajte ga. To što piše u izvještaju interne revizije, i mi ako ćemo usvojiti ovaj izvještaj o radu a sa njim ćemo usvojiti izvještaj interne revizije, onda smo mi ovdje, onda je to šizofrenija. Ili ne valja izvještaj o radu ili ne valja izvještaj interne revizije. Ja sam vidio odgovore na izvještaje interne revizije, nisu ni blizu, prorektor je čini se odgovarao, Ekonomski fakultet. Nisu argumentovali razloge zašto ni probleme izvještaja. Niko nam nije osporio izvještaj interne revizije. A vi kolege zastupnici pročitajte ga dobro i vidite za što ste glasali. Ja ne tvrdim da je interna revizija u pravu, a da UNSA nije u pravu. Ali to nam niko nije obrazložio, niko nije na ono što je napisano u izvještaju što je formalno došlo do nas, niko nije ni jedan navod kako treba osporio. Par navoda je možda osporeno od njih stotina. Na kraju, s obzirom da evo ističe mi i vrijeme. Imao bih puno govoriti, možda ću na drugu diskusiju ću se javiti. Na kraju, s obzirom da je 09. juli i da je za dva dana 11. juli da UNSA kao takav je Univerzitet glavnog grada, da on također kao takav to nije krivica ni jednog Rektora ni jednog dekana, to je već sistemski postavljeno, ne vrši svoju društvenu funkciju na pravi način da bude avangarda društveno političkih procesa i da nama ovdje nameće teme kojima se mi moram obaviti i da ne dozvolimo političarima da po TV pričaju i raspravljaju o nekim temama. S tim u vezi ja ću na ovom izvještaju a povodom 11. jula i očekujem vašu podršku predložiti zaključak koji glasi ovako: Zadužuje se UNSA i Rektor UNSA da poduzmu sve aktivnosti i stvore sve predušlove kako bi se saradnja UNSA sa Memorijalnim centrom Srebrenica institucionalizirala na način da Memorijalni centar postane nastavna baza UNSA. Dakle, uzet ću minutu više, dozvolite mi, s obzirom da kolegica nije govorila ispred Kluba više od pola minute. Bitna je tema. Dakle.

Dopredsjedavajući Vibor Handžić:

Kolega Zahiragiću ako se nećete javljati za drugu diskusiju, a očito je da ćete se javiti ako vas sada prekinem, ja ću vas pustiti da završite. Hajde završite.

Poslanik/zastupnik Haris Zahiragić:

Pazite kolega Vibore govorim o vrlo značajnoj temi, mislim da ne vrijedi ovdje sekunde brojati. Ali evo, to je vaš izbor. Memorijalni centar u Srebrenici.

Dopredsjedavajući Vibor Handžić:

Nemate potrebe mene upozoravati na ozbiljne teme, ja sam vrlo ozbiljan čovjek tako da se nemojte vi sikirati oko toga. Poslovnička intervencija zastupnik Konaković.

Poslanik/zastupnik Elmedin Konaković:

Već nam se nekoliko puta dešava da kolege često oni dajući važnost nekoj temi koje jesu važne krše Poslovnik i kažu svaki put tema je toliko važna da mi treba još nekoliko minuta.



Dajete da prekinemo, da odemo na Kolegij, da utvrdimo 20, 30, 50. onako kako piše u Poslovniku moramo se pridržavati. Dakle polako nam to izmiče svaki put, tri, četiri, pet minuta, neko, neko, neko i onda ove Skupštine stvarno izgledaju čudno. Imamo pravo na diskusije, na druge diskusije, replike. Molim vas da se pridržavamo propisa.

Dopredsjedavajući Vibor Handžić:

Sve je jasno. Ja sam dužan štitim Poslovnik i dozvolio sam vam da završite sa prijedlogom zaključka da se ne bi javljao za drugu diskusiju. I to je OK; završite sa zaključkom.

Poslanik/zastupnik Haris Zahiragić:

Nisam još bio stigao do 10 minuta, kolega Konakoviću tek sam bio, bližilo se desetoj minuti pa sam ja sam rekao da mi ističe vrijeme i s obzirom da nije govorila kolegica.

Dopredsjedavajući Vibor Handžić:

Nema potrebe da sada vršimo uviđaj nad vremenom, završite vi sa zaključkom.

Poslanik/zastupnik Haris Zahiragić:

Dakle, Memorijalni centar u Srebrenici je kao takav postigao određeni stepen ozbiljnosti u svom radu. Puno veći nego što su neke institucije na UNSA. S tim u vezi, ukoliko bi smo uključili njega da bude nastavna baza UNSA, stvorili bi preduslove da Institut za istraživanje zločina na UNSA, drugi instituti i fakulteti naprave najozbiljnije interdisciplinarnе studije da ga ponudimo najboljim svjetskim univerzitetima. Pazite, kao takav, je možda je ružno govoriti o tome kao pravnik govorim, sveti gral prava. To je krivično djelo koje je (nerazumljivo) i isto propisano u cijelom svijetu. Nigdje na ovakav način dokazano kao u Srebrenici. Dakle svi pravni fakulteti na svijetu od Harvarda, ne znam Jela, Oksforda, Prinstona, svi oni ukoliko mi ozbiljno uradimo to, će željeti biti dijelom tog studija i da im mi ponudimo svoja znanja i svoja istraživanja o genocidu i da taj genocid naučno, akademski, globalno institucionaliziramo. Ova inicijativa i ovaj zaključak predsjedavajući nije obavezujući u smislu da mi ovim zaključkom to radimo. Nego tražimo do UNSA da nam pripremi sve i da nam kaže koji je to red koraka, šta još mi moramo uraditi. Da li kroz izmjene zakona o visokom obrazovanju, da li kroz izmjene statuta oni, koji je najbolji način da Memorijalni centar Srebrenica postane nastavna baza i da tako zadužimo UNSA i rektora pa da nas izvijesti u neko dogleđno vrijeme šta to Skupština mora uraditi da bi se to realizovalo. Mislim da je to vrlo značajan iskorak u institucionalnoj, akademskoj, intelektualnoj njegovanju kulture sjećanja. Hvala predsjedavajući.

Dopredsjedavajući Vibor Handžić:

Hvala samo ću vas zamoliti da zaključak s obrazloženjem pošaljete na Skupštinski e-mail kako bi mogli ga dobiti svi zastupnici. Replika zastupnik Konaković.

Poslanik/zastupnik Elmedin Konaković:

Ma neću negativnom, hoću u vrlo, vrlo pozitivnom maniru da zaista pohvalim kolegu Zahiragića kako se on referirao ovih dana kada svjedočimo i čitamo eroziju imenovanja ljudi sa spornim, sumnjivim diplomama na najodgovornije funkcije u državi BIH, kako jedan mladi čovjek, mogu reći samokritično o tome govori. Potpuno ga podržavam i smatram da je to zaista jedan od najvećih problema društva. Svima nama se to mora pregledati, ustanoviti naše formalno obrazovanje i zato ga zaista u ovom javno podržavam. Hvala.

Dopredsjedavajući Vibor Handžić:

Zahvaljujem. Sljedeći se za diskusiju javio zastupnik Dević, izvolite.

Poslanik/zastupnik Mahir Dević.

Hvala predsjedavajući. Imamo nekoliko ozbiljnih problema i izazova pred kojim se nalazimo kao Skupština Kantona Sarajevo danas. Prije svega imamo dva izvještaja u proceduri koja se nalaze već jako dugo u samoj proceduri u Skupštini Kantona Sarajevo, a formalno uopće ne bi mogli doći na dnevni red sjednice Skupštine Kantona. Mi danas prihvatamo čini mi se po prvi put kao Skupština Kantona, bar do sada koliko sam uspio da upratim, a prije svega predsjedavajući najveća odgovornost ponovo na vama jer ste vi po članu 12 zaduženi za zakonitost rada Skupštine zajedno sa sekretarom najviše. Znači kolegica Jasmina je danas navela niz anomalija i nedostataka vrlo ozbiljnih u kojim je argumentovala da ovaj izvještaj uopšte nije mogao biti danas na samoj sjednici Skupštine. Naravno ni jednog djelića ne abolim odgovornosti ministrice iako je ona dala ostavku bez obzira na to ova dva izvještaja uopće ne bi mogli biti na samoj sjednici Skupštine. Razlog je navela kolegica Jasmina Bišćević-Tokić. To je prvo pitanje. Drugo pitanje, ozbiljne su primjedbe danas iznesene prije svega na finansijski dio ovog izvještaja. Ja ne kažem da ih je na bilo koji način Rektor UNSA generirao. Ali u najmanju ruku prihvata odgovornost za izvještaj kao takav za 2019 i 2020 godinu na neki način bude opran, očišćen, u najmanju ruku od nepravilnosti koje je u finansijskom dijelu izvještaja, ne da je samo utvrdila revizija, nego jednim laičkim prvim čitanjem ovih tabela se vide ozbiljne anomalije koje su vjerovatno posljedice rada organizacionih jedinica, odnosno pravnih da kažem subjekata koji sada postaju organizacione jedinice. Prema tome, nama je kao Klubu vrlo jednostavno relaksirano da kažemo da mi ni pošto nećemo glasati za jedan ovakav izvještaj, upravo zbog ovog finansijskog dijela izvještaja. A ne bih zaista bio u koži bilo kojoj politici, parlamentarnoj većini, i prihvatio ovakve milione, a pričamo o borbi protiv korupcije. Pričamo o nekim tortama, o fiknutim teladima, o prodaji meda po javnim preduzećima. I to nazivamo korupcijom. Kada nam na izvještaju dođu milioni koji se ne poklapaju mi malo oborimo glavu i iz političkih razloga kažemo hajmo ovo usvojiti mimo svih procedura i Zakona. E zato smo mi kao društvo i kao Skupština Kantona Sarajevo u takvim problemima i zato se nalazimo u ovakvom stanju kao društvo koje se nalazimo. Ne prebacujem bilo šta od ovoga direktno Rektorju jer nema bilo kakvih argumenata ali je činjenica da kroz ova dva izvještaja mi trebamo kao Skupština kolokvijalno kazano da operemo milionska neslaganja u finansijskim poslovanjima, prije svega očigledno organizacionih jedinica. Mi takav teret kao Klub SDA nećemo uzeti na sebe. Da ne kažem da imamo hrabrosti kao Skupština Kantona Sarajevo tražili bi da se ovaj izvještaj povuče od strane predlagača tj ministricom bez obzira što je dala ostavku, da se ovaj izvještaj uradi u skladu sa pozitivnim zakonskim propisima a ne kontra tih zakonskih propisa, i da se utvrde činjenice i daju odgovori na sve ove milionske iznose na koje mi danas nismo dobili odgovore. Mislím da svako zna šta će raditi ne sugeriram bilo kome od kolega kako će glasati. Mi kao Klub nećemo učestvovati u amnestiranju nezakonitosti u finansijskom dijelu ovog izvještaja koji su više nego očigledne a da ne kažem grubu riječ o korupciji koju treba danas Skupština Kantona Sarajevo da legalizuje. Hvala predsjedavajući.

Predsjedavajući Elvedin Okerić.

Zahvaljujemo se kolegi Deviću. S obzirom da nema više prijavljenih zaključujem raspravu. Molim službu da pozove zastupnike da uđu u salu, da zauzmu svoja mjesta.

**MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU UNIVERZITETA U SARAJEVU ZA 2019. GODINU SA FINANSIJSKIM IZVJEŠTAJEM.**

**Zaključujem glasanje. Molim službu da objavi rezultate.**

**ZA JE GLASALO 21 ZASTUPNIK, PROTIV 5 I SUZDRŽANIH ništa.**

**KONSTATUJEM DA JE SKUPŠTINA USVOJILA OVAJ IZVJEŠTAJ.**

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU UNIVERZITETA U SARAJEVU ZA 2020. GODINU SA FINANSIJSKIM IZVJEŠTAJEM. Zaključujem glasanje. Molim službu da objavi rezultate. ZA JE GLASALO 21 ZASTUPNIK, PROTIV 5 I SUZDRŽANIH ništa. KONSTATUJEM DA JE SKUPŠTINA USVOJILA OVAJ IZVJEŠTAJ.

Imamo zaključak zastupnika Zahiragića. Je li služba uspjela da podijeli? Slažete i se da pročitam zaključak?

„Zadužuju se UNSA i Rektor UNSA da poduzmu sve aktivnosti i stvore preduslove kako bi se saradnja UNSA sa Memorijalnim centrom Srebrenica institucionalizirala na način da MC Srebrenica postane nastavna baza UNSA, te da o tome sa tačnim redom formalnih koraka koje moraju poduzeti UNSA, Vlada i Skupština Kantona Sarajevo izvijesti Skupštinu Kantona Sarajevo u roku od 90 dana”.

Poslovnička Damir Marjanović.

Poslanik/zastupnik Damir Marjanović:

Odmah u startu da kažem da podržavam ovu inicijativu koju kolega Zahiragić predložio s obzirom da znam na značaj i bitnost ovog MC i posebno kako ga je uvaženi kolega Suljagić preuzeo i dao jednu naučnu dimenziju tog cijelog procesa. Međutim samo bih zamolio da razmislite o riječi zadužuje se jer proces biranja u načnu bazu, neko da je vaša naučna baza, pokreće Senat. Onda bi to ispalo da malo na neki način utječemo na nešto što je akademska autonomija. Možemo li reći sugerira se, ili na neki drugi način. Kolega Zahiragić eto pronađite samo neku drugu riječ da ne ispadne da politika naređuje akademskoj zajednici. A inače podrška.

Predsjedavajući:

Zastupnik Elmedin Konaković.

Poslanik/zastupnik Elmedin Konaković:

Pa mislim da je adresirano na pogrešnu adresu. Ideja koju svakako svi podržavamo ne može Rektorat ni Rektor ni UNSA nešto što je naša obaveza dakle zakonodavnog organa. U Zakonu ili nacrtu Zakona o viskom obrazovanju moramo otvoriti mogućnost da se nastavne baze na takav način tretiraju. Nastava baza nije saradnja. Nastavna baza je integralni dio obrazovnog procesa. Kao takva podrazumijeva po zakonima mnogo ozbiljniju integraciju u cijeli sistem. Dakle ja bih samo ako može u startu da se kaže sugeriše se Vladi Kantona da u saradnji sa UNSA. Vladi Kantona zato što će oni predlagati propise. I u nastavku može sve isto. Sugeriše se da u saradnji sa UNSA nađu model (nerazumljivo).

Predsjedavajući:

Zastupnik Haris Zahiragić kratko.

Poslanik/zastupnik Haris Zahiragić.

.. možda jeste malo pregruba svakako ako uzmemo u obzir da je UNSA javni da ga mi finansiramo sa skoro 200 miliona mogla bi ali ne treba, slažem se, iz poštovanja prema možda sam tu preletio, hvala kolega Marjanoviću, a evo i kolega Konakovića je diskusija korektna i mislim da možemo uvažiti da umjesto „zadužuje se” stavimo. „Zadužuje se Vlada Kantona” ustvari da zajedno sa sa UNSA i Rektorom i sve ostalo je OK. Slažete li se kolega Konakoviću? Da stavimo „Zadužuje se Vlada Kantona Sarajevo da zajedno sa UNSA i Rektorom”.

Predsjedavajući:

Znači u skladu sa diskusijom zastupnika Zahiragića, Konakovića i Marjanovića stavljamo ovaj zaključak na glasanje.

Zaključujem glasanje. Molim službu da objavi rezultate glasanja. Za je glasalo 24 zastupnika, protiv i suzdržanih nije bilo.

Konstatujem da je Skupština Kantona Sarajevo prihvatila ovaj zaključak.

Obzirom da smo iscrpili sve tačke današnje sjednice zaključujem rad na nastavku 39. Radne sjednice i zahvaljujem se uvaženim kolegicama i kolegama.

Zastupnica Jasna Duraković izvolite. Nisam vidio oprostite.

Poslanik/zastupnik Jasna Duraković:

Ništa, sve OK, hvala vam. Samo da vas podsjetim evo ja mislim da smo već jednom o tome razgovarali. Upravo iz razloga što gomilamo papire, kolegica Bilsena Šahman je imala ovu inicijativu koja je jednoglasno usvojena na ovoj Skupštini ako se sjećate, dok smo još radili u online režimu. Tako da sugeriram da apsolutno nema potrebe da se printaju dokumenti, zaključci. Pogotovo ako ćemo ih mijenjati. Dovoljno da ih vi pročitate. Zaista ćemo tako uštediti a biti dio ekološke savjesti.

Predsjedavajući:

Slažem se s vama u potpunosti. Međutim imamo nekada zaključaka i inicijativa koje su...

*(neki zastupnici govore bez uključenog mikrofona )*

Poslanik/zastupnik Jasna Duraković:

Ma ne, ali ako je usvojena inicijativa ne vidim svrhu da i dalje printamo.

Predsjedavajući:

Hvala vam na sugestiji.